

# أحمد يونس نادر فوده 8

## الآثم



# ہمارے گھر

8



أحمد يونس



الشارع والكتاب



العنوان : الأثم  
المؤلف : أحمد يونس  
إشراف عام : نجلاء محمد رضا هاسم



جمهورية مصر العربية  
15 ش يوسف الجندي متفرع من شارع البستان - باب اللوق - القاهرة  
تليفون: +202 24517300 - +2 01271919100  
email: samanasher@yahoo.com - publishing@sama-publishing.com

مدون الرواية: حسن الحضري  
إخراج باخلي: حمدي إدريس

---

جميع حقوق الطبع والنشر محفوظة  
لدار سما للنشر  
يحظر طبع أو نشر أو تصوير أو تخزين أي جزء من هذا الكتاب بأية وسيلة إلكترونية أو ميكانيكية أو بالتصوير  
أو خلاف ذلك إلا بإذن كتابي من الناشر فقط.

الترقيم الدولي: 2 - 593 - 781 - 977 - 978

رقم الإيداع: 28378 / 2023

---

الله

أحمد يونس

# أهداء

إلى أصحاب الفضل فيما حققته..

إلى كل قارئ..

إلى كل مستمع..

إلى كل محب ..

إلى (عيلة أحمد يونس) الغالية ..

وأنا أتم عامي الـ ٤٣ ..

أهديكم هذه الرواية ..

وأتمنى أن تليق بمكانتكم في قلبي 

أحمد يونس





(مقدمة)

(قبل صدمة البداية)

نادر: أيوة يا أمنية خير؟

أمنية: إنت ما بتتردش على المكالمات ليه؟

إحنا بقالنا فوق الاسبوعين بدتصل بـيك،

نادر: علشان مش فاضي للهيافة بتاعتكوا، خلّصي

عايزة إيه؟

أمنية: هو إيه الطريقة دي؟!

على العموم أنا بكلمك علشان الشيخ لطفي تعبان جداً

وطالب يشوفك

نادر(ساخراً): ماهو على طول تعبان، إيه الجديد؟

أمنية: بقولك تعبان وعايز يشوفك إنت فاهم إذا أقصد

إيه؟

نادر: هيموت يعني؟ الموت علينا حق

أمنية: نادر إنت نسيت إن الشيخ لطفي هو إلهي علّمْك

كل حاجة وقرّبك من ربنا وله أفضل عليك



نادر (مقاطعاً): أنا محدش له أفضال عليّا أنا كل إلهي  
وصلتله ده بتعبي ومجهودي، وإن كان على شغل ال 3  
ورقات فمش هو إلهي علّمهولي.

أمنية: براحتك، أنا مش عارفة إيه إلهي جراك!

نادر: خلاص ماتعيطيش إديني شهر كده ولا حاجة  
وهنزل أشوفه.

- أنهى نادر المكالمة لتحدث إليه علا السكرتيرة  
الجديدة في جريدة عمق الحدث.

علا: دي أمنية أختك إلهي كنت بتكلمني عليها يا أستاذ  
نادر صح؟

نادر: أيوة أمنية أختي الزنانة.

علا: ملكش حق تكلمها كده

نادر: سيدك وقولي إيه سر حلاوتك النهاردة؟

علا (بخجل): بجد؟! أخذت بالك إن أنا غيّرت تسريحة

شعري؟

نادر: بصراحة لأ، بس إنتسي كده كده حلوة على طول،  
فاتحتي ماما في موضوعنا؟

عُلا: نادر دي المرة الرابعة إللي تدي ماما معاد علشان  
تقعد معاها وماتجيش وكل مرة بعُذر جديد

نادر (مُبتسماً): إيه ده همّ مش 6 مرات يبقى فاضلنا  
لسه مرتين.

عُلا: نادر إذت بتتسلى بيّا؟

نادر: عُلا بلاش شغل الدراما ده، أنا إللي طلبت اتقدمك  
مش إنتي إللي طلبتي، بقولك إيه صحيح أخبار ماهر إيه؟

عُلا: ليه هو إنت مش عارف إنه إترقد بسيفك؟

نادر: ياشـيخة حرام عليكى أنا كل إللي عملته إنى  
سجلت له وهو بيشتم فى السياسة التحريرية للجورنال  
وبعتّ التسـجيل لمن يهمه الأمن كده أبقي أنا إللي رفدته  
بردو؟

عُلا: نادر ممكن نقفل الموضوع ده علشان أنا من الأول  
رافضة طريقة تعاملك مع الكل مؤخراً، نادر إذت الكل

كان بيتحاكي بأخلاقك قبل ما أجي، دلوقتي الكل حرفياً  
بيخافوا منك

نادر: لأ حضرتك أنا قررت أوريهم نادر الجديد

عُلا: تمام يا نادر على العموم ماما مستنياك النهاردة  
الساعة 7، أنا قايمة أشوف شغلي

نادر: طب مش ناسية حاجة؟

عُلا(بخجل): حاجة إيه؟

نادر: الملف إلكي طلبته منك

عُلا: يا نادر إنت بتطلب مني طلب مستحيل، إزاي أدخل  
مكتبه وأسرقه ولك

نادر: البنات مابتغلبش يا لولو

عُلا(غاضبة): بعد إذنك يا نادر

ماتستغربوش من إلكي قرأتوه لأن أنا نفسي وأذا بكتب  
ليكم الرواية دي مصدوم من نفسي، بس كل إلكي هطلبه  
منكم سبعة صبر لأن إلكي جاي كله مسار عكس  
التيار

- أنا نادر فودة الصحفي بجريدة عُـمـق الحدث باب ما وراء الطبيعة

- أنا الصحفي الذي عاندته الدنيا وكلما ظن أنها فتحت له ذراعها اكتشف أنها تحكم قبضتها عليه حتى تُنهيـه تدريجياً.

المكالمة إلي شوفتوها بيني وبين أختي أمنية الحقيقة مكانتش المكالمة الأولى سواء معاها أو مع غيرها.

نفس السرود الجافة، نفس الكلمات القاسية، نفس الفتور في المشاعر مع الجميع.

أنا مش فاكـر إـتـغـيـرت إـمـتـى، لكن فاكـر كويس كل المواقف إلي مرت عليّ على مدار سنتين من بعد آخر رواية قرأتوها ليا، سامحوني لو حسيتوا إن كلامي غير مترابط وسردي غير متناسق يمكن في الآخر ألاقـي عـنـدكـم عـُـذر أقدر أقوله.

# الفصل الأول

(عودة مديولي الساعي)

دخل مدبولي الساعى على نادر بكوب عصير البرتقال  
المعتاد لنادر وأخرج من جيبه خطاب وأعطاه إياه.

نادر: هات يا وش الفقر

مدبولي: إنت ليه مش عاوز تصدق إنني تويت؟

نادر: علشان يموت الزمار وصوابعه بتلعب يا حلو

مدبولي: بس إلهي مات مش زمار يا أستاذ نادر، إلهي  
مات ده إبني، وهو بيموت بين إيديا حلفني أبطل كل حاجة  
بتخضب ربنا

نادر: يعني مش عايزني أكتب عنك بقى؟ ده إنت كُنت  
كُل أما تقابلني تقرفني بحكاية إنني أكتب عنك ولا ناسي؟  
مدبولي: بقولك إبني مات إنت ما بتحسش؟

نادر: أنا مش هحلك يامدبولي غير لما تديني الكتاب  
إياه

مدبولي (متعجباً): بقولك ده كتاب كُفر ولو قريرته  
هتدخل في طريق ضلمة عمرك ما هتقدر تخرج منه أبداً

نادر: ليه هو أنا أهبل زيك؟

مدبولي: كتر ألف خيرك

نادر: على العموم أنا إللي رجعتك الشغل وأنا بردو إللي  
هقطع عيشك لو ما إدتنيش الكتاب ده

مدبولي: أبوس إيدك أنا مابقاش حيلتي مليم غير  
المرتب إللي هنا لو مشيتني هجوع

نادر: تبيع الكتاب ده بكام يا مدبولي؟

مدبولي: كان يوم أسود يوم ما جكيتك عن الكتاب ده  
كُنت فاكرك عاقل ومش هتطمع فيه

نادر: إخلص

مدبولي: قولي هتعمل بيه إيه؟

نادر: مايخصكش، قدامك من هنا لبكرة يا الكتاب يا  
الرفد وهات الجواب وخط العصير وغور يلاً.

نادر (مُتحدثاً إلى نفسه): هتجيبه يامدبولي بكيفك أو  
غصب عنك.

(مشهد مُكرر ونبوءة مُبهمة)

خرجت من الجورنال علشان ورايا كذا مشوار عايز أعملهم  
وكل إللي فسي دماغي إزاي أخذ الكتاب ده من مدبولي، أينعم

أنا مش متأكد من كلام مدبولي ليّا قبل كده عن قدرات الكتاب ده بس مدبولي القديم كان دايماً بيحب يفتخر بعميله السودا وكون إنه قدر يعمل كل المصايب دي سواء إللي معايا أنا وهالة أو مع غيري بالكتاب ده فده مالهوش غير معنى واحد، الكتاب ده عبارة عن كنز والغبي ده مش عارف قيمته ولازم الكتاب ده يقع في إيد حد زبّي يستغله صح.

خلصت مشاويري وكنت ماشي في شارع هادي وكانت الساعة حوالي 5 ونص المغرب سمعت دوشة وزعيق وشوفت مشهد بيتكرر قدامي بكل تفاصيله، محل فراخ مشوية، العُمّال إللي فيه بيطردوا واحدة ست عجوزة وبيقولوا لها امشي من هنا يا وش النحس إحنا ما بنوزعش أكل ببلاش، المشهد ده شوفته قبل كده مع إختلاف الأكل، المرادي فراخ مشوية والمرة إللي فانت كان كُشري والقاسم المُشترك هو الست العجوزة إللي لابسة جلابية وطريحة سودا وضهرها محني من الزمن وبتمشي بصعوبة وفي إيدها عصاية خشب بتسند عليها، عرفتوا مين الست دي؟ الست دي تبقى جوهر.



جريت عليها وإللي أول ما شافتني فرحت ودار بيذا  
الحوار الأتي:

جوهرة: إزيك يا نادر يابني، كل ده ما أشوفكش؟  
نادر: هو أنا أعرفك عنوان ياسست جوهرة علشان أجيلك  
كده كده بذتقابل بالصدقة، عاملة مشاكل وقلق ليه؟  
جوهرة: مش عاوزين يدوني فرخة جاتهم السهم لما  
يهرى بطونهم

نادر (ضاحكاً): إن كان على الفرخة بسيطة هجيبها لك  
شوفي عايزة إيه ثاني أجيبه بالمرّة  
جوهرة: عوزاك ترجع عن إللي في دماغك  
نادر (متعجباً): بدأنا الكلام إللي مش مفهوم بقى  
جوهرة: إللي بتحفّر عليه هتاخده والله يكون في عوزك  
على شره و أذاه

نادر: من غير أُلغاز الله يباركك تقصدي إيه؟  
جوهرة: وريني إيدك يا واد يا نادر  
تفحصت جوهرة كف إيدي وقالتلي:

- 3 حزانى وحُزنك هيخرج من الخزانة

- طريق مامزوش خروج، الحُزن عليك مقدر ومكتوب

- ربك ما بيتعاندش يا نادر

نادر: قلقتيـني ياـجوهر

جوهر: بير اسود مالوش قران. و وقوعك فيه مبقاش

إختيار

هتأذي أقرب الناس ليـك.. و برغم كده كلهم في ضورك

لحد ما ربنا يشفيـك

أذاك هيطول الحبايب والقرايب وأهلك إللي جابوك

وفي وقت الشدة هايتكاثروا كلهم عليك يمكن يلحقوك.

وهات يلاً الفرخة علشان أنا جعانة

نادر: عُـمـرك ما قابلتيـني وقولتـلي كلام أفهمه دايماً

بفسر كلامك بعد خراب مالطا

جوهر: الفرخة وإلا همشي

نادر: حاضر ياـستيـ.

- ودخلت جبتـلها الفرخة ورجعت علشان أحاسب

طلعت لقيتـها فص ملح وداب.

روّحت البيت ودماعني عمّالة تودي وتجيّب ما أخبّيش  
عليكم أنا مش فارق معايا حد يتأذني أنا إللي يهمني  
دلوقتي نادر فودة وبس، علشان كده بثّلت كلام جوهر من  
دماعني وما فكرتش فيه ثاني.

دخلت نمت علشان الصبح هيكون ليّا مع مدبولي كلام  
ثاني.

الساعة 8 ونص الصبح كُذت على مكّتي برتّب ورقني  
فتحت الدرج. طلّعت منه الجواب بتاع إمبارح علشان أقراه.  
- فتح نادر الجواب وبدأ يقرأ..  
إلى أستاذ نادر فودة..

أنا ببعت بعدما دلوني إن حضرتك الوحيد إللي تعرف  
مشايخ يقدرّوا يساعدوني في مشكلّتي.  
وأنا عارفة إن شرط حضرتك إنك تُنشر القصة بتاعتي  
ببس ياريت تكون بدون ذكر إسمي.  
أنا مش بعرف أعبر عن إللي عاوزه أقوله بالكتابة،  
ممّكن أقابل حضرتك وأحكّيك كل حاجة  
أرجوك ساعدني أنا فكرت أكثر من مرة في الإنتحار

أرجوك إتصل بيّا أي وقت إنشالله نص الليل

رقم تليفوني .....0122

- قفل نادر الجواب وطلّع موبايله وإتصل على طول

بالرقم

نادر: أيوة ياسستي معاكى نادر فودة

صاحبة الجواب: الحمد لله .. الحمد لله

نادر: طب ياسستي يرحمكم الله، هتقوليلي إسمك ولا

إيه؟

صاحبة الجواب: أنا بسنت

نادر: أهلاً يا بسنت، إنتي مدين؟

بسنت: من عابدين

نادر: كويس قريبة من شقتي

بسنت: أفندم؟

نادر: أقصد يعني قريبين من بعض ونقدر نتقابل

بسنت: ياريت بجد

نادر: فاضية الساعة 6؟

بسنت: موافقة نتقابل فين؟

نادر: في أي كافية في وسط البلد، اوصلي وكلميني  
وهو صلك سهل

- غادر نادر مكتبه متجهاً لوسط البلد .. وبعد مكالمته  
تانية مع بسنت كان في المكان وقاعد معاها على ترابيزة  
3 في الكافية

نادر: صوتك حلو بس شكلك أحلى  
بسنت: متشكرة كتر خين أحكي لحضرتك إمتى؟  
نادر: مستعجلة ليه، إحذا قاعدين مع بعض شوية  
فتعرف على بعض

بدأت بسنت تقلق من نظرات نادر وطريقة كلامه ..  
بسنت: لأ أنا عاوزه أحكيك علشان تقولي أعمل إيه  
نادر: مفيش مشكلة أنا جاي علشان أسمعك، إتفضلي  
بسنت: طب أنا إللي فهمته من إللي رشحوك ليًا إنك  
بيكون معاك جهاز بتسجل عليه و ورق وقلم علشان  
بتكتب

نادر(ساخراً): إللي قالوك! هو إنتي أصلاً ما سمعتيش  
عني؟!

بسنت: أسفة أنا إلهي عايشاه مش مخليني أعرف أتابع  
أي حاجة

نادر: ولا يهمك إلهي قدامك مخه دفتر مش محتاج  
أسجل حاجة

بسنت: براحتك هو كان علشانك أصلاً

نادر: إحكي يا بوس بوس

- زاد إرتياب بسنت من نادر أكثر وخصوصاً إن كل إلهي  
إتحكى لها عنه إنه شخص جاد جداً وبتاع شغل وعمره ما  
كان غير كده أبداً، لكن إلهي هي شايفاه عكس ده تماماً.

## الفصل الثاني

(لا زلتُ آنسة)

أنا واحدة زي كتير ضحية تربية غلط وفكر رجعي متخلف  
عملت كل إلهي أقدر عليه علشان أخرس الكل.

أنا عندي 37 سنة ولا زلت آنسة ... في عُرف العقل ده  
نصيب وفي وقت هلاقي الشخص المناسب ليًا وفي عرف  
الدين (كل شئ بميعاد).

لكن في عُرف أمي أنا مصيبة متحركة في البيت وكل يوم  
بيعدي عليًا هو إضافة لأحزان وآلام لأمي لا حصر لها!

عايشة ليل نهار علشان أسمع جُمل مُكررة من المعارف  
والقرايب لدرجة إنني ممكن أسمعها لك.

- مش هنفرح بيكي؟

- هي الرجالة جرالها إيه؟

- إنتي مابتروحيش أفراح ليه علشان تقشافي؟

- ماتتجوزي واحد مطلق أهو ضل راجل ولا ضل حيطة

يابنتي.

- جايبالك عريس أرمل بس معاه 3 عيال.

- جايبالك عريس عنده 52 سنة بس بصحته.

كل ده داير حواليا، لكن أمي كانت دايرة في فلك آخر



ماما فضلت تدور في سلك الدجالين (مش الشيوخ)  
وأهو كلهم بيقلوا لهم يا سيدنا الشيخ.

لحد ما جت في مرة وقالتلي بكرة هنروح لواحد يمكن  
نحسك يتفك؟

هل متخيل إنني يا أستاذ نادر إنني أجرو أرفض؟

هسمع وابل من التوبيخ من أمي الحبيبة.

وتاني يوم كُنَّا في القلعة عند حلال العُقد..

ولابسين عبايات سودا زي ما إشتط على ماما..

وقفنا قدام الباب وكانت الساعة حوالي 9 بالليل وطلعت

لنا واحدة ست فتحت لأمي كيس أسود فلاقيت ماما خرَّجت  
من معاها حاجة ملفوفة في جورنال وبتحطها في الكيس  
بسرعة علشان ماخدش بالي..

بعدها سمحت لنا بالدخول، حاولت أسأل ماما إنني

حطيتي إيه في الكيس الأسود فتوّهت في الكلام تماماً.

قعدنا في أوضة إضاءتها خافتة جداً على دكة خشب

مساميرها كل أما أتحرك تنتش العباية تقطعها.

وجابت الست دي لينّا سـبـحـتـين عمري في حياتي ما شوفت زيهم كانت حباتها أقسم بالله زي ماتكون معمولة من العضم!!

عدد حباتها 7 وطلبت منّا نقول مع كل حباية كلمة ونكرر الكلمات لحد ما يأذن سيدنا بالدخول.

- الكلمات كانت..

اسمح - ادخلوا - بلا شرط - بلا قيد - مستباحة - رغبة - مهينة.

فضلنا أنا وماما نعيد الكلام، كنت حاسّة إن جسمي منمل وكل ما أكرر التتميل يزيد.. ضيف على ده كمان إن أنا وماما فضلنا نتأوب وعندنا رغبة ملحة في النوم.

دخلت علينا الست وطلبت منّا الدخول للشيخ طيب، (ده كان إسمه).

مشيت ورا أمي حرفياً مستخبية فيها، دخلنا أوضة ما تفرقش كتير عن إالي كُنا فيها بيتوسطها مكتب عليه كمية كُتب كتير مستخبي وراها الشيخ....

قعدت أنا وأمي على الكرسيين إالي قدام المكتب وبدأ  
يستجوب أمي عن كل حاجة وأمي انفجرت في العياط من  
كُتر حُزنها على بنتها البائرة وخصوصاً بعد جواز معظم  
بنات العيلة والجيران.

كل ده وأنا ساكتة ونظراته ليّا كانت من تحت لتحت  
فيها إبتسامة غريبة لحد ما أمي خلّصت كلام، بص لي  
وقالي:

المعالج: وإنتي عاوزة إيه؟

بسنت: أنا عاوزة أمشي

المعالج: ما أكيد هتمشي أنا بسألك إنتي عاوزة إيه  
وجاية ليه؟

بسنت: أكيد عاوزة العقدة تتحل

المعالج: هتتحل ما تقلقيش

بسنت: ياريت بجد

المعالج: الصبر بس وتنفذي كل إالي هطلبه منك

بسنت: حاضر

المعالج: شـايفة الباب إـلـي على جنب ده؟ ادخلي  
هتلاقي على ترابيزة جوا علبة فيها كريم لونه أحمر، إقلعي  
هدومك وإدهني جسمك منه وحاولي تغطي أكبر جزء من  
جسمك بالكريم ده

بسنت: هنا؟

المعالج: لو كان ينفع عندك كُنت قولتك خُديه معاكي،  
بس الأوضة إـلـي جوا متحصنة  
بسنت: ماما؟!

ماما: هاجي معاكي يابسنت، معلى ربنا يجعل في  
إيديه الشفا

المعالج: لأ يا حاجة هي هتدخل لوحدها وإنتي  
هتفضل معايا هنا

- دخلت يا أستاذ نادر وقفلت على نفسي الباب وقلعت  
هدومي وطلعت الكريم وبدأت أدهن بـه كل إـلـي إيدي  
تطوله من جسمي كُنت بحاول أعمل كل ده بسرعة على  
قد ما أقدر.

لقيت أوكرة باب الأوضة بتتحرك زعقت، مين؟!

مجدش رد!

بسنت: يا ماما إنتي برّا؟.... مفيش ردا  
 زقيت كُرسِي ورا الباب علشان مايتفتحش، وخذت  
 هدومي علشان ألبسها بسرعة، لكن كانت الصدمة إنني  
 لقيت المعالج واقف ورايا في الأوضة.  
 بسنت: إنت بتعمل إيه هنا ودخلت إزاي؟  
 المعالج: المهم أنا دخلت ليه!  
 بسنت: هصوّت وهفضحك.. ياماما.. ياماما..  
 المعالج: سيبي لي نفسك تماماً وخلال أسبوع هيكون  
 العريس في البيت.  
 بسنت: بقولك إبعد عني وإلا هموتك حالاً!  
 جريت يا أستاذ نادر من غير ما أكمل لبس هدومي  
 شدّيت الكرسي وفتحت الباب وخرجت لقيت ماما قاعدة  
 بتتكلم مع المعالج زي ما أنا سايباهم!  
 ماما جريت عليّا وغطّنتني بجسمها والمعالج فضّل  
 يتفحص كل حة فيّا بعذيه الشيطانية!  
 كل إللي كان عليّا عمالة أقول إزاي إنت كُنت جوا دلوقتي  
 وبتحاول ت...ت...ت....

ماما: سيدنا هنا يابنتي من وقت ما دخلتي

بسذت: كذاب

المعالج: معاش واضح إن إلهي عليك عاوز يكرّمك فيّا  
بأي شكل

(في الوقت ده حسيت كلامه منطقي جداً)

المعالج: طبعي إنه يعمل كده علشان يكرّمك فيّا، بس  
إحنا عندنا عقل نفكر به يابسذت ... أنا تعمدت والدتك  
تكون معايا شاهدة على أي حاجة هتحصل مني...

والدة بسذت: طب والعمل؟

المعالج: إتفضلوا رّوحوا دلوقتي وأنا هكمل إلهي بدأته  
وأنا هنا.. من بعيد!

بس بشرط مفيش حُما ولا صلاة لمدة 3 أيام!

- خرجنا مشيننا يا أستاذ نادر وأنا دماغني مش مستوعبة  
حاجة من إلهي حصلت ولما حكيت لماما فضلت تقول إنني  
بعمل كده علشان أمتنع إنني أتعالج وأموتها بحسرتها..  
مكنش عندي حل غير السكوت..

سكوت بائس معرقش له نهاية..

مكنتش أعرف هو يقصد إيه بحكاية إنه هيكمل من بعيد دي!

لحد ما روحت وكُنت قاعدة على السُفرة وماما حطت الأكل فجأة شوفت طبق الرُز مليان نمل بيجري جوا الرُز بشكل مُخيف وبدأ يخرج برا الطبق ويجي عليّا

نطيت من على الكرسي و وقفت أتنطط على الأرض زي المجذونة وماما في حالة ذهول، صرخت فيها علشان تلحقني لكن لقيت واقف وراها شيطان أسود وبيمد إيديه وبيلفها حوالين رقبة أمي، عينين أمي جحظت لبرا وبدأت تحشرج وكأن روحها بتتسحب منها!

فوقت على صرخة بصوت أمي لقيتني قاعدة على الكرسي والطبق زي ماهو وأمي سليمة ومفيش أي حاجة من إللي شـوفتها حصلت قومت وجريت وسبت الصالة ودخلت أوضتي وقيّلت عليّا الباب، وإترميت على السرير في حالة يُرثى لها! مش فاكرة نمت إمتى!

لكن إلهي فأكره كويس هو إحساسـي بالملاية وهي  
بتتشدد من على هدومي وبعدها هدومي بتتدفع من على  
جسمي...

وأنا زي المشـطولة معنديش أي قُـدرة على الحركة،  
وصوت بيهمس في الخلفية..

”بحق الكلمات السبعة كلمات القسم تمكنا منك  
وأتينا“

وهناك عند باب الأوضة شـوفت نفس الشئ إلهي كان  
واقف ورا ماما بس المرة دي كان أوضح بكتير.

كان أشبه بجسم مشـتعل عيونه بيضا براقـة، بشرته  
لونـها أحمر محترق، له قرنين معقوفين للخلف، قفصه  
الصدري بارز من تحت الجلد، أصابع يديه طويلة بشكل  
يكون ضعف صوابـعنا إحنا!

عاري بالكامل، الذار المشـتعلـة عاملـة حوالـيه هالة  
مُخيفة من النار و ودانه أشبه بمُثلثين مسحوبين لفوق.

إبتسم إبتسامة زادتـه رعب وبشاعة!



- كل ده وأنا مشلولة في مكانى...وهو بيتحرك ببطء شديد في إتجاه السرير، كل جوارحي رافضة الإستجابة ليّا!!

لا عارفة أتحرك ولا أصرخ ولا أعمل أي حاجة غير إنني أغمض عنيًا وأفتحها علشان أفوق من الكابوس ده.

وقف قدام السرير ومد إيديه الإثنين ومسك رجليًا من تحت وضغط عليهم، حسيت بنار بتسري في جسمي كله. ومن بعيد سمعت صوت جرس تليفوني بيدسلل لوداني وكان كل ما يعلى كانت صورة المسخ بتتهز وتتلاشى بالتدريج.

فوقت تماماً من الحالة إلهي كنت فيها وإلهي مقدرش أقول أبداً إنها كانت كابوس، لأنني متأكدة إنني كُنت حاسة بكل حاجة حصلتلي.

إلهي بيتصل كان مصمم جداً إنني أرد لكنني ماكندش قادرة أرد عليه لقيقته باعت رسالة صوتية شغلقتها:

إزيك يابسة، أذا الشيخ طيب، ردي على مكالمتي ضروري.

إتصل تاني فريدت عليه

الشيخ طيب: أنا كنت بتصل بيكي علشان أنقذك منه  
بسنت: من مين؟

الشيخ طيب: «عاروس» ده إلهي كان عندك  
بسنت: أنا مش فاهمة حاجة، هو كده ده العلاج؟  
الشيخ طيب: بقولك إيه أنا عاوزك تجيلي الليلة  
بسنت: أجيك ليه مش فاهمة؟

الشيخ طيب: علشان إنتي عجباني  
بسنت: إنت راجل مش محترم

الشيخ طيب: لو مجتليش الليلة صورك كلها هتكون  
على الذن!

بسنت: صور إيه؟!

الشيخ طيب: هو إنتي فاكدة وإنتي في الأوضة كنت  
سايبك! أنا صوّرتك، وإلهي دخلك جـوّاً ده كان قريني  
بيشـوفك بالذباة عني، فـ يلا زي الشاطرة إنزلي تعالي  
وهترجعي البيت قبل ما أمك تصحى

بسنت: أنا هبلغ فيك الشرطة

الشيخ طيب: معنديش مشكلة هدخل السجن وهسيبك  
«عاروس» وإنتي شوفتي بنفسك شكله، وإللي كنت هعمله  
أنا جذب إللي هو هيعمله لعب عيال.

بسنت (منهارة): أبوس إيدك إرحمني.

الشيخ طيب: أبوس إيدك أنا إرحميتي

بسنت: أنا هقول لماما

الشيخ طيب (ضاحكاً): ماما؟! طيب ماما مقالذلكيش  
إنها عارفة إن أنا ليّا طلبات وهي وافقت عليها علشان  
تتجوزي

بسنت: لأ لا إخرس مش ممكن

الشيخ طيب: معاكي أسبوع ياتيحي وقت ما أطلبك  
يا إما «عاروس» هو إللي هيزورك بنفسه وقت ما يحب...  
وإبقي خلّي ماما تحميكي منه!

- قفلت معاه التليفون لقيته باعدلي صور عريانة ليّا  
وانا عنده فضلت أصوّت وألطم، جريت على الحمام قفلت  
عليّا الباب وقعدت على الأرض منهارة من المصيبة إللي  
أنا فيها.

الكهرباء إتقطعت ومع قطعها حسيت بإيد بتطيطب  
على كتفي جيت أقوم الإيد زقتني قعدتني في الأرض.  
وسمعت صوت ستارة البانوي بيتفتح ببطء مخيف ومن  
وراها كان في ضوء أحمر عبارة عن نقطتين، لما الستارة  
إتفتحت شوفت النقطتين دول...

كانوا عبارة عن عينين طفل قاعد في البانوي عريان  
وعيزية مضيئة باللون الأحمر المخيف!

وبصوت أجش مخيف الطفل نطق وقال: ماما !!  
ومسك في سور البانوي وبدأ يتسلقه ووقع على أرض  
الحمام خارج البانوي وبدأ يزحف ناحيتي وهو بيكرر كلمة  
ماما دي بصوت جاي من أعماق الجحيم.

مكتش عندي مكان أهرب له أنا ضهري للحيطه وقاعدة  
في الأرض وبحاول أسحب رجلًا وأضمها ليا، وده بيقترب  
أكثر وأكثر لحد ما وصل لي وتسلق جسمي وبقي وشه في  
وشي وحاضني وشل حركتي...

عينية البشعة في عيوني ومكتفني تماماً ويعلو  
الصوت صرخ وقال: ماما...

صوته كان عامل زَيِّ ما يكون إنفجار مدوّي ضرب في

وشي

وداني صفرت، عيذيا مكذتش شايقة بيهم أي حاجة  
وحسيت بجسمي بيترفع من على الأرض وإتفتح باب  
الحمام وأنا متشالة لحد ما وصلت لباب أوضتي دخلت  
وإتحتيت على السرير ولقيت تليفوني بيدخل رسالة  
صوتية من تلقاء نفسه:

ده تذكير بسيط علشان تعرفي تقرر كويس قبل  
نهاية المهلة.

نادر (مقاطعاً): فاضل قد إيه من المهلة؟

بسنت: يومين، أنا من وقت ماظهر الطفل ده ماشوقتش  
الذوم، أنا بقيت بخاف أدام، أرجوك يا أستاذ نادر ساعدني.  
نادر: ماتقلقيش يا بسنت، إللي بتحكيه ده بيقول إن  
«طيب» ده مسخرك جن مخصوص يربك علشان تنفذي  
له طلبه وأنا أوعدك الموضوع ده كله هيخلص في أسرع  
وقت.

- رن تليفون نادر بإسم "عُلا عُمق الحدث" و دي كانت  
المرة الثامنة والساعة كانت 8 ونص يعني نادر ضرب  
المعاد وتجاهل عُلا ووالدتها من جديد!  
بسنت: هتقدر بجد يا أستاذ نادر تساعدني؟

نادر: أيوة

بسنت: هي ماما فعلاً لها يد؟

نادر: من وقت ما إبت لطيب اللفة وهي متواظئة ولو  
يدون قصد!

بسنت: اللفة دي كان فيها إيه؟

نادر: دؤري في لبسك وشوفي إيه ناقص؟

بسنت: يانهار اسود أنا مش هقدر أقول إيه

نادر: أنا مش محتاج أسمع لأنني عارف

بسنت: ليه كده يا أمي!!

نادر: حسابك معاها بعد ما أقفلك باب «طيب» ده تماماً

إلا لو عاوزاني يكون ليّا تصرف معاها وأعرّفها غلطها!

بسنت: إلهي تشوفه يا أستاذ نادر

نادر: رُوحي يابسـذت إنـتي دلوقـتي وما تقلقيش من  
حاجة!

- مشيت بسذت وسابتني مع سيل من رسايل التهزيق  
من "عُلا" وبصراحة أنا مش فارق معايا، هتصدقوني لو  
قولتلكم إني ميسوط إني فرقعتها هي وأمها مرة كمان!  
أنا كل إللي هامتني إني أساعد «بسذت» وأحلّ لها  
المشكلة بتاعتها بس مع شوية تحديثات طرأت على  
شخصية نادر فودة!

رُوحت البيت طلّعت دفتر يومياتي وكتبت الآتي:

1 - لطفي شكله هيوودع

2 - أمنية فاتحة لي مذبذبة

3 - قضية جديدة تحت عنوان بسذت

4 - معالج متحرش عينيه من الضحية

5 - مسخر جن علشان يتمكن من تنفيذ ذرواقه

6 - أم بسذت ست جاهلة حالها من حال آلاف الأمهات

عندنا

- 7 - بسنت حرفياً ضايعة وموقفها سيئ للغاية ومُستعدة  
تعمل أي حاجة للنجاة من المصيبة
- 8 - العلاج في جُملة واحدة : لا يقل الحديد إلا الحديد
- 9 - الحل في كتاب مدبولي
- 10 - أنا لست صحفي...أنا طوق النجاة.



الفصل الثالث

(طوق نجاة)

تاني يوم الصبح كنت في مكتبي ومدبولي واقف قدامي  
وبقوله: المهلة إتغيرت، الكتاب لازم يجيلي النهاردة وإلا  
هتترفدا!

مدبولي: تحت أمرك يا أستاذ نادر

نادر: بعدين أنا عاوز أقولك حاجة يامدبولي

مدبولي: إتفضل

نادر: أنا معالج به ومحل به حاجات وأزمات كتير

مدبولي: كلنا قولنا كدة في الأول

نادر: خلاص إنت برأ زمتك وسلم وإستلم يا معلم

مدبولي: أستلم إيه؟

نادر: ألف جنية.. قدامك ساعة تروح تجيبه وترجع.

مشي مدبولي وهو خلاص ماعندوش إختيارات تانية!

وأنا طلعت جواب بسكنت قريته تاني علشان أجمع

الخيوط كلها!

- فات ساعة وإثنين وخمسة ومدبولي مجاش!

إتصلت عليه كتير ما ردش! واضح إنه إختار يضحى

بوظيفته وما يضحى بالكتاب علشان متمسك بتوبة

مؤقتة مزيفة هجمت عليه بسبب موت إبنه ويومين ويرجع  
أسوء من الأول!!

- باب المكتب إتفتح بعنف ولقيت عُلا داخله وعيذها  
بتطرق شران.

عُلا: أنا غلطانة إني فعلاً هزقت نفسي ثاني معاك  
نادر: إهدي يا عُلا لا يطق لك عرق ولا حاجة  
عُلا: ولا يطق ولا حاجة، إذت إنسان مريض وأنا غلطانة  
إني من أول مرة مخدتش موقف.

نادر: مريض بيكي يا لولو  
عُلا: من فضلك إتكلم معايا بأسلوب أحسن من كده  
نادر: ماخلاص يا عُلا قولي لماما الزبون اللقطة هيجي  
ثاني وهندبسه! سيبيذي بس أجمّع حاجتي علشان عايز  
أروح

- خرجت عُسلا ورزعت الباب وراها وهي مُنهاره  
ومصدومة من ردودي عليها!

في الوقت نفسه كنت لميت حاجتي ونزلت من الجورنال  
وإشتريت أكل علشان أروح وأفكر بهدوء في حل لموضوع  
بسدت ده...

وأنا طالع على السلام لقيت عم مدبولي قاعد على العتبة  
إلي قدام باب الشقة وإلي مجرد ما شافني قام وقف.

مدبولي: أنا أسسف يابني إني إتأخرت بس غصب عني  
أنا طول اليوم بفكر إلسي هعمله ده صح ولا غلط، أنا ما  
صدقت إني توبت عن الطريق ده وريحت إبني في رقدته،  
إزاي بعد كل ده أديك الكتاب إلسي أذيت به ناس كتير بإيدي.

نادر: عم مدبولي ماتزهقنيش، إنت جاي ليه؟

- أخرج عم مدبولي من جيبه كتاب ملفوف وإداه لنادر  
نادر (مبتسماً): أيوه كده، تعالى بقي أدخل علشان أديك  
القلوس، إنت نفدت الجزء بداعك من الإتفاق وأنا هنفذ بقي  
الجزء بتاعي.

مدبولي (مقاطعاً): الأهم من ده إنك تعرف تستخدم  
الكتاب

نادر: هو له كتالوج ولا إيه؟

مدبولي: تقدر تقول حاجة زي كده

نادر: طب تعالى أدخل

- دخل نادر ومدبولي وأصر نادر إن مدبولي يتعشى  
معه

مدبولي: الكتاب ده غير كل كتب السحر في ناس قالت  
إنه إيراني وناس قالت إنه سوداني وناس قالت إنه من كتب  
سحرة فرعون وناس قالت إنه من كتب جن سيدنا سليمان،  
الحقيقة محدش يعرفها لكن الحقيقة إلهي أنا أكدهالك  
إن الكتاب ده أخطر كتاب سحر من عليا أو على أي ساحر  
مش مطلوب منك تقرأ الطلاسم قد ما مطلوب منك تكون  
عارف إنت فاتح الكتاب في اللحظة دي علشان عاوز إيه  
نادر: مش فاهم

مدبولي: كل الطلاسـم إلهي في الكتاب بتأدي الغرض  
المطلوب بس بشرط تكون عارف إنت عاوز إيه

نادر: تقصد إن أنا كل ما أعوز حاجة أفتح الكتاب وأقرأ  
أي طلسم وهينفذ إلهي أنا عاوزة؟

مدبولي: تقريباً، فـكّر في إلهي إنت محتاجة وإفتح  
الكتاب وسيبه يختار الصفحة والباقي هو هيعمله.

نادر: بالبساطة دي؟

مدبولي: إسمها بالخسارة دي، إنت هتخسر كتير أوي  
مع أول مرة هتفتح فيها الكتاب

نادر: مش أكثر من إللي خسرتة

مدبولي: عندي سؤال قبل ما أمشي هموت وأسأله

نادر: إيه هو؟

مدبولي: إنت مين؟

نادر: أنا مين إزاي؟

مدبولي: إنت مش نادر إللي إشتغلت معاه طول الفترة  
إللي فانت، ياراجل ده إنت حاربتي ولا كأني كُذت شيطان  
رجيم!

نادر: كُنت غبي

مدبولي: لا إسمحلي أقولك إذك دلوقتي إللي بقيت غبي  
ده إذا كُنت نادر أصلاً!

- خرج مدبولي وساب لي الكتاب ومعاه مزيج من  
مشاعر متداخلة ومتضاربة هو أنا صح وكان لازم أفوق  
لنفسي بقي وأشوف مصلحتي فين ولا أنا بمر بمرحلة  
سوداء هتقضي عليا وعلى أي حد حواليا.

أذا مش هضّيع وقتي في أسئلة غبية وأنا بين إيديا  
كنز وجه الوقت إالي لازم أفتحه، أخذت الكتاب ودخلت  
أوضة نومي وقللت الإضاءة تماماً وفتحت الكتاب على أول  
صفحة إالي كان فيها مقدمة تسمحولي أكتبها لكوا زي  
ماهي مكتوبة بالضبط علشان تحسوا بإلي أنا حسيته.  
(مقدمة الكتاب).

- قبل أن تتخطى هذه المقدمة وجب التحذير!

- إن هذا الكتاب لا يحمل في طياته سوى الحزن والألم  
والمتعة الزائلة.

- ولتعلم أيها القارئ أن وجود هذا الكتاب بين يديك هو  
إختبار حقيقي لك.

- ولتسمح لي أن أساعدك في اجتياز هذا الإختبار

- من فضلك إحرق هذا الكتاب ولا تدعه يقع في يد أي  
شخص.

- هذا الكتاب لن يجلب لك سوى الهلاك!

برغم كل التحذيرات إلا إنني كملت وفتحت أول صفحة:

1 - إذا فقد إخترت.

2 - قُسم بجرح إصبعك إذا كنت مُستخدِم جديد لهذا الكتاب وأسكب دمك على عنوان الكتاب الخارجي حتى يغمره بالكامل.

3 - ثم إتدوا تلك الجُمْل بالترتيب الآتي:

- أقسم بِسُلْطَة هذا الكتاب الأبدية.

- أن أنصاع إنصياًعاً تاماً.

- مُتحملاً كافة أحكامه، مُنفذاً كافة أوامره.

- مُضحيّاً بكل أضاحيه، ولا مجال للتراجع أو التردد.

- وفي مقابل ذلك أحصل على كل ما أبتغي.

- مُنقطعاً عن أي علاقة ربانية أو روحانية.

- وإذا فكرت يوماً ما أن أتراجع أو أن أستغفر أو أن أدوب

فإن إنتقام الكتاب لن يُبقي ولن يذر أي أحد من أقاربي وأصدقائي وأحبائي إلا وقضى عليه.

نفذت كل المطلوب وشعرت برغبة مُلحة في النوم

فاستسلمت ونامت وأنا عارف إن نومي هو إستكمال لعهد الشيطان والكتاب.



مقدرش أقول ده كابوس ولا حلم ولا رؤيا ولا مزيج من كل دول.

شسوفتني واقف على ضفة النيل بالليل بحاول أشوف حاجة مش عارف هي إيه كأني كنت بدور على شئ تايه مني كل إلهي شايفه مية سوداء وصخور كبيرة وغربان واقفة على الصخور دي بتدعق بصوت حزين منتظم وكأنها في حالة حداد جماعي ومن ورا الصخور ومن وسط المية الراكدة ظهر كيان ضخم كان بيتحرك في المية من غير المية ما تهتز، زاد صوت الغربان وكأنها بتحذرنني.

حاولت أرجع بضمهري فإكتشفت إن المية مغطيانني لحد رقبتي، ورجليًا مغروسين في الطين، حالة شلل تام وهو بيقترب أكثر لحد ما وصل لي، وحرفياً أنا كنت عند نص جسمه وبحركة مُباغطة منه خبط بإيده المية جنبني فتسبب في حدوث موجة عالية جداً غمرتني المية وفضلت أستنى الموجة دي تنحسر علشان أعرف آخد نفسي لكنها للأسف فضلت مغطيانني وسمعت صوت جاي من أعماق النيل بيقول:

قُبَل العهد.. قُبَل العهد.. قُبَل العهد.

صحيت لقيتني غرقان والسرير كمان كأنا كنا فعلاً  
في قاع النيل.

قومت جريت على المراية أطمئن على نفسي لقيت  
جسمي كله أزرق بما فيه وشي، بالضبط زي إلهي مات  
غريق!

فضلت صاحي للصبح كل شوية أبص في المراية  
وألاقي وشي بيرجع لشكله تدريجياً.

على الساعة ٦ الصبح كنت بفتح الكتاب وأنا في ذيتي  
البحث عن حل لمشكلة بسنت.

فرّيت صفحة والتانية جيت عند الثالثة كنت كل أما  
أجي أقلبها صباعي يتشك وكأن حاجة بتمنعني تماماً  
من إنني أقلب الصفحة ففهمت إن الحل في الصفحة دي،  
والله كان مكتوب فيها طلسم مُعقد جداً وبعده مكتوب  
(ثم يذكر حاجته).

قريت الطلسم وبعده قولت هلاك المدعو الشيخ طيب  
وإبعاده تماماً عن بسنت، الكتاب إتقفل لوحده ومفيش  
دقايق لقيت بسنت بتكلمني

نادر: صباح الخير يا بسنت

بسنت: ده خير كبين، حصل حاجة أنا مش فهمها

لغاية دلوقتي

نادر: حاجة إيه؟

بسنت: الشيخ طيب إتصل بيترجاني أسامحه وبيقولي

أنا تحت أمرك في أي تعويض عن الخطأ إلهي إرتكبته بس

أرجوكي قوليلي مين معاك

نادر: ماقالكيش حصله إيه؟

بسنت: حاولت اعرف منه لكن رفض، بس إلهي أقدر

أقوله ولك إن إلهي حصله شيء أعظم بكتير من إلهي هو

بيعمله في الناس.

نادر: بس أنا لازم أعرف حصله إيه، أنا ما ياكلش معايا

جو إن الحاجة تحصل من برا برا ده من غير ما أكون عارف

تفاصيل، أمال هكتب إيه؟ أكتب إنه ندم وقاب يا حليلة!

بسنت: مش عارفة بقى

نادر: تمام يا بسنت

بسنت: بس في حاجة، ماما مختفية بقالها كذا ساعة

وبتصل بيها موبايلا مقفول

نادر: أنا مش شغلي يابسنت إني أدورك على الست الحاجة.

بسنت: أيوة فاهمة بس كنت بسأل لـو إنت تقدر تساعدني

نادر: إبقى طمئيني لما ترجع

يومها بالليل بسنت إتصلت بيّا بتبلغني إن أمها رجعت البيت فاقدة النطق ويتترجاني أتصرف، أتصرف إزاي إذا كنت أنا السبب في إللي حصل لأمها، هتسألوني إزاي هقولكم إفتكروا كلامي مع بسنت عن إن أمها لها دور في إللي بنتها مرت به وإني أتدخل بشكل أو بآخر، ده غير إن المدعي إللي إسمه طيب هو كمان قالها إن الست أمها وافقته إنه يعمل أي حاجة في مقابل إن بنتها تتجوز، طبعاً أنا عارف إنها مكانتش تقصد إللي هو فكر فيه بس الحقيقة أنا بطلت أتعامل مع الناس بنواياها.

قبل ما أقفل قصة بسنت دي كلها خايني أقولكوا إنها كلمتني مكالمة تانية وحرفياً كانت بتصرخ في التليفون وبتدعي عليّ لأنني على حد زعمها خنت الأمانة ونزلت القصة في الجورنال بإسم بسنت الثلاثي!

وعنوانها وإسم أمها، من الآخر فضحتهم، وده بيرجعني  
لنفس السؤال.

هو أنا كدة صح وعرفت قيمة نفسي ولا أنا بهد كل إلهي  
بنيته في سنين؟!

الشاهد، إن الكتاب العظيم إلهي معايا دلوقتي عملت  
به البدع، أي حاجة تخطر على بالكوا عملتها به بس كلها  
حاجات في عُرف نادر القديم غلط وحرام، أما في عُرف  
نادر الجديد فهي عين العقل.

إسمحولي أسيبكم علشان أجهز شنطتي إلهي هسافر  
بيها البلد بسبب مكالمة من أمي بتطلب مني فيها إنني  
أجي على وجه السرعة دون إبداء أي أسباب.

هسافر البلد وهما ورزقهم معايا بقي، سلام مؤقت.



## الفصل الرابع

(لا يفل الحديد إلا الحديد)

يادوب قفلت شنطتي وبفتح باب الشقة لقيت واحد واقف  
في وشي إحنا الإثنين إتخطينا.

الشخص: إنت بقى نادر فودة؟

نادر: أيوة، مين حضرتك؟

الشخص: إنت إللي خربت بيتي؟ وضيعتني وقضيت  
عليّ؟

نادر: جرى إيه يا راجل يا مخبول إنت هتتلق وتقول  
إنت مين ولا أقفل الباب في وشك

الشخص: أنا طيب يا نادر أفندي

نادر (مبتسماً): أهلاً أهلاً تصدق إن أنا كان نفسي  
أتعرف عليك

طيب: مش أكثر مني

نادر: إيه سبب الزيارة الكريمة دي؟

طيب: مش ندخل نتكلم جوا أحسن؟

نادر: إتفضل



طيب: أنا جاي أسألك سؤال واحد بس، إلهي معاك دول  
سخرتهم إزاي؟ أنا معايا واحد وحاسس إنني ملكة الدنيا  
بإلهي فيها

نادر: ما تحكي إلهي حصلك وأنا هقولك إلهي إنت  
عايزه

طيب: أنا كأني لا شوفت سحر ولا إتعلمت تسخير، أنا  
كنت ليلتها عامل زي العيل الصغير إلهي كل غيلان الدنيا  
إتكاترت عليه

نادر: بقولك إحكي أنا مش عاوز عناوين.

طيب: ليلتها أنا كنت لسه مخلص جلسة علاج لواحدة  
من الزباين، دخلت خدت دُش وكتل لُقمة وروحت سريري  
عاشان أنام أول ما طلعت على سريرى سمعت صوت  
واحدة بتصوت خرجت من الأوضة أجري مابقيتش حاجة  
مابقيتش عارف الصوت ده جاي من برا ولا من جوا لحد  
ما سمعت صوت واحدة ست بتنادي عليًا من جوا أوضتي،  
دخلت الأوضة لقيتها فاضية مافيهاش حد ناديت على  
الجن إلهي أنا مسخره «عاروس» وطلبت منه يشوف إيه

الحكاية، غاب ومرجعش ب رد، سمعت صوت الست بينادي عليًا مرة تاذية، الصوت كان طالع من دولاب هدومي.

لأول مرة في حياتي أقلق، مشيت ناحية الدولاب بحذر بقدّم رجل وبأخر رجل، فتحت الدولاب بالراحة شوفت آخر حاجة كنت ممكن أتوقعها، شوفت الجن إلهي أنا مسخره «عاروس» متسلسل ومتكتف ومرمي في الدولاب وبوقه داخل فيه سلك مخيطه في بعضه وبببصلي بصة خوف وذعر، كانت أول مرة أشوفه خايف ومرعوب بالشكل ده، كل إلهي جه في دماغه وقتها لما ده الجن إلهي أنا بستعين به وحصله كده أmaal أنا هيحصلي إيه؟!!!!

كل إلهي كان في دماغه إني عاوز أعرف إيه السبب في إلهي بيحصل ده، لاحظت إن عيذين الجن المسخر بتاعي «عاروس» بتبص ورايا بمنتهى الرعب، ما لحقتش أتلفت أشوف إيه ورايا لأن لقيتني بترفع من على الأرض وبتسحب لفوق وإخترقت السقف كأني هوا، فضلت أطلع لفوق لإرتفاع مش قادر أوصفه كل إلهي كان على لساني...

أنا عملت إيه؟

أنا عملت إيه؟

أنا عملت إياه؟

العفو والسماح العفو والسماح.

سمعت صوت من ورايا من الشئ إلي رفعني قالي  
كلمتين إثنين: (أترك بسذت).

مالحقتش حتى أقول حاضر لأنه سابني ومن أعلى  
إرتفاع كنت فيه لقيتني بقع ناحية الأرض بمنتهى السرعة  
كنت شايف في الأرض مشهد بيحصل بسرعة رهبة،  
حفرة بتتكون وكأنها مُعدة لإستقبالي، إترزعت في الحفرة  
ما إتوجعتش الحقيقة لكن الرعب كان تملك مني لما  
لقيت كل تراب الحفرة بيهدل عليّ، جسمي كله مشلول  
مش قادر حتى أحوش بإيديا التراب إلي بدأ يخطيني،  
وعذد طرف الحفرة شوقت رجلين حاولت أجيب بنظري  
بأقي جسم إلي واقف ماعرفتش كل إلي شوفته رجلين،  
الرجل الواحدة قد رجلينا يجي عشرين مرة، الجلد شبه  
الصدف إلي بيبقى على السلاحف عمري ما أقدر أقول  
على الضوافر إنها ضوافر أو حتى حوافر دول شئ ملهوش  
وصف.

صرخت وقولت أنا مليش دعوة بيها ولا هقرب منها  
السماح والعفو، لكني كنت بكلم نفسي فضل تراب الجفرة  
يهدل عليا والشئ إلهي واقف ما بيتحركش، كانت دي آخر  
لحظات ليّا قادر أتنفس فيها، بعدها الدنيا ضلمت وعرفت  
إن ده الموت لا محالة!

نادر: ما إنت عايش أهو وزى الفل وقاعد بتتكلم  
طيب: إلهي حصل إنني فوقت فجأة لقيت الجن المسخر  
بتاعي «عاروس» هو إلهي حفر وخرجني بعد ما إتفك أسره  
وطالب مني أبعد عن بسنت وإني لو عاوز أعملها حاجة  
ما يكونش من خلاله.

نادر: وبسنت بقى إلهي قالتك إن أنا إلهي ورا الفيلم  
الهندي إلهي إنت بتحكيه ده؟

طيب: ماتجيبش سيرتها، لا حكّلي ولا عايز أسمع  
عنها حاجة، الجن المسخر بتاعي «عاروس» هو إلهي قالني  
وعلاشان كده أنا جاي أسألك إنت مين، وأترجاك تشيلني  
من دماغك وأنا مش هقرب منها ثاني طالما هي تخصصك

نادر: هسيبك بشرط واحد

طيب: إيه هو؟

زاد: تحكي لكل حد تقابله عن قوتي وإللي جراك

يسببي

طيب: من غير ماتطلب، أنا بالفعل حكيت ولسه هحكي

كثير

زاد: إتوكل إنت عايشان ورايا مشاوير ولو عوزتك

ههرف أجيبك



## الفصل الخامس

(لقاء عابر)

بعد ما مشي طيب إحساسي بالقوة والإنتصار تضاعف،  
حسيت إنني عايز أكثر أنا مش مكثفي بالمستوى إللي وصلته  
من السيطرة، أنا والكتاب ده هنقدر نعمل كتير.

إنطلقت في طريقني لمسقط رأسي، مجرد ما دخلت البلد  
إنتابني شعور عمري ما حسيت به قبل كدة وأنا هنا...أنا  
مبقاش ينفع أنزل البلد ثاني مش دول إللي يعرفوا قيمتي  
ولا يقدرُوا إسمي ولا مكانتي.

وصلت البيت وبعد السلامات الحارة المبالغ فيها بيدي  
وبين أمي وأختي، قولت لأمي:

بقولك إيه يا ماما أنا قررت حاجة

والدة نادر: خير يا بني

نادر: أنا هاخدك إنتي وأمنية تقعدوا في القاهرة معايا

والدة نادر: ليه يا بني هو كان حد إشتكالك

نادر: أصل أنا مش هقدر أنزل البلد دي ثاني

والدة نادر: ومالها البلد دي؟

نادر: مابقتش تنفع مع إسمي والنجاح إللي وصلته

والدة نادر: أه، يبقى كلام أختك أمنية صح



نادر (لأمنية): قولتي لها إيه يا هانم؟

أمنية: قولتي لها إن إنت بقيت بذي آدم غريب وأديني شوفت وإتأكدت بنفسي

نادر: الحق عليا إني عايز أنضفكم

والدة نادر: كتر ألف خيرك يا بني أخرتها تضيفنا!

نادر: بلاش أنضفكم مطلقكوا من الجحر إللي إنتوا

عايشين فيه ده

أمنية: أولاً محدش طلب منك ده.

ثانياً وإن كان على الزيارة إللي هتقرفنا بسببها

ماتكررهاش

نادر: خلاص خليكي قاعدة هذا لحد ماتعذسي

والدة نادر (مُنفعة): إنت بتكلم أختك كدة إزاي؟ إنت

مش ممكن تكون نادر إبني

نادر: يوووه أنا كل ما أتكلم مع حد يقولني إنت مش

نادر، خلاص شوفولكم إسم جديد بقى تذاوني به

أمنية: يلاً يا ماما ندخل نشوف هنعمل لنادر بيه إيه

علشان الغدا وبالمناسبة إبقى إتعطف وروح زور الشيخ

لطفي ده لو مكانش يقلل من شأن حضرتك.

دخلت ماما وأمزية المطبخ وسابوني لنفسي السؤال من جديد هو أنا كدة أحسن ولا أسوء؟

غيّرت هدومي وطلعت على بيت الشيخ لطفي قابلني في الطريق عم مختار حاولت أكون ودود معاه قدر المُستطاع لحد ما جه عند جملته المعتادة (إنت بتفكرني بشبابي يا واد يا نادر).

نادر: أولاً أنا مابقيتش واد أنا الناس كلها بتقولي يا أستاذ نادر

ثانياً: بتفكرني بشبابي بتفكرني بشبابي هو إنت فاكركني مش عارف إنت كُذت بتهيب إيه في شبابك!

الحاج مختار (مذهولاً): هو في إيه؟

نادر: في إذك كنت واحد فاشل عايش على فلوس أبوك وفاكرين نفسكوا أعلى من باقي الناس، وكل المغامرات إالي إنت قارفتني بيها كانت عبارة عن جري ورا الحريم في العزبة، صح ولا فاكركني مش عارف!

الحاج مختار: خلاص يابني أسكت، أنا كنت بفتخر بيك ولازلت بس واضح إن ده بقى بيضايقك، إنت مش نادر إلهي أنا أعرفه

نادر: أه هو بالضبط أنا مش نادر إلهي إنت تعرفه إعرف بقى نادر الجديد وإتعود عليه ويلاً بقى ندخل نشوف الراجل العيان قبل مايقطس.

الحاج مختار: لا حول ولا قوة إلا بالله، حاضر يابني. دخلنا عند الشيخ لطفي، ده الوحيد إلهي مش هقدر أتجاهل حبي له وفضله علياً مهما أنكرت.

شدت كرسي وقعدت جنب السرير وكنت عاوز أقوله أي حاجة أهون بيها عليه التعب لقيتني بقوله:

إيه ياشيخ لطفي إنت مش عارف تشفي نفسك ولا إيه؟ الشيخ لطفي (بصوت ضعيف): إزيك يا نادر يابني، هو في حد بيشفي نفسه الشافي هو ربنا

نادر: أمال اللّف إلهي لففتهولي معاك ده كان إيه؟ طالما ربنا هو إلهي بيشفي، كل واحد بقى يقعد في بيته ويستنى دوره.

مِيل عليّا عم مختار وقال: الشيخ لطفي مش هيستحمل  
طريقتك دي ياتقول كلمة كويسة ياتقوم تمشي

نادر: لأ همشي بس عايز أقولك حاجة ياشيخ لطفي قبل  
ما أمشي زي ما إنت طلبت تشوفني أنا كمان كنت عايز  
أشوفك علشان أقولك إن معايا سلاح أقوى مليون مرة من  
التخريف إلهي إنت علمتهولي

الحاج مختار: التخريف ده هو إلهي خلاك الأستاذ نادر  
فودة بتاع دلوقتي إلهي مش طابق يسمع صوت حد مدّا،  
التخريف ده ساعدك في كل التحقيقات إلهي كتبته،  
التخريف ده هو إلهي نجدك من مصايب ياما،  
التخريف ده هو إلهي خلاك تقدر على الوقاد وإبذه.

نادر (مُتهكماً): إيه الوقاد ده كمان؟ وإبذه ده يطلع  
مين؟ ولاد خالتك؟!

الحاج مختار: إنت هتعمل عبيط! الوقاد وكساب إيه  
نسيتهم؟

نادر: أنا فعلاً معرفش ناس بالأسامي دي، ولا يشرفني  
أعرف.

الحاج مختار وقف وزعق : أقسم بالله إنت مش نادر  
وأنا مسئول عن كل حرف بقوله

الشيخ لطفي (بهدوء): قَرَّب يانادر يابني عايز أقولك  
حاجة، فتَّح عينيك على الآخر كدة عايز أبص فيها  
نادر: اللهم طوِّلك ياروح، حاضر

الشيخ لطفي بعد ما بص في عذين نادر: لا إله إلا أنت  
سبحانك إني كنت من الظالمين.

- رُوحت البيت لقيت أمي وأختي ناصبين القاعدة  
وجايدين خالتي صفية ومروة بذت خالتي وقاعدين  
يقطعوا في فروتي، خالتي صفية لما شافتنني قامت  
أسلمت عليًا هي ومروة، ما إديتهن مش فرصة يفتحوا أي  
كلام ودخلت الأوضة وقفلت على نفسي وسامع صوت أمي  
من برة بتقول: شايفة يا صفية؟ شايفة خيبتني الثقيلة في  
إبني، أنا لو كنت أعرف إن شغل الصحافة هيقربه علينا  
بالشكل ده مكنتش سمحتله يسرب البلد أبدًا، ده راح يزور  
الراجل العيَّان جاب للراجل مرض زيادة عن إلهي عنده.

- رغي رغي رغي مش قادر أتحمله، لميت هدومي من  
بعد ما كنت طالعتها عاشان أقعد يومين وحطيتهم في

الشنطة وفتحت باب الأوضة وخرجت من غير ما أسلم على أي حد.

أمنية جريت ورايا..

أمنية: إذت رايح فين؟

نادر: همشي وأسيبلكم المخروبة علشان تتكلموا عليا براحتكوا

أمنية: ممكن تقولي مالك؟

نادر: مفيش حاجة إبقى سلمي على ماما

وسافرت ورجعت شقتي إللي بحس وأنا فيها بالسكينة والهدوء وأنا مقرر إنني مش هنزل البلد دي ثاني وإللي عاوزني عارف عنواني.

صحيت على تليفون من علا وكلامتني بمنتهى الجدية وقالتلي: زميلنا «عمر القصاص» في قسم الحوادث عمل حادثة ومات والجورنال كله رايحين المشـرحة لو تحب تكون موجود.

ليست هدومي ونزلت على عنوان المستشفى وروحت من الباب الخلفي عند تلاجة الموتى لقيت معظم زميلي

موجودين والكل في حالة حزن كبير وعرفت إن ٢ من  
زمايلنا دخلوا يشاركونا في الغُسل مع أخوه، دخلت بسرعة  
ومجرد ما شوفت وشه قلبي إتقبض وكأن أنا كُنت ناسي  
الموت!

شاركتهم الغُسل وطول ما أنا بغُسل في صوت ملعون  
بيتردد في ودني وأنا بحاول أتجاهله بكل طريقة ممكنة...  
الصوت كان بيقول جملة واحدة: (ليالي الأرواح الضالة)،  
مش فاهم معناها ولا الهدف منها!

خلصنا غُسل «عمر» وكفناه وحطيناه في الصندوق  
الخشب ونقلناه لسيارة نقل الموتى ومنها إلى مثواه  
الأخير...

ولحد ما أنا واقف قدام التربة الصوت لسه بيتردد في  
ودني بشكل مستمر (ليالي الأرواح الضالة)... لدرجة إنني  
زعلت وقولت: خلاص سمعت، والكل إتخض مدني!

سبقت الكل ورؤحت وما روحتش الجورنال... أول ما  
دخلت البيت شغلت جهاز الكمبيوتر وبدأت أعمل بحث  
عن (ليالي الأرواح الضالة): موقع مطلعها إنها فيلم، موقع  
تاني مطلعها إسم كتاب، موقع ثالث كاتب جملة واحدة:

ليالي الأرواح الضالة هي ليالي الغداء الروحاني! ومش  
كاتب أكثر من كدة!

على طول جه في بالي الكتاب معرفش هيساعدني إزاي  
بس أكيد هيدلني، فتحت الكتاب وفضلت أدور فيه لحد ما  
لقيت جزء مكتوب فيه «البحث عن المعاني» لقيته شارح  
معاني طلاسـم وتعاويذ وخطورتها بشكل مُفصل وإن لو  
حبيب أخوض معني أي طلاسـم في خطوات بتتعمل...

بس ده مش طلاسـم الموضوع ده الكتاب مش هيقدملي  
الحل فيه.

يـدقـى معنديش غيرـه... «طيب» هو إلهي هيتمنى  
يساعدني ويدلني، جبت رقمه من بسنت وإتصلت به وفرح  
جداً إنني طلبت أقابله وخلال ساعتين كان عندي في البيت.

نادر: طيب أنا عاوزك في خدمة

طيب: وأنا تحت أمرك

نادر: هو مش أنا تحديدأ، كائنات الظلام إلهي إنت شوفت  
رجلين واحد منهم

طيب: يا باشا مش مهم إنت ولا هم... أنا موافق



نادر: يعنني إيه ليالي الأرواح الضالة؟

طيب وشه إتخطف وقال: و دي عاوز منها إيه؟

نادر: هي إيه أصلاً؟

طيب: اليومين دول

نادر: ما تذقطنيش بالكلام، هي إيه دي؟

طيب: ليالي الأرواح الضالة دي ما يدلكش عليها غير

حد عاوز يقضي عليك

نادر: بمعني؟

طيب: ده طقس خاص جداً من السحر، كان بيُمارس قبل

سيدنا سليمان وإتدفن مع الكتب إلهي إتدفنت، الطقس ده

زمان كان الجن نفسهم بيخافوا يمارسوه والوحيد إلهي

مارسه هو إبليس!

نادر: نعم!!

طيب: أيوة إبليس علشان كدة بقولك إلهي ذلك عليه

عاوز نهايتك، الجن كان بيرفض بسببه أوامر إبليس

المباشرة، ويفضلوا إنه يخلص عليهم بدل ما الطقس ده

إلهي يخلص عليهم، ممكن تقولي عرفته مدين؟ أصل لو

إذت مسخر كل عشاير الجن هيخافوا يدلوك عليه لأن الأذى  
هيطولكم جميعاً.

نادر: للدرجادي ؟!

طيب: وأكثر، أذا وأي كاهن أو ساحر بذيحي عند الطقس  
ده بالذات ونتجذب الحديث عنه، ومش هتلاقي حد يكلمك  
إلا لو كان بينه وبين إبليس نفسه عهد!

نادر: أفهم من كدة إنك مش هتفهمني؟

طيب: ولو فيها موتي، أذا إلهي أعرفه عنه مجرد قشور  
وصدقني إلهي عاوزك تعرفه ده عدو لدود مش صديق أبداً.  
- خرج طيب وسأبني في حيرة وخوف وفضول أكثر  
وخلاني عاوز أعرف إيه موضوع ليالي الأرواح الضالة بأي  
تمن.

مكنش عندي غير إختيار واحد! الكتاب.

## الفصل السادس

(ليالي الأرواح الضالة)

فتحت الكتاب (وإلي عمري ما هقولكم إسمه) على الجزء  
بتاع شرح الطلاسـم...

وبدأت أتبع خطوات شرح الطلاسـم، وإلي ماتفرقش  
كتير عن إلي عملتها قبل كدة غير شوية إختلافات بسيطة  
أهمها إن أنا في الآخر بقول إسم الطلاسـم إلي المفروض  
أعرف معناه وتأثيره وقولت بدلاً منه ليالي الأرواح الضالة.  
وكتبتها على ورقة فاضية بعد الجزء ده في الكتاب  
بدبوس مغموس في دمي، وعلى مرآة الأوضة بصباغي  
المتلطح بدمي بردو كتبت ليالي الأرواح الضالة ... وقللت  
نور الأوضة تماماً وزمت.

نمت وأنا مش عارف إلي عملته ده هيديني إجابة  
شافية ولا خارج نطاق صفحات الكتاب!

بس من الواضح إن إمكانيات الكتاب أكبر بكتير من  
درجة تخيلي، شـوفت في منامي راجل كبير في السن  
بشوش الوجه دقده بيضا واقف قدام باب أوضتي بيبقسـم  
لي وبيشـاورلي أمشي وراه، خرجت من الأوضة وإلي  
بمجرد ما خرجت لقيتني قدام المشرحة والتلاجة إلي كان

فيها زميلنا «عمر» ، الشخص ده إتكلم وقال بـنفس الصوت  
(ليالي الأرواح الضالة).

قوله: إنت إلهي كذت بتقولها ليّا في وداني كل شوية؟  
الرجل العجوز: بالضبط وكويس إنك أدركت الرسالة  
وفهمت إن كتاب (.....) هو إلهي هيدلك على الطريق  
الصحيح

نادر: طب فهمني

العجوز: فعلاً زي ما طيب قالك الطقّس ده صنع جداً  
لكن إنت عندك قدرات تختلف عن أي حد والطقّس هيفرق  
معاك

نادر: عاوز أفهم

الراجل العجوز : من أيام ممالك السحرة القدماء كان  
الطقّس ده بيمارس لأطالة أعمار الكهنة، حرفياً كان  
بيعيشوا مئات السنين في شباب دائم...

ومش بس كدة، قدرات أكثر ونفوذ وسيطرة أكثر، ولو  
على إنك تعيش وتخلد أعتقد دي لوحدها كفاية.

نادر: بس طيب قال إن الموضوع ده خطر جداً

الراجل العجوز: أنا خادم من خدام الكتاب وهساعدك

نادر: طب هو ليه مدبولي مكانش عنده السطوة ولا

القوة دي طالما الكتاب كان معاه؟

العجوز: علشان هو أولاً كبير سنأ، ثانياً طموحه كان

فلوس، ثالثاً ودي الأهم مدبولي كان غبي وكل خدام الكتاب

كانوا بيحذفوه لبعضهم ومحدثش عاوز يساعده.

الكتاب إللي معاك مش مصباح علاء الدين أي حد يلاقيه

هيعرف يستخدم كل إمكانياته، بالعكس الكتاب هو إللي

بيحدد لمستخدمه الحد الأقصى من الإستفادة، يعني واحد

زي مدبولي إستفادته من الكتاب كانت ماتزيدش عن ٢%

نادر: طب وأنا؟

الراجل العجوز: الكتاب إللي طالب منك قدور على ليالي

الأرواح الضالة من بداية إستخدامك له و دي لها مدلول

عظيم جداً

نادر: مدلول إيه؟

الراجل العجوز: إنك عاجب الكتاب يا نادر!

نادر: طب أنا مطلوب مني إيه؟

الراجل العجوز: إحنا معانا ٣ ليالي مطلوب منك فيهم  
النوم بجوار أكبر عدد من الميتين إلكي جوا التلاجة دي،  
كل ليلة هتنام في درج من الأدراج دي جنب جثة  
نادر: وبعدين؟

الراجل العجوز: بعد نهاية ال ٣ ليالي إنت هتشوف  
بنفسك، بس لازم تعرف إن في ٣ أشخاص عايشين عمرهم  
هيتقص ويا سلام لو كانوا من أعدائك.

نادر: يعني إيه عمرهم يتقص؟

الراجل العجوز: أسئلتك كتير والليلة الأولى هتضيع  
وإنت بتسأل.

نادر: طب وهقنع إزاي عامل تلاجة الموتى إنني أبات مع  
ميت؟

الراجل العجوز: مش بتاعتي دي

نادر: طب ليه مش تربية مثلاً؟

الراجل العجوز: لأ في القبر الروح بتكون عرفت وفهمت  
إنها وصلت للنهاية وملناش أي إستحوان عليها، إنما في  
التلاجة الروح فعلاً بتكون حائرة ضاللة وإحنا بنقدر

نصفـيها بطريقـتنا! علـشان كـدة إسمـها ليالي الأرواح  
الضالة أو الحائرة.

نادر: طيب مطلوب أعمل حاجة وأنا جـوا في درج  
القلـاجة؟

الراجل العجـون: روح وهتفهم

نادر: أنا ما حددتش مين هيتقص عمره

الراجل العجـون: روح وكل حاجة هتتم.

نادر: طب صـحيني علـشان أروح بجد

الراجل العجـون: إنت صاحي يا نادر بالفعل، أدخل  
وشوف هتعمل إيه

- من بعيد سمعت صوت مش غريب عليا بيزعق:

إمشي من هنا يابني.

إهرب...توب...إرجع لربك...قدامك فرصة أخيرة.

نادر: الصوت ده أنا عارفه، مين ده؟

الراجل العجـون: الملائكة لو حابب تسمع لهم براحتك

نادر: بس الصوت...ده..

الراجل العجـون: الوقت بيدعي!



الصوت البعيد: أنا مش قادر أوصل أكثر من كدة، هتضر نفسك أكثر من كدة إيه!

بلاش الأرواح الضالة

بلاش الأرواح الضالة

بلاش الأرواح الضالة

تجاهلت الصوت ومشى العجوز وأنا إتحركت ناحية باب التلاجة وخبطت، وفتحلي الباب شاب في منتصف العشرينات من عمره بيدخن سيجارة وبيصلي بإرتياب شديد وخوف وقال لي وهو بيتلعثم:

إنت.. إنت مين.. وعاوز إيه يا حضرت؟!

ومع رعبه ولخبطته غيسرت في لحظة كل الخطة إالي كنت حطيتها، كنت ناوي أدخله بخلة الرشوة من الآخر بس كل ده إتغير حالاً بالكامل.

زاد: أنا جاي من طرف مولانا إنت إسمك إيه؟

الشاب: أنا إسمي فاروق

زاد: طيب يا فاروق مولانا له طلب ولازم يتنفذ

فاروق: مولانا مين وطلب إيه؟

نادر: مولانا إلهي كلنا عايشين في بركته هو قال إنك خايف من الشغل هنا

فاروق: أيوة أه والله أنا ماكملتش أسبوع ومرعوب وعاوز أمشي

نادر: إيه إلهي مخوفك يا فاروق؟

فاروق: الميتين إلهي جوا

نادر: أهو أنا بقى جاي علشان الميتين إلهي جوا ومولانا باعتني علشان ألحقك قبل ما يأذوك

فاروق: يأذوني ليه هو أنا عملت لهم حاجة؟!

نادر: المهم كمان هتاخد فلوس ولو عاوز بعد ما أخلص إلهي مولانا باعتني به ممكن تسبب الشغلانة كلها.

فاروق: أنا مش فاهم مطلوب مني إيه

نادر: ولا حاجة أنا هجيك هنا ٣ مرات وأول مرة منهم الليلة، كل المطلوب منك تدخلني جوا وتقل عليا وتديني ملف الجثث إلهي جوا.

فاروق: ولما يعرفوا هذا؟

نادر: هيعرفوا إزاي ما إحدنا بالليل، وبعدين إنت بطولك  
مين هيقولهم؟!

فاروق: وهتقعد قد إيه جوا؟

نادر: معرفش لما مولانا يأذن لي أخرج هخرج

فاروق: طيب، المهم تقوله ما يغضبش عليًا ويساعدني  
أكمل فرش شقتي علشان الحالة ضحك أوي  
نادر: حاضر يا فاروق

- أخذت ملف الجثث وفاروق خبط على باب التلاجة ٣  
خبطات وقال: لما تحب تخرج خبط على باب التلاجة من  
جوا وهفتحك، لو وقفت جوا تنادي مش هفتحك إنت أكيد  
فاهم إن المكان ده له أصول.

بمجرد مافتح الباب هب عليا هوا ساقع بارد برودة  
الموتى، ولو هلة لمحت كل الأدراج إتهزت هزة بسيطة حتى  
فاروق ما لاحظهاش من كتر ما كانت خاطفة.

فاروق: هسيدك زي ما إنت طلبت، مش كل الأدراج على  
فكرة فيها جثث، هتلاقي المليون وهتلاقي الفاضي، إنت  
عارف هتعمل إيه بالضبط؟

نادر: أقسم لك ما أعرف أنا هذقد إإلى إطلب وخلص.

- خرج فاروق وقفل الباب وسابني لمصير مجهول.

- هو أنا ليه سواء زمان أو دلوقتى لازم ما يعديش عليا سنة غير لما أكون إتدفدتلى مرة ولا إثنين مع ميدين.

وقفت قدام أدراج التلاجة ومدي ضهري للباب الرئيسى وبفكر هبدء بمين الليلة.

روحت على أول درج فى وشى شديت المقبض وأنا فى منتهى الخوف ماهو يا جماعة مهما الواحد شاف مفيش بعد رهبة الموت!

(الدرج رقم ١٧)

الدرج الأولانى طلع فاضى، مديت إيدي على الدرج إالى تحته وإذا بشحنة كهربا بتسري فى جسمى كله طيرتني لورا خلتني أخبط فى الباب وأقع فى الأرض، ببص على الدرج وأنا قاعد فى الأرض لقيته ما إتفتحش أصلاً، كان واضح إن مش أنا إالى هختار الأدراج وخصوصاً إني لقيت درج مكتوب عليه رقم ١٧ بيتفتح بهدوء شديد وإيد سودا بتمسك فى جانب من جوانب الدرج كأنها بتسند علشان

تخرج، من شكل الإيد كان واضح إن الجثة محروقة ما  
إحتاجتش أسستنى كتير علشان أؤكد من المعلومة دي  
خصوصا لما الجثة قامت قعدت وخليني أوصفها لكم  
بالضبط...

- بشرة سوداء متفحمة، الشفايف مش موجودة تقريبا  
متأكلة

- الأسنان بيضا مخيفة، الجفون مش موجودة، العيون  
مستديرة جاحظة لبرة

- العضمتين إالي تحست العينين بارزين لبرة، الرأس  
بدون شعر اللهم إلا بعض خصلات متناثرة في أنحاء  
الرأس

- ترتدي فستان أبيض شبيه بالفساتين الشهيرة في  
أفلام الرعب

كانت بتلف راسها يمين وشمال بتدور على حاجة لحد  
ما عنيتها جت عليا!

نزلت من درج الأموات وماعرفتش تحافظ على توازنها  
فسندت على إيديها ورجليها وبدأت تحبى زي الأطفال

ناحيّتي وبيخرج منها صوت مش عارف أوصفها ولكم هو صوت كأنه خارج من بطنها، وبرغم إن حركتها كانت بطيئة جداً إلا إن البطء ده كان بيخلص عليّ واحدة واحدة. حاولت أقسوم من مكاني مش قادر ومع كل حركة كنت بعملها كان صوتها بيعلى وبتكشر عن فكها البشع فمكّنش قدامي غير إني أستسلم تماماً وأشوفها هتعمل إيه، فضلت تقرب لحد ما وصلت عند رجليا وبدأت تشم فيهم زي الحيوانات وتوقفت عن الحركة وكأنها مستذنية مني إن أنا يكون ليّ أي رد فعل، مسكت بإيديها رجليا الإثنين وبدأت تسحبني ناحية الدرج إللي خارجه منه مكانش الموضوع سهل عليها لكنها كانت مصممة على سحبني للمكان إللي خرجت منه، خلصت رجليا من إيدها وقومت وقفّت ونطيت دخلت في الدرج رقم ١٧ نمت على ضهري وبإيديا الإثنين مسكت سقف الدرج وسحبت نفسي لجوا لحد ما الدرج إتقفّل عليّ.

آخر حاجة عيني جت عليها كانت الجثة الحيّة دي وهي بتبصلي ونظرات عندها خالية تماماً من أي تعبيرات.

بمجرد ما الدرج إتقفل خبط جسمي قشعرة ورجفة،  
بمجرد التفكير في الموقف إللي أنا فيه، أكيد الموضوع  
مش هيكون مجرد نومة والدليل الخروشة إللي أنا سامعها  
دلوقتي والحكة إللي أنا حاسس بيها عند رجليًا.

ضلمة، عتمة، رعب من المجهول، صوت أنفاس يتلف  
حوالين وداني، هوا ساقع بيدف جسمي حدة حدة وإيد  
باردة ماسكة كف إيدي اليمين.

البرد بيزيد وخاطرة جت هي بالي إني في وقت زي ده  
مكانش عندي غيره ألجأ له... ربنا.

لكن العهد إللي دخلت نفسي فيه من أول ما إقتنيت  
الكتاب بيمنعني إني حتى أفكر في ربنا.

مخادتش معايا وقت الخطرة دي لأن من هناك من عند  
صوابع رجليا تحذيداً لمحت ضوء خافت مكانش واضح  
في الأول لكن واحدة واحدة بدء يبان وإكتشفته إنه مش  
ضوء ده لهب بدء صغير عند رجليا وبيكبر تدريجياً.

نار مسكت في رجليا وبقت تحرق في لحمي وبتتنقل  
بسرعة مخيفة لباقي جسمي، كنت بصرخ جوا الدرج  
وبنادي على عامل التلاجة علشان يلحقني ولا حياة لمن

تنادي، إستسلمت وإستتيت اللحظة إللي ينتهي فيها الكابوس ده وإذا بالدرج يتفتح بمنتهى العنف نطيت برة الدرج وكل هدومي كانت محروقة وهناك عند الدرج رقم ١٧ شوفتها بتنام جوا الدرج والدرج بيتقفل بهدوء شديد فضلت أخبط على الباب بقاع التلاجة وأنادي على فاروق عامل التلاجة إللي أول ما فتحلي صرخ من الصدمة، ما دارش بيدنا حوار غير إنني قولتله: بكرة هجيك في نفس المعار.

معرفش وصلت البيت إزاي، جريت قلعت هدومي كلها ووقفت أبص على نفسي في المراية علشان أقطمن إن جسمي سليم وفعلأ جسمي مكانش فيه حرق واحد.

عند باب الأوضة شوفت الراجل العجوز كان مبتسم وقالني: حصدت أول روح باقيلك إثنين، وإخطفني! إترميت على السرير وأخر حاجة فاكرها قبل ما أنام إنني سألت نفسي ياترى مين من أعدائي إتقص عمره مع أول روح ضالة؟

ونمت، كان نوم هادي خالي من الكوابيس جاي بعد ساعات عصيبة قضيتها في الدرج رقم ١٧.



اليوم إلهي بعده الصبح صحيت على مكالمات كثير من  
أمي رديت متوقع إنها هتقولني إن الشيخ لطفي مات لكن  
المكالمة مشيت كالآتي..

والدة نادر: أنا مش عاجبني حالك إلهي وصلته ده

نادر: ماله حالي يا ماما؟

والدة نادر: إنت ما سـيـبـتـش حد ما زعلتوش قبل ما  
تمشي وأختك أمنية ما بتخرجش من الأوضة من وقتها

نادر: ليه يعني هو أنا كنت عملتها حاجة؟

والدة نادر: يا نادر أختك ملهاش غيرك من بعد موت  
أبوك

نادر: والمطلوب مني إيه؟

والدة نادر: تيجي تصالحها وتطيب خاطر الحاج مختار  
إلهي كسفته الراجل ما يستاهلش منك كدة

نادر: يا ماما ده راجل مُبالغ فيه

والدة نادر: وإيه الجديد ماهو كدة على طول وإنت كنت  
متحمله ومبسوط، إيه الجديد بقي؟

نادر: الجديد إن أنا إتغيرت

والدة نادر: إتغيرت للأسوء، لو كل واحد ربنا فتحها عليه  
وكبر في شغله إتغير على الناس قول على الدنيا السلام

نادر: طب سلام بقى علشان أنا مش قاضيك

والدة نادر: إيه هتقفل في وشي السكة ولا إيه؟

نادر: في إيه يا ماما؟

والدة نادر: بقولك أختك تعبانة وإمبارح بالليل تعبت

أوي

نادر: هاتيلها دكتور، أمنية متدلعة بزيادة بس والبركة

فيكي.

والدة نادر: إلهي تشوفه يابني ربنا يصلحك حالك، بس

خلى بالك أنا ما شـوفتكش بتركعها وإنت في البيت ولو

إلهي في بالي صح وبطلت تصلي ربنا مش هيباركك في

أي حاجة وأول حاجة هتضر شغلك إلهي إنت فرحان به ده

نادر: تمام وصلت النصيحة، حاجة ثاني؟

والدة نادر: إنت مش ممكن تكون نادر إبني

نادر: أنا لازم أقفل علشان أقوم أليس وأروح الشغل.

- أنهيت المكالمة مع أمي بعدما هي كمان قالتلي: إنت مش نادر، للدرجادي كانوا بيحبوني بشخصيتي الضعيفة الإنهزامية؟ وأول ما بدأت أشتم نفسي بقيت مش نادر، براحتهم بقي.

فطرت بسرعة وروحت المكتب وأول ما شوفت مدبولي وهو بيحطلي كوباية الشاي قولتله:

نادر: بقولك إيه يامدبولي إنت تعرف حاجة إسمها الأرواح الضالة؟

مدبولي: أه أعرف إلكي زيك كدة

نادر: يعني إيه؟

مدبولي: يعني واحد ربنا مديله كل حاجة هيسيب كل ده ويمشي في السكة الشمال

نادر(ساخراً): ده على إعتبار إن حضرتك كذت إمام جامع؟

أفكرك عملت إيه فيّا أنا وهالة؟

(لمزيد من المعلومات برجاء العودة لرواية...)

مدبولي: ما بقولش إني إمام جامع بالعكس أذا كل إلهي  
عملته غلط بس عقاب ربنا ليّا كان كبير أوي جه في إبنّي،  
فوق يا أسستاذ نادر قبل ما الكتاب ياخذك أكتر من كدة  
وتفقد إلهي بتحبهـم واحد ورا الثاني

نادر: مجاش جوابات النهاردة؟

مدبولي: لا والله مجاش

مر اليوم بهدوء اللهم إلا رسالة واحدة من أمّية بتقولي:  
أنا تعبانة ومش عارفة مالي  
وكان ردي عليها إني هكلم حد من زميلي إلهي في البدر  
يجيبها دكتور

تعمدت أطوّل في الشغل لحد المغرب علشان أطلع من  
الشغل على تلاجة الموتى وده إلهي حصل فعلاً، أول ما  
فاروق عامل التلاجة شافني قالني:

فاروق: وصيت عليّا مولانا؟

نادر: طبعاً، وباعتلك معايا دول كمان

فاروق: إيه دول؟

نادر: كل طوبى من دول لفها حوالين سريرك قبل ما  
تنام وخلال أسبوع هتسمع أخبار تفرحك

(بالمزاسبة يا جماعة الطوب ده أنا جبتة من على باب  
المستشفى وأنا داخل).

فاروق صدق وبلع الطعم وقولتله: يلاً علشان أدخل  
تاني.

فاروق: بس في حاجة غريبة حصلت بعد ما إزت مشيت  
نادر: حاجة إيه؟

فاروق: الميديين هاجوا، هاتك يا خبط ورزع جوا  
التلاجة وأدراج تفتح وتقفل وأصوات تخوف جداً، شوف  
وقتها كنا بالنهار بس بردو خوفت وطلعت وقفت برة لحد  
ما هديوا لما علقت القرآن الكريم.

نادر: هقول لمولانا يا فاروق الموضوع ده، مش يلاً  
ندخل بقى؟

(الدرج رقم ٣)

فتح فاروق باب التلاجة ودخلت وقفل علياً زي إمبارح،  
وقفت مدي ضهري لباب التلاجة وببصص على الأدراج

مستدني أي إشارة من جثة النهاردة، بعد حوالي دقيقتين لاحظت سرسوب مية بينزل من الدرج رقم ٣ وكان الدرج بيتلمي مية وفاضت وبتنزل منه، السرسوب زاد والدرج إترج وبدأ يخرج منه مية كثير وهو لسه مقفول.

المية بتغرق الأرض وكان واضح إن هو ده درج النهاردة، روجت للدرج ده على طول وفتحته لقيت المية جواه بتفور ومش شايف أي جثث، بالمناسبة مش فوران المقصود به إنها بتغلي، لا كانت بتقلب بسرعة، إنهمرت المية من الدرج أكثر وإنفجرت في وشي، رجعت لورا خطوتين ورجعت ثاني للدرج علشان أبص عليه حاولت أتفحص بعنيا وأدور على الجثة مش شايف حاجة، هديت إيدي جوا الدرج أدور يمكن ألاقى حاجة وفي لحظة إيد مسكت إيدي وشهدتني بمنتهى العنف جوا الدرج لدرجة إن راسي إتخبطت في الدرج إللي فوقيه فدوخت والدنيا ضلعت قدامي وكل إللي فاكره قبل ما أفقد الوعي إنني دخلت بجسمي كله جوا الدرج وإتقفل عليا.

ضلمة، خذقة، شلل تام من جديد ونايم على ضهري  
ومفیش نقطة مئة حواليا بس حاسس بدقل رهيب فوقی،  
كأن في طور نايم عليا وسامع صوت حد بيغرق وبيقول:  
أنا نزلت في الغريق، إلحقوني  
أنا مبعرفش أعوم  
أنا بغرق حد يلحقني

وبدء الصوت يبعد وساد المكان صمت تام ما دامش  
طويلاً لأنني سمعت صوت مئة يتملى الدرج كانت بتغمر  
الدرج وأنا بحاول أحافظ على هدوئي علشان أنظم تنفسي،  
لكن في الآخر المية غمرتني بالكامل ومش باقي غير  
مذاخيري وبوقی إلی برة المية، الموضوع ما طولش لأن  
المية غمرتني وبمجرد ما وشي كله بقي في المية فضلت  
كاتم نفسي ومغمض عينا وكأني هزود من عمري دقيقة  
لكن في الآخر إستسلمت، فتحت بوقی وحسيت بالمية  
بتخترق الرئتين وجربت الموت غرقاً وعرفت الغريق آخر  
حاجة بيمر بيها بتبقى إيه قبل ما يموت، فتحت عينا  
شوفت ضلمة زي إلی بنشوفها في أعماق البحار في

برامج التلفزيون أو في الغوص للي يذهبوا يمارسوه،  
كذت عامل زي إالي طابير جوا الضلـمة دي.

شـوقت ضوء جاي من بعيد كان بيـقرب بهدوء لحد ما  
بقي في وشي، الضوء قل وقدرت أشوف بوضوح فإكتشفت  
إن الضوء وراه آخر حد كذت متوقع أشوفه.. هالة!

كاذت بتبصلي بنظرات كلها عتاب وحزن، ما إتكلمتش  
وإدتني ضهرها ومشيت حاولت أعوم وراها لكن حسيت  
بحاجة زي الزلزال ومن فوقني شـوقت زي ما تكون طاقة  
نور بتفتح ولقيت ذراع ظهر من العدم بيشـدني لفوق،  
سـبت نفسي له لقيتني قعدت في الدرج والذراع إالي  
كان بيشـدني كان صاحبه واحد ميت واقف قدامي وشه  
أزرق منفوخ عمـال ينزل من ودانه وعيـذه ومناخيره مـة  
وبيدبصلي بنظرة كلها غضب وبيشـاورلي إنني أخرج من  
الدرج كأني مثلاً نايم في بيته!

تجاملت على نفسي وخرجت برة الدرج وبمجرد ما  
خرجت هو دخل مكاني ورجع الدرج يـملي مـة وإتقفل  
عليه، لقيت محفظتي وتليفوني مرميين في الأرض



مجاش عليهم نقطة مئة شديلتهم وخبطت على باب  
التلاجة وفاروق فتدلي وعلى وشه نفس نظرات الذهول  
وقالي:

فاروق: إيه إلهي مغرقك كدة إنت فتحت الدرج رقم ٣  
ولا إيه؟

زاد: إشمعنى؟

فاروق: ماهو الجثة إلهي فيه لواحد غريق وبالمنااسبة  
الجثة بقاعة الدرج ١٧ محروقة ومجهولة برى، إنتوا إيه  
حكايتكوا بالضبط؟

زاد: أنا همشي وهجيك بكرة

فاروق: طب إستنى لما هدومك تنشف

زاد: أنا مشيت وهدومي محروقة إمبارح هتفرق إيه؟

وأنا واقف بكلمه ظهر من وراء نفس الراجل المعجوز  
بنفس الإبتسامة وقالي: حصدت الروح الثاوية باقيلك  
الأخيرة.

روحت غيرت هدومي وإترميت على السرير لحد اليوم  
إلهي بعده، صحت من النوم مُجهد وقررت ما أروحش

الشغل النهاردة، بعث رسالة لعلها قولتوها: بلغيهم إنني مش هقدر أجي النهاردة، شافت الرسالة وماردتش قوت أكيد لسه مقموصة.

وبما إني فاضي النهاردة لحد معاد الروح الثالثة جبت الكتاب وفضلت أقلب فيه وكل أما أقلب صفحة أذهب بمحتوى الكتاب، فعلاً الكتاب مش ممكن يكون بنى آدم إلهي كتبه أنا مش عارف إزاي كنز زي ده كان في إيد مدبولي وفرط فيه بالسهولة دي، معقول الكتاب يكون له دخل في موت إيدته؟

على العموم أنا مش بالغباء ده إلهي يخليني أسمح إن الغدر بتاعه يقع على حد مني.

فضلت صاحي للفجر بفكر في كل إلهي حصل.

علقة الليلة إلهي فاتت وإلهي قبلها كانوا أصعب مايكون، ياترى النهاردة هتكون إيه؟

أديني قابلت محروق وغريق فاضل إيه من الموتات البشعة علشان أعيشها النهاردة؟

هانت كلها كام ساعة وأشوف بعديًا، الوقت مر يومها  
بيطء وعلشان أكسر الملل خرجت أتغدى برة وعلى المغرب  
كذت بخبط على فاروق إالى قابلني بوش مخطوف وإتكلم  
بصوت واطي وقالني:

فاروق: مش هينفع دلوقتي يا أستاذ نادر

نادر: هو إيه إالى مش هينفع دلوقتي؟

فاروق: مش هينفع تدخل

نادر: ليه؟

فاروق: علشان في جثة هذستلمها دلوقتي إالى  
المفروض الإسعاف هتجيبها خلال نص ساعة أو ساعة  
بالكثير

نادر: بررو مش قاهم إيه العلاقة؟

فاروق: يعني يدخلوا يحطوا الجثة في التلاجة يلاقوك  
نايم جوا؟!

نادر: عندك حق، والعمل؟

فاروق: لو مستعجل أقعد هنا جنبي لحد ما يجيبوا  
الجثة وبعدها أدخل ونام في الدرج زي ماتحب إنشالله  
تنام للصباح

نادر: إنت عرفت مزين إن أنا بذاام في الدرج؟

فاروق: أكيد من كاميرات المراقبة، بصراحة أول ما بتدخل بفضل أتفرج أشوفك هتعمل إيه

نادر: وبتلاقيني بعمل إيه؟

فاروق: ليه هو إنت مش عارف إنت بتعمل إيه؟

نادر: بقولك قولي بتشوف إيه؟

فاروق: حاضر ماتزوقش في الكلام، إنت بتدخل من هنا تقوم واقف زي التمثال والنور جوا يبدء يترعش وبتتحرك ناحية الأدارج بعدها النور يتقطع، بقولك إيه تعالى شوف بنفسك أحسن في الشاشة أكيد هتكون فاهم أحسن مني.

شغل فاروق فيديو كاميرات المراقبة أول يوم وإللي حصل الآتي..

دخلت قلعت ساعتي وحطيتها في الأرض ومعها الموبايل والمحفظة والملف بتاع الجثث وقلعت الجزمة والشراب ولزقت في باب التلاجة شوية بعدها إديت ضهري لأدراج التلاجة وبصيت للحيطه وفضلت على الحال ده

أكثر من خمس دقائق بعدها رفعت إيدي الشمال ولفيت بجسمي ١٨٠ درجة وبإيدي إلي رفعتها شاروت على درج معين كان الدرج ده رقم ١٧، إتحركت بشكل لا إرادي كأنني مذنوم مغناطيسياً، إلي لاحظته وأنا رايح ناحية الدرج إن كان في دخان بسيط طالع من جسمي وهدومي كأنني هتتحرق وبمجرد ما وصلت للدرج الدنيا ضلمت تماماً، فاروق كان عايز يجزي الصورة قولتله لإسـتـنـي، فضلت أدقق لمحت في الضلـمة بصعوبة الدرج بيتفتح وأنا بدخل فيه بعدها مفيش حاجة حصلت لمدة طويلة لحد ما النور رجع وأنا واقف ولبسي محروق، فضلت واقف على الحال ده مدة مش بسيطة والدرج مفتوح والجنة موجودة فيه، فين وفين بدأت أتحرك وفي نفس الوقت الدرج كان بيتقفـل بمنتهى الهدوء.

فاروق نطق في الوقت ده وقال:

فاروق: أنا عايز أفهم الدرج ده إتفتح وإتقفـل لو جهه

إزاي؟

نادر (ضاحكاً): هي دي الحاجة الوحيدة إلي هي

لاقيـلـها تفسير يعني؟ شغل الفيديو الثاني يلا

فاروق: حاضر أدينا بنتسلي لحد ما الجثة الجديدة  
توصل أنا هشغلها ولك وهدخل أشوف الدرج إالي هنحط  
الجثة فيه غالباً هيبقى رقم 5.

شغل فاروق القيديو ومشى وهو داخل نيه عليا إن لو  
حد جه أذايله بس لازم أخبط على الباب الأول.

بدأ القيديو بنفس الطريقة وبنفس سرحاني  
وإنصياعي التام لشئ مش ظاهر، حطيت حاجتي برديو  
على الأرض وإتوجهت ناحية الدرج رقم ٣ وإلي لما دقت  
معاه كان بينزل سائل أسود ثقيل مش مية زي ما حصل  
معايا، قربت من الدرج إالي إتفتح لوحده وخرج منه إيدين  
رفيعين متغطيين بحاجة أشبه بالشحم، قربت ودخلت  
وشي بين الإيدين دي إالي بدأت تتحسس وشي وبحركة  
مباغتة خبطت دماغي في الدرج وسحبني جوا الدرج  
وكان جسمي زي مايكون مافيه وش عضمة، كان لين  
جداً لدرجة إنني دخلت الدرج زي العجينة، إتقفل الدرج  
بعنف وإنقطع التيار الكهربى، فضلت أدقق في الصورة  
المضلمة.

إتكون في وسط الضلمة كيان عبارة عن راجل عجوز مع  
شوية تركيز إكتشفت إنه نفس الدليل إللي بيظهرلي، إللي  
بحكيه لحضراتكم ده أنا شايقه بالعافية لأنه جوا الضلمة  
والعتمة مد العجوز إيده فتح الدرج الذور رجع في الوقت  
ده، والعجوز إختفى وأنا خرجت من الدرج زي الغريق إللي  
لقي طوق نجاة ورجعت وقفيت أخذت حاجتي وإبتسمت  
إبتسامة مخيفة وقولت جملة بس للأسف الصورة مفيش  
معاها صوت فعدت الفيديو أكثر من مرة علشان أعرف أقرأ  
شفايقي وأشوف بقول إيه بس يدون أي فايدة.

خرج فاروق بسرعة من التلاجة وقالي:

فاروق: أنا قولتك لما حد يخبط على الباب تناديلي

نادر: ماهو محدش خبط

فاروق: هو إيه إللي محدش خبط؟! أنا سمعت الخبط  
وأنا جوا، قوم أقعد على الكرسي التاني وما تنطقش خالص  
ولو حد سألك، إنت ابن عمي وجاي تزورني من البلد.

فتح فاروق للمسحفين ودخلوا بجثة محطوطة جوا  
الجراب الأسود إللي بيتحط فيه الميتين، كان هو وإثنين

مسعفين دخلوا وأنا فضلت أعيد في اللقطة لحد ما عرفت  
أنا بقول إيه، كذت بقول:

بكرة الدرج رقم ٥ في الوقت نفسه فوقت على صوت  
فاروق وهو خارج مع المسعفين وبيقولهم أنا معنديش  
أدراج غير رقم ٥ وأديكوا إستخدمتوه وخطيتوا فيه الجثة  
دلوقتي لو جيتوا ميتين ثاني هبدأ أنيمهم في حضن  
بعض، وضحكوا الثلاثة.

الجملة نزلت عليا زي القلم على خلقتي مع إن فاروق  
كان قايل موضوع الدرج رقم ٥ ده قبل كدة بس المرادي  
الرد جه فوري ومن قبل ما أدخل أنا عارف وجهتي الدرج  
رقم 5.

### (١ الدرج رقم خمسة)

ليه المرة دي بالذات الرسالة مباشرة بالشكل ده؟  
ليه المرادي تحديدأ بتوجه ناحية الدرج رقم ٥ من قبل  
حتى ما أدخل القلاجة؟

مش هتشغل بالي ولا بالكوا بتكهنات كلها دقايق  
وهشوف بعنيًا ليه تحديدأ الدرج رقم 5.



من غير ما أتكلم مع فاروق فتحت باب التلاجة ودخلت  
وراحت على طول على الدرج رقم 5 شديت وفتحته بدون  
تفكير أو تردد، الجثة قعدت وشهقت وكأن الروح ردت  
فيها، في الحالات العادية المظنر يشيب بس إلهي شيبني  
مظنر تاني خالص!

فضلت أصرخ وأقول:

إنت!!

إنت!!

إنت!! وأزعل..

قعد في الدرج يتلفت حواليه وسمعت نفس صدى  
الصوت بيقولني: دي آخر فرصة ليك إهرب يا نادر من  
الأرواح الضالة.

طبعاً عايزين تعرفوا مين صاحب الجثة؟

صاحب الجثة يبقى أبويا (مصطفى عبدالرحيم فودة).

نادر: إنت إزاي، أنا داخذك بإيديا إزاي تدخل هذا! إنت

ميت من ستين!

إلتفت لي وهو قاعد في درج الأموات وبصوت جاي من أعماق الجحيم ويمنتهى الشر قاللي:

أنا الروح الثالثة!!!

نادر: لا يا أبويا الموضوع فيه حاجة غلط

والد نادر: هو أكيد غلط من أول ما دخلتك الشغلانة دي بإيديا، أنا موتي كان على إيدك إنت

نادر(صارخاً): أذا مليش ذنب يعني إيه موتك كان على إيديا؟

والد نادر: لا إنت عارف كويس إنك السبب في هلاكي نزل أبويا من الدرج الخامس وقرب مني وأنا واقف وقاللي:

والد نادر: تحب تحصل على الروح الثالثة دلوقتي بس إنت أكيد عارف الشرط إنك تعيش لحظات موتي بالتفصيل إلهي كنت سبب فيها!

نادر: بقولك أنا مليش ذنب، أنا مجيتش جندك

والد نادر: ماهو مش لازم يكون بإيدك ولا نسيت كلام  
كساب ليك، إنت مؤتله أبوه وهو مؤتلك أبوك فنقدر نقول  
إن إلهي حصل ده بشكل أو بآخر إنت السبب فيه.  
نادر: كساب مين إلهي أنا مؤتله أبوه؟! أنا معرفش حد  
بالإسم ده!

والد نادر: إيه معقول لحقت تنسأه؟ على العموم إذا  
دوري إنني أخليك تعيش اللحظات الأخيرة في حياتي كونك  
بقي تفتكر أو ماتفتكرش دي بقي مش بتاعتي، إفتكر يا  
نادر وإرجع بالذاكرة معايا لمشهد طول عمرك بتحاول  
تهرب منه.

لقيتني برجع لمشهد فعلاً بكرهه ومايحبش أف்தكره،  
لقيته بيتكرر قدامي بكل تفاصيله، يعيشه بكل جوارحي  
من جديد، لقيتني واقف قدام بيتنا علشان أستقبل أكبر  
حزن في حياتي!..

محكي لكم المشهد وأعتقد إنكم هتفتكروه...

كراسي في الشارع قدام بيتنا صوت قرآن خارج من  
بيتنا بصوت الشيخ محمود خليل الحصري بياكد إن  
البيت ده فيه ميت!

كنت ماشي وأذا يقدم رجل وبأخر رجل لحد لما الناس  
إللي واقفين قدام البيت لمحوني جم بسرعة ناحيتي وكل  
واحد منهم بدء يكلمني.. كانوا كلهم بيتكلموا في صوت  
واحد و وقت و واحد:

- حمد لله على السلامة يا نادر، كويس إنك متأخرتش،  
لسه قدامنا وقت على صلاة العصر

- أمك رافضة أي حد يدخل على المرحوم

- إنت مبتردش ليه يا نادر مش هينفع كده، إنت لازم  
تمسك نفسك عن كده

صرخت فيهم غصب عني:

- هو في إيه إذتوا شايفني بلطم وبقطع في شعري..!  
إتضدوا من رد فعلي وكلهم سكتوا، إنسحبت من  
وسطهم وتوجهت ناحية باب البيت بقاعنا ودخلت وطلعت  
السلام...

أول ما دخلت الشقة جريت على أوضة بابا حاولت أفتح  
باب الأوضة مفتحش.. فضلت أخبط وناديت على أمي أكثر  
من مرة لغاية لما الباب إتفتح.. أول لما شافتني قالت:

- إنت السبب..في إللي حصل لأبوك. من أول يوم بدأت  
تمشي ورا السحرة و الدجالين وإحنا شايفين الغم بسببك،  
أبوك مات وبذت خالتك مُخها إتلحس والله أعلم هتأذي  
مين ثاني يا نادر.. روح كدة إكشف الغطا عن أبوك وإتفرج  
على نتيجة أفعالك ولا تحب أجبي أكشفهولك أنا..؟

إتحركت ببطء ناحية السرير إللي عليه جثة أبويا  
المتغطية بكوفرتة وعقلي عمّال يتخيل مليون شكل لوش  
أبويا..

مديت إيدي ورفعت الكوفرتة عن وشه.. رميت الغطا  
وكتمت بوقي بإيدي عشان ما أصرخش ورجعت لورا من  
الصدمة.. أبويا ملامحه كانت بشعة مرعبة جداً، عينيه  
جاحظة وخارجة لبرا لدرجة إن الدم نازل منها ومغرق  
وشه ومتجلط وبوقه كان مفتوح على الآخر ونازل منه رغوّة  
بيضا ولسانة لونه أسود حالك أما عن لون بشرة أبويا فكان  
بنّي مليان أثار حرق وأجزاء من الجلد متشالة وواقعة على  
المخدة جنبه ولحم الوش باين.. وعينه مركزة على نقطة  
معيّنة في السقف

فجأة أمي شددت باقي الخطأ عن باقي جسم أبويا عشان  
 أتفاجئ بالباقي.. أبويا إيديه كانت مكليشة وكان رافعها  
 لفوق كأنه بيحمي نفسه من حاجة هتقع عليه من السقف  
 وعلى رقبة أبويا أثار تقطيع وبقايا شوك مغروس في  
 رقبتة، زاهيك عن عضم وشه البارز بشكل مُفزِع.

دخل الشيخ لطفي والحاج مختار علشان نغسل أبويا،  
 كذت معظم الوقت أثناء الغسل ببعد عينا عذة مش  
 عاوز أشوقه وسامع الشيخ لطفي عمال يقرأ قرآن..

بصيت بطرف عيني على والدي لقيتة بيبص عليا..  
 عيذيه جت في عينا بعد ما كان باصص لفوق وفضلت  
 عيذيه يتحرك معايا كل لما أتحرك يمين وشمال..

سمعت صوته بيتسأل لوداني من غير مايفتح بوقه  
 وبيقولي: {شوف نتيجة أفعالك}

{إنت كذت فأكرها لعبة وأنا إالي دفعت الدمن وجه الوقت  
 يا نادر تعيش لحظات الموت الأخيرة إالي أنا عيشتها بكل  
 تفاصيلها المفجعة}.

بس يا ترى هتقدر بتحمل إالي أنا إتحملة؟

إوعى تذكسى أبداً إنك إنت كذت السبب في تدهور  
حالتى ونهايتى البشعة إالى كذت بقدارى وشك علشان  
ما تشوفهاش.

إوعى تنسى أبداً يا زادر إنك إنت إالى موّتنى.

تبدل المشهد ولقتنى واقف في فراغ أسود بكلم نفسى:  
- هو أنا فعلاً موّت أبويا؟

- هو أنا بعد ما دعيت عليه في صلاة الجنازة وديته في  
داهية؟

- هو أبويا بيدفع تمن حاجة أنا السبب فيها؟ (يرجى  
الرجوع لرواية النقش الملعون)

إتبدل المشهد لقيتني في بيتنا في البلد وأنا نايم على  
السريّر وشايف أمى بتكلم أمنية وبتقولها لازم أخوكى  
يجي، أبوكى حالته بتدهور وقربت منى وبتقولى إتكلم  
يا مصطفى بتبص لإيه يا أخويا، في اللحظة ديه أيقذت إنى  
مكان أبويا وبقيت جوا جسمه!

دخل عم مختار وباسني من جبينني وقال لأمي وأختي  
سيبوا مصطفى يرتاح شوية يمكن وجودنا مصعب عليه  
إنه يروح.

قامت أمذية انفجرت بالبكاء وقالت: خلاص كدة أبويا  
بيموت؟!

قام راد وقالها: إدعيله يابذتي، وعيط

طلعت ماما وأمذية و وقف عم مختار وقال: اللهم هون  
عليه سكرات الموت.

كنت عاوز أصرخ بعلو صوتي وأقول مات سيبونيش  
لوحدي لكن في حاجة كانت منعاني إنني أنطق!

خرج من وراء الستارة شخص ملامحه مش واضحة  
وقالي: عيش يا نادر.. عيش نهاية أبوك بكل تفاصيلها ،  
خليها تستنزف روحك لأخر قطرة.

بعدها إختفي وظهر مكانه كائن مخيف عابس الوجه  
ضخم البنيان ومد إيده ناحيتي كل إللي جه في بالي إن  
ده ملك الموت فضلت أحرك في راسي يمين وشمال كأني  
بقوله: لا مش عايز أموت دلوقتسي، خبط الأرض خبطة



كسرت الحيطان وخرج ٣ وحوش أشبه بالغوريلا لكنهم  
أكثر بشاعة منها بملايين المرات وحجمهم أكبر منها  
بكثير ومن وراء الستارة نفس الشخص بيتكلم:

- بحق قوى الأعوان
- بحق الدم في الشريان
- وبكل ذل وهوان
- تقبض روحك عاجلاً الآن

- بحق قوى الأعوان
- بحق الدم في الشريان
- وبكل ذل وهوان
- تقبض روحك عاجلاً الآن

إتلفوا ال ٣ كائنات المخيفة ورفعوا أيديهم لفوق وخرج  
من أيديهم نار شقت السقف

وكوّنت فتحة منها للسماء، ولقيت بيدزل من الفتحة دي  
طيور مخيفة وشوشها بشسعة كلها بتدقض عليّا، رفعت  
إيديا الإثنين لفوق علشان أحوشهم عني وإذا بال ٢ وحوش  
يوجهوا إيديهم بالنار إالي خارجة منها ناحيتي!

الذار مسكت في كل حة في جسمي والطيور نازلة  
نهش في كل حة تعرف تاخذها مني، ومن بعيد سامع  
صدي صوت:

”إذا لله وإذا إليه راجعون، توقي إالي رحمة الله تعالى،  
نادر مصطفى عبدالرحيم فودة، ابن المرحوم مصطفى  
عبدالرحيم فودة، والدفنة الآن من مسجد عباد الرحمن إالي  
جهنم وبئس المصير»

فتحت عنيا لقيتني رجعت التلاجة وأبويا واقف قدامي  
وبيقولي:

والد نادر: تحب تكمل؟

أديك شوفت قبض الروح بالشكل العبيط إالي إنت كنت  
فاهمه زمان.

- وأدخلك القبر من جديد؟؟؟

- وتشوف الويل من ثاني؟

- ولا كفاية عليك كدة؟ أقولك.. كفاية عليك لأن إلهي

جاي أشد يا نادر!

نادر: أنا مایش ذنب في كل إلهي حصلك، أنا طول عمري  
كنت بار بيك، مش مشكلتي إن ذهايتك كانت سودا بالشكل

٥٥

والد نادر: وهو مين كان السبب في الذهاية دي؟ مش

إنت؟

نادر: لا طبعاً مش أنا

والد نادر: إنت مش ممكن تكون نادر إبني، إنت طول

عمرك عایش حاسس بالذم، وحاسس بتأنيب الضمير

بسبب موتي، جاي دلوقتي تقول مش مشكلتي، إنت مين؟!

نادر: جرى إيه هي لباظة على لسان كل واحد فيكوا؟

حتى الأموات كمان بيقولولي إنت مش نادر؟!!

بتلقت حواليا لقيتني لوحدي في التلاجة، خبطت على

فاروق فتحلي وأول ما فتح قال:

فاروق: أهو ده إلهي كان ناقص، مرة بهدوم محروقة  
ومرة بهدوم مبلولة ومرة عريان ملطاً!

أدركت في اللحظة دي إن أنا عريان تماماً، أخذت هدوم  
من فاروق ولبستها وطلبت منه يجي معايا جوا تلاجة  
الموتى ويفتح هو بنفسه الدرج رقم 5، فتح الدرج وصرخ  
وفضل يقول: مش ممكن.. أعوذ بالله.. يارب لطفك.

إلهي كان في الدرج كان أبويا وكان شكله عادي زي  
مايكون نايم بالضبط، إلتفت لفاروق أقوله في إيه لقيته  
جري وخرج برة كان قاعد على الكرسي بيتنفض.

نادر: ممكن أفهم إيه إلهي خوِّفك؟ ما إنت على طول  
وسط الميتين

فاروق: قسمأ بالله الجثة دي غير إلهي دخلت من شوية  
نادر: طب ما عادي ما كلهم أموات

فاروق: لا مش عادي

نادر: تحب أقولك الجثة إلهي إنت شوفتها جوا دي جثة  
مين؟ دي جثة أبويا ميت من سـذين ومعرفش إزاي جثته  
رجعت ظهرت من جديد وحت هنا!

فاروق: أبوك مين؟! الجثة إللي في التلاجة جثتك إنت!

نادر(مصدوماً): نعم! إزاي يعني؟!

فاروق: بقولك جثتك إنت، وكنت فاتح عيذك وبوقك على الآخر ورافع إيديك لفوق كأنك بتحمي نفسك من حاجة هتقع عليك من السقف وعذك بتنزف وبوقك عمال ينزل منه رغوة ورقبتك مليانة شوك مغروس فيها والنمل سارح على جسمك كله.

نادر: قوم معايا نبص عليها مرة تاني كدة.

دخلنا وفتحنا الدرج لقينا جثة تالئة لأ أنا ولا أبويا!!

فاروق: هي دي الجثة إللي أنا إستلمتها.. هي دي وربنا!

نادر: إقفل عليها يا فاروق ويلاً بيدنا نطلع برة أنا كدة

خلاص مش محتاج حاجة تاني، هو طلب واحد هتشغلي

الكاميرات أشوف إللي حصل وهديك فلوسك وهمشي

فاروق: هشغلها لك وهروح أعمل كوبايتين شاي علشان

بصراحة مش عايز أشوف حاجة تاني في المكان ده.

شغل فاروق تسجيل الكاميرات وسابني ومشى وبدأت  
أُتفرج على أغرب حاجة ممكن تتخيلوها!

البداية دخلت زي كل مرة حطيت الساعة والموبايل  
والمحفظة وملف الجثث على الأرض، إتوجهت مباشرة  
ناحية الدرج رقم ٥ وفتحته وإتعاد نفس إلهي حصل  
بالضبط الفرق الوحيد إنه مكانش أبويا كان الشخص إلهي  
الإسعاف جابته بس من الواضح إنني كنت شايفه إنه أبويا  
ودار الحوار بيني وبينه، بقيت كل شوية أسيديه وألف في  
الأوضة وأرجعله من تاني، أحياناً أقعد في الأرض، أحياناً  
أجري، أحياناً أشاور بإيدي كآني في خدقة.

بعد شوية إنتهى الحوار بالكامل ولقيته بيدفتح الدرج  
علشان يدخل جواه لكن ظهر من أحد الجوانب المظلمة  
في التلاجة الراجل العجوز! وشاور بإيده كأنه بيستدعي  
حد، الشخص إلهي المفروض كنت شايفه أبويا خرج  
بمنتهى الهدوء من الدرج رقم ٥ وبدء يلف على كل درج  
من أدراج التلاجة يفتحهم ومع كل درج يفتحه كانت جثة  
بتقوم تقعد.

إللي من غير رأس، إللي محروقة، إللي مخذوقة، إللي  
إتركنت فترة طويلة فملاحها بقت بشعة وغيرها كثير.

ومن داخل الأدراج كلهم بصوا ناحيتي وشاوروا عليًا  
وصرخوا، صرختهم كانت أشبه بزلزال ضرب المكان  
كله وقعت من قوته على الأرض وبدأت الجثث تظ من  
الأدراج واحدة ورا الثانية، هجموا عليًا وشالوني ورفعوني  
زي الدبيحة كانوا يججروا بيًا في الأوضة وبيتباروا مين  
هيشيلني كأنهم شايلين ميت في نعشه ورايين به  
لمثواه الأخير!

مكنتش محتاج أسمع لكن الصورة مترجمة أحسن من  
مليون صوت، فضلوا يشهدوني من بعض لحد ما قطعوا  
هدومي بالكامل، حطوني في الأرض وسط دايرة معرفش  
إترسمت إمتى وقعدوا كلهم حوالين الدايرة، في الوقت ده  
أنا كنت فاقد الوعي لا بتحرك ولا بعمل أي حاجة، هما إللي  
كانوا بيعملوا، قاعدين في دايرة وعمالين يعملوا حركات  
منظمة مصحوبة بحركة شفافيهم غالباً كانت تعويذة  
بيرددوها مع بعض ولأزال الراجل العجوز واقف مبتسم!  
ولكن سرعان ما تبدلت الابتسامة لنظرة غضب شديدة و

إتلفت براسه لركن تاني من أركان التلاجة وركزت إكتشفت  
 إن في شخص تاني موجود وهو سبب غضب الراجل  
 العجوز، مكنتش قادر أحدد ملامحه لأنه كان مختفي جوا  
 الضلمة وبإشارة تانية من العجوز كل الجثث قامت وقفت  
 وهجمت على الشخص التاني وكرروا نفس إلي عملوه  
 معايا شالوه وبدؤا يلغوا بيه جوا التلاجة وكانت الصدمة  
 إن الشخص ده طلع هالة!!!

في اللحظة دي أنا فوقت وقومت وقفت وجريت علشان  
 أنقذها لكن الدائرة إلي حواليا إتحولت لكتلة من النار أنا  
 محبوس جواها، ولأول مرة من وقت طويل أشوفني بعيط  
 علشان من جديد هالة هتضيع مني، الموضوع ما وقفش  
 عند كدة دول حطوها في الدرج رقم ٥ وقفلوا عليها ورجعوا  
 قعدوا حواليا وبمجرد ما دايرتهم حواليا إكتملت حصل  
 أعجب مشهد، النار سابت الدائرة وراحت كأن حد بيسوقها  
 ناحية الدرج رقم ٥ ومسكت فيه، بعد كدة الصورة ضلمت  
 ومانورتش تاني وميقاش في حاجة أشوفها.



طلّعت من جيبي ٥٠٠ جنينة حظيتهم على المكتب  
ومشيت من غير حتى ما أستنى فاروق يرجع، بصيت في  
ساعتي كانت ١٢ وربع بالليل.

إتوجهت للبيت قلعت لبس فاروق وخذت دش ووقفت  
قدام المراية أتفحص ملامح وشي، في حاجة غريبة أنا  
شكلي كدة بيفكرني بشكلي من خمس ست سنين فاتوا.  
- فين الخُصل الأبيض إالي بقالي مدة شايفها في  
شعري؟

- فين التجاعيد إالي ظهرت في وشي مع إنني لسه  
صغير؟

- فين الذاب المكسور إالي بقالي مدة عايز أروح  
للاكتور علشان يشوفله حل؟

معقول إالي أنا شايفه ده؟

هو أنا صغرت ولا بيتهيألي؟

هم الناس إالي عمرها إتقصف، عمرهم أنا أخذته فعلاً؟

طب هي مين الناس دي أصلاً؟

لأ أنا محتاج أنام والصبح رباح بقى والنهار كفى  
يكشف ستر كل حاجة مستخبة، بس قبل ما أنام عاوز  
أقولكم إن الموضوع مش على قد تغيير ملامحي، أنا  
حاسس بقوة وصحة ديت في جسمي ومش قادر أتجاهل  
ده.

وكالعادة إترميت على السرير وأنا مرتاح إنني خِلصت  
من حوار ليالي الأرواح الضالة ده.

## الفصل السابع

### (حوارات عبثية)

ذمت ذوم ثقيل متعب صحيت مده على صوت صرخات  
 سدادات كتير، قعدت في السرير يحاول أفوق وأستوعب ده  
 كان حلم ولا حصل بجد، مفيش دقيقة والصرخات رجعت  
 تاني لثواني وسككت الصوت كان جاي من الصالة يعني  
 من قريب، نزلت من على السرير وخرجت من الأوضة  
 أبص هنا وهناك أنا مش عارف بدور على إيه لكن عمال  
 أبص يمكن أعرف سبب للصرخات ديه، رجعت الصرخات  
 تاني لمدة ثانية أو إثنين وسككت جريت ناحية الحمام لأن  
 من واقع تجاربي ومتابعتمكم لأفلام الرعب أكيد عارفين  
 إن الحمام مصدر ثري جداً للخوف والعفاريات، مديت  
 إيدي وفتحت باب الحمام بهدوء لقيته فاضي وأنا بخرج  
 لفت نظري إن ورا ستارة البانيو في ٣ أجسام واقفين ما  
 بيتحركوش مش باين ملامحهم لأن الستارة شبه مُعتمة،  
 قربت من الستارة بحذر ومسكت المساحة وخبطت بها  
 على الستارة بيها مفيش حاجة إتحركت، حطيت المساحة  
 على جنب ومديت إيدي فتحت الستارة بحذر شديد فإذا  
 بي أجد ٣ فساتين مختلفة متعلقة على شموعات ونازليين  
 من السقف معظمهم فيه أجزاء متقطعة وكأن إلابي كانوا

لايسينهم قلعوهم بالإكراه!، إنطلقت الصرخات ثاني سبت  
الحمام وخرجت بسرعة وكان مفيش غير مكان واحد لازم  
أبص فيه المكان، ده قدام باب الشقة وخصوصاً إنني لما  
خرجت شوفت من تحت باب الشقة إضاءة ونور غريب  
جاي من برا غير نور عتبة الباب إالي أنا أصلاً بطفيه قبل  
ما أنام.

كنت بقدم رجل وبأخر رجل وأنا بقرب من الباب بس  
علشان ده مش وقت تردد ومع أول صرخة إنطلقت وأنا  
قدام الباب فتحتة بسرعة شوفت قدامي حرفياً ساحة من  
ساحات جهنم.

نار في كل حدة، بيوت بتتحرق، بوابات ضخمة جداً  
بعضها مقفول وبعضها مفتوح، جبل عالي وناس واقفة  
عليه طوابير وبينطوا من عليه واحد ورا الثاني، طيور  
ضخمة مشتعلة بتحلق في السما إالي مقدرش أقول  
عليها إنها السما لأنها كانت سودا سودا حالك والسحاب  
مُشتعل، وقفت كأني قدام مشهد من مشاهد جهنم إالي  
طول عمري بتخيله بالشكل ده.

الصرخات دوت من جديد وكأنت جاية من ورا بوابة  
من البوابات المقفولة، إتكون قدامي طريق ممهد للبوابة  
دي، مشيت فيه وأول ما وقفت قدام البوابة لقيت مقبض،  
إستخدمته في إني أخبط على البوابة، فتحلي الباب بنفس  
الراجل العجوز إلهي ظهرلي (الدليل) من أول ما حصلت  
على الكتاب بنفس إبتسامته وشاورلي بإيده إني أمشي  
وراه، رجعت أسمع من بعيد نفس الصوت بيقولي: كفاية  
كدة يا نادر إرجع وتوب قبل ما باب التوبة يقفل.

مش هقولكم إن الصوت مش غريب عليا لأنني كنت  
شاكك ودلوقتي إتأكدت يمكن كمان إنذوا دلوقتي بقيتوا  
شاكين، في الحقيقة مش صوت ضميري زي ما بعضكم  
يكونوا فاكرين ده صوت الشيخ لطفي إلهي المفروض  
يكون بين الحياة والموت، ويمكن مات أساساً.

مشيت ورا الراجل الدليل لحد ما وصلنا عذ شط بحيرة  
مليانة حمم بركانية وفي نص البحيرة نازل من السـما ٣  
جنازير غليظة وفي آخر كل جنازير متعلق واحدة ومحطوط  
على وشها كيس قماش أسود زي إلهي بنشوفه في مشاهد  
الإعدام.

كانوا الثلاثة مابيتحركوش، هل فاقدين الوعي ولا ماتوا؟

معرفش، ظهر فجأة مركب صغير بدأ يطوف حوالين ال ٣ ستات وكان في شخص بيدسوق بالمجدافين وجه تحت واحدة من الثلاثة ووقف جذبها بالمركب فجأة السلسلة إالي متعلق فيها الست دي تحديدأ فككت ونزلت البذت أو الست وغاصت في الحمم البركانية لمدة أقل من الثانية بعدها إترفعت ثاني، مكانش جسمها محروق أو منتهي لأنها غاصت في حمم بركانية لكن كان أسود متفحم وأطلقت صرخة ثاني زي إالي كنت بسمعتها.

قام الشخص إالي في المركب بالتجديف وبقى تحتها بالضبط وهي متعلقة ولقيته كشف الغطا عن إناء كبير وبدأ جسم الست ينزل منه نقط جوا الإناء ده، وإتكرر الموضوع بنفس الطريقة مع الست التاذية.

لقت نظري حاجة ما كنتش واخد بالي منها، أنا ركزت أوي مع ال ٣ ستات مع إن وشهم كان متغطي وما ركزتش مع الشخص إالي كان بيدسوق المركب وبيجمع في الإناء

معاه الحاجات إللي بتنزل منهم، لكن بإلتفاتة منه ليّا وإبتسامة خبيثة لقيت الشخص ده يبقى أنا! أيوة!!

الصورة كلها وضحت قدامي واللغز إتحل الـ ٣ المتعلقين دول إللي إتقصف عمرهم وإللي موجود طبعاً ده أنا وإللي بيذل منهم ده سُمّوه عمرهم، سُمّوه صحتهم، سُمّوه حياتهم، وإللي أكد لي تفسيره ده إن الشخص إللي بيقود المركب (إللي هو المفروض أنا) رفع الإذاء وبدأ يصب على نفسه منه، وجه الدور على الضحية الثالثة وإتعمل معاها نفس إللي إتعمل مع الإثنين التانيين، الفرق الوحيد إنها أما جت تصرخ صرخت بإسمي بصوت خلع قلبي من ضلوعي، مع صرختها صحت من النوم والكابوس إنتهى. كانت الساعة ٧ إلا ربع الصبح، قومت جهزت هدمي ودخلت الحمام غسلت وشي بصيت في المراية لقيتني زي ما أنا ملامحي أصغر سناً ووجهي أكثر نضارة كأني عامل عملية تجميل من إللي الفنانين بيعملوها من الشفط والشد والحاجات الحلوة دي.

وصلت الشغل ودخل مدبولي بكوباية الشاي ولسه هيقولي صباح الخير لقيته غير كلامه وقاللي:



مدبولي: بسم الله ما شاء الله عيني عليك باردة

نادر: خير يامدبولي في إيه؟

مدبولي: إنت ما بصيتش في المراية النهاردة ولا إيه يا

أستاذ نادر؟

نادر: عادي بصيت إيه الجديد يعني!

مدبولي: لا يا أستاذ نادر إنت ما شاء الله النهاردة وشك

زي البدر في تمامه

نادر(ضاحكاً): إنت بتعاكسني ولا إيه يامدبولي؟

مدبولي: ربنا يروّق بالك يا أستاذ نادر، راحة البال

بالدنيا وإللي فيها والله العظيم.

نادر: سبحان مغير الأحوال بقينا حباب دلوقتي!

مدبولي: ربنا ما يكتب عليك إللي أنا شوفته، الشاهد

من كلامي يا أستاذ نادر إن طلتك الحلوة دي مطمئاني إنك

معملتش حاجة تغضب ربنا ومافتحتش الكتاب من أصله،

أنا صح مش كدة؟!

نادر(مبتسماً): وليه ما يكونش الكتاب ياعم مدبولي

هو السبب في إللي إنت شايفه دلوقتي؟!

مدبولي: ما أتمناش إن ده إللي يكون حصل!

نادر: إشمعني؟

مدبولي: علشان الكتاب ده ما بيديش حاجة دبلاش هديك حاجة هياخد قصادها عشرة وأديك شوفت إللي جralي

نادر(ضاحكاً): بهزر معاك أنا بس كنت عامل ماسك زيادي بالخيار قبل ما أنام شوفت الأستاذة أمينة شدايا بتعمله.

مدبولي: وده ينفع للي في سني يا أستاذ نادر؟ ده أذ عندي في البيت يجي ٢ كيلو خيار

نادر: أه ينفع طبعاً ما ينفعش ليه اعمل يا أخويا اعمل

مدبولي: آكل بقى الخيار الأول ولا الزبادي الأول؟

نادر: تاكل؟! بقولك إيه يا مدبولي كل إللي تاكله يلا سيبني بقى علشان أشوف ورايا إيه الله يخليك

مدبولي: طب عايز الحلاوة

نادر: حلاوة إن شكلي عاجبك يعني! ودي حلاوتها إيا إن شاء الله...ما كينة حلاقة!

مدبولي: لا حلاوة ده يا أستاذ نادر

(وأخرج مدبولي من جيبه جواب جديد سلمه لنادر)...

نادر: لا كده تستاهل أحسن حلاوة ده إنت وش السعد  
كله ياعم مدبولي يا بتاع الخيار

- خَرَجَ عم مدبولي وفتحت الجواب علشان أقرأه..

سلام عليكم أستاذ نادر أبو فودة..

أنا مش متأكدة الاسم صح كده ولا غلط

بس أنا لجأت لك بعد ما كل الأبواب إتقفلت في وشي،  
طول عمرنا بنقول إن الشرطة في خدمة الشعب بس  
لجأت لهم ما عيرونيش وطرّدوني طردة الكلاب من القسم  
ومبقاش عندي غيرك، ولو طرّدوني إنت كمان ذنب موتي  
هيبقى في رقبتك.

(إتفتح باب المكتب بعنسف ولقيت مدبولي إلي كان  
لسه بيتغزل فيّا دخل وقالب وشه وإتكلم بلهجة عمره ما  
كلمني بيها قبل كده..)

مدبولي: هو إيه الحكاية بالضبط؟

نادر (متعجباً): حكاية إيه يا مدبولي؟

مدبولي: حكايتك إنت هو في حد عنده حكايات غيرك  
يا أفندي!

نادر: إتكلّم عدل يا مدبولي إنت إتجننت ولا إيه؟

مدبولي: أنا إتجننت يوم ماسلمتك الكتاب ده بإيدي

نادر: ما تنطق ياراجل إنت في إيه؟

مدبولي: هو إيه حكايتك إنت وعُلا؟

نادر (مذهشاً): إيه التخريف إلهي إنت بتقوله ده مفيش  
حاجة بيني وبين عُلا يا متخلف!

مدبولي: لا في حاجة كبيرة كمان والدليل شكك  
النهاردة وشكلها هي كمان.

نادر: أنا مش فاهم حاجة من التخريف إلهي بتقوله ده  
بطل حزن وفهمني في إيه بالضبط يا مدبولي.

ما كملتش الحوار بيني وبين مدبولي علشان عُلا دخلت  
من باب المكتب ومن الواضح إنها جت على الصوت.

عُلا: أنا سامعة إسمي بيتقال هو في إيه؟

- أنا لسباني وقف ومعرفتش أرد عليها وإتصدمت صدمة  
عمري عُلا كان وشها شاحب وفيه بعض الخُصل بيضا في  
شعرها وبعض التجاعيد البسيطة في وشها، بالمناسبة  
عُلا عندها ٢٤ سنة.

نادر (بتوتر): طب أقعدي يا عُلا بس وقولي لي مالك؟  
عُلا: معرفتش يا جماعة هو كل أما حد يقابلني يسألني  
نفس السؤال؟ أنا بقالي ٣ أيام تعبانة وروحت لأكثر من  
دكتور كلهم قالوا إن أنا سليمة جسمانياً وإن إلهي عندي  
ده نفسي، ألا ماتعرفتش يا نادر مين مضايقني وخلي  
نفسيتي كده؟!!

نادر: بس يا عُلا إنتي في خُصل بيضا في شعرك  
عُلا: هو إنت فاكّر إن أنا مابشـوفهاش كل لحظة في  
المراية؟

نادر: حاسك واخدة الموضوع ببساطة  
عُلا: على إعتبار إنه فارق معاك!  
نادر: طب إنتي حاسه بإيه دلوقتي؟

عُلا: شوية إجهاد وهبقى كويسة لو الكل بطل يقول

مالك

مدبولي: أما صحیح يقتل القتل ويمشي في جنازته

عُلا: في إيه ياعم مدبولي بتتكلم مع نادر ليه كده؟!

مدبولي: علشان أنا وهو دافدينه سوا يابذتي

نادر: إذت لسه واقف هنا يا راجل إذت؟ إمشي إطلع بره.

مدبولي: هطلع بس خليك فاكرا إن الذار هتحرق الكل

ومش هتسبب حد طول ما الزفت ده معاك.

خرج مدبولي وخرجت عُلا وإلي أنا لاحظت إنها

بتمشي بصعوبة.

رميت الجواب ورفعت إيدي على المكتب ودفدت راسي

بين إيديا وغرقت في بحر من التفكير إزاي عُلا الكتاب

يعتبرها من أعدائي؟! أنا مش فاهم!

ولما دي أول ضحية أmaal مين الإثنين التانيين؟

معرفش كملت اليوم ده في الشغل إزاي، عُلا حديث

الجورنال اليوم ده لدرجة إنها ما إتحمليتش نظرات الناس

وقدّمت على أجازة ومشيت ومدبولي وأنا كنا بنجذب

ذتقابل أو حتى عذينا تيجي في عنيـن بعض صدفة،

على آخر اليوم أخذت الجواب وروّحت البيت ووقفت في

نص الصالة أزعق وأطلب من الرجل العجوز إنه يظهر،  
أما دخلت أوضتي لقيدته قاعد على السرير مبتسم نفس  
الإبتسامة المستفزة.

نادر: إنت مين؟

الدليل العجوز: متأخر أوي السسؤال ده يا نادر، على  
العموم أنت مرشد الكتاب دوري أوجهك لتنفيذ مطالبك  
ومطالب الكتاب على حد سواء.

نادر: مكش الإتهاق إن عُلا تكون من الضحايا أبداً

الدليل العجوز: إنت ما حديتش أسماء على فكرة

نادر: إحنا إتفقنا يكونوا أعدائي

الدليل العجوز: إنت قولت ده لكن الكتاب هو إلهي  
بيختار مش أنا

نادر: بس أنا قولتك أعدائي أنا فاكركويس كلامي

الدليل العجوز: وأنا ما أمنتش على كلامك، أنا كمان  
فاكر كلامي كويس

نادر: عاوز أعرف مين الإثنين التانيين؟!

الدليل العجوز: لو أعرف هقولك، أنا بعرف زيي زيك

نادر: طب لو عايزها ترجع شابة أعمل إيه؟ أنا مستغني  
عن الشباب والصحة إللي حصلت عليهم منها وبعدين أنا  
مش شايف غير تغيير بسيط في ملامحي  
الدليل العجوز: هتكشف النتيجة بمرور السنين  
وهتشكرني، وإن كان على علا هتعود والكل هيتعود على  
شكلها ومش هتكبر أكثر من كده لأنها الأولى، الثانية  
والثالثة....

نادر: وأذا مش موافق

الدليل العجوز: مش إختياري يا نادر، إنت وقعت العقد  
بدمك، ونصيحة مذي بلاش الكتاب يغضب، علشان غضب  
الكتاب نار هتحرق كل حبايبك وهتحرق قلبك عليهم واحد  
ورا الثاني صدقني

نادر: إنت بتهددني؟!

الدليل العجوز: أنا مرشد الكتاب ودوري أنورك  
بصيرتك، كمّل الجواب إللي جالك النهاردة يا نادر إنت  
محتاجه جداً صدقني.



(عمالة تتعقد وأنا لسه بقاوح وفاكر إني ملكت الدنيا  
واللي فيها

جري إيه يا نادر؟!

إيه إلهي حصلك؟

جيت تثبت قوتك ضريت ناس ملهاش ذنب)

(أه وإيه يعني أنا من حقي أشوف نفسي، وبعدين مين  
علا إلهي ههتّم بيها دي كمان، يكفييني إن الكل عمّال يقول  
إني بقيت أكثر شباب ووسامة!

-مش ممكن ده إلهي إنت بتدور عليه! وسامة إيه وزفت

إيه!

-زفت لما تبقى تاكله!

- كده ميسوط والكل عارف إذك إتغيرت

للأسوء؟!

-عادي أنا ميسوط كده بقولك

-كذاب ومحتار جُواك صراع بين نادر القديم والجديد

-وأوعدك الجديد هيكسب المعركة)

-يعنني إنت مش فارق معاك إللي حصل للمسكينة  
عُلا؟!

-حصل لها إيه يعني ياكش تتحرق!

-طب إبقى فكر بقى مين تانني هتقول عليه ياكش

يتحرق هو كمان؟!

-أي حد عادي.

-متأكد؟

-أيوة متأكد

-والشيخ لطفي؟

-زمانه بيخدّص أو مات وارتاح

-وعمك مختار إللي كبسرت بخاطره؟

-راجل تافه وكان لازم يفوق علشان يبطل أفورة

-وأختك؟

-عندها أمي

-وأمك؟

-عندها أختي

-وأهل قريتك؟

-مجرد حالات يستغلها في تحقیقاتي مش أكثر

-وزمايك في الشغل؟

-شویة موظفين قلتهم أحسن!

-وهالة يا نادر؟

-وهو أذا كمان هعمل حساب لشبح واحدة ميتة؟!

-بس إنت بتحبيها

-كنت، في فرق كبير! أدیک قولت كنت..

-ولازلت على فكرة

-وبعدين هالة دي مجرد كارت أخیر يستخدمه وبلجأ

له لما السكك كلها بتتسد في وشي

-طب ونادر فودة؟

-ماله؟ بقى في أحسن حال ولسه هيعلى أكثر

-مش حاسس إنك قضيت عليه ودوست عليه؟!

-داس عليك قطر يبططك...أذا ضميمري إلیي بتحاول

تلاعبني به ده مرتاح و ١٠٠ فل وعشرة ولو جالي فرصة

إنی أعمل أكثر من كده أوعدك هعمل

-إذت الكتاب خلاص سيطر عليك ولحس مخك وبقي

راكبك وسايحك زي الحمار!

-أقولك الحمار ده مين وماتزعلش؟

-إذت مش ممكن تكون ن.....

-اه مش ممكن أكون نادر، هي جت عليك إنت كمان!

-على فكرة أنا وإذت واحد

-لأ طالما هتفضل ترازيني كل شوية ذبقى مش واحد،

وأحسـنـك تفارقني للأبد علشان عمرنا ما هتفق أيها

الضمير الحي الغبي!

خلاص أنا هغور

غورة لما تاخدك ماترجع أبداً يا بـعـيـد..أنا داخل أنام..

حل عني نامت عليك حيلة ما قومت!

(وإنتهى هذا الحوار العبثي مع عقلي وضميري

يدخولي السرير وأنا مقتنع تمام الإقتناع إنني على الطريق

الصـحـ.

وفي أول محطات نومي باب الشقة خبطت قومت من  
السريير وأنا متأكد إنه حلم من قبل ما يبدأ، أول ما فتحت  
الباب كمية مشاعر متضاربة لطشت فيا!

نادر: هالة؟!

هالة: كويس إنك فاكرني عرفتني!

نادر (مصدوماً): أنا ماتوهش عنك، بس إنتي إيه إلهي

عمل فيكي كدة؟!

هالة: فعلاً ماتعرفش؟؟؟ ولا مش حابب تسمع إنت

عملت فيا إيه؟

نادر: هالة أنا مشوفتكيش من قد إيه؟

هالة: لأ مشوفتني في التلاجة ووقفست تتفرج عليهم

وهمّا بيولعوا فيا، لأ وكمان ما إكتفيتش بده.

نادر: تقصدي إيه؟

هالة: أقصد إلهي إنت شسايفه، هو إنت فاكر علشان أنا

طيف ولا شسبح زي ما إنت قولت عليّا من شسوية، كتابك

الملعون ده مش هيضرني؟، شوف يا نادر وملّي عينك مني

بعد ما روعي عجزت سنين بسببك.

نادر: أنا ماعملتلكيش حاجة إنتي جاية ترمي بلاكي  
عليًا!

هالة: أنا مش مسامحك يا نادر  
نادر: إنشالله عنك ما سامحتيني، أنا ماقولتش للكتاب  
يختارك إنتي ولا الحلوة الثانية

هالة: وياترى ده هيبقى نفس كلامك لما تعرف مين  
الحلوة الثالثة؟

نادر: الحقيقة كلكم زي بعض. والحقيقة الأهم إلهي  
توصلت لها في النهاية إن أهم حد عندي هو نادر فودة  
فقط

هالة: هو أنا في الحقيقة مش مستغرباك، إلهي يموت  
أبويا ممكن يعمل أي حاجة تانية علشان نفسه (لتفاصيل  
أكثر يرجى العودة لرواية النقش الملعون).

نادر: قولتك مليون مرة ما قتلتهوش، بس طالما إنتي  
الموضوع على هواكي إعتبريني قتلته، أنا لو مكانك وأعرف  
إن البندي آدم إلهي بحبه ويجري وراه له يد في موت أبويا  
أنا ممكن أقتله.

هالة (ساخرة): بحبك؟ ويجري وراك؟ أنا مش عارفة إنت  
جايب الثقة والغرور البشع ده منين؟

نادر (بخبث): إيه مش دي الحقيقة؟

هالة: لا أنا هقولك الحقيقة إلكي عمرك ما سمعتها، إنت  
يا نادر بالنسبالي قبل ما أموت كنت بالنسبالي صحفي  
ناشئ إستغليته كويس علشان أوصل للي أنا عوزاه، وبعد  
موتي ورجوعي إنت بالنسبالي شخص بئس وحرقياً أي  
كلب معدي بيذهش فيك.

إوعي يا نادر تكون مصدق فقاعة نجاحك الوهمية،  
عاوزاك تفتكر كل مرة لحقتك فيها قبل ما تروح فطيس  
وتخرج تكتب وتقول للناس أنا نادر فودة الصحفي وهاتك  
يا كذب!

نادر (صارخاً): إنتي إيجذنتي؟! أنا محدش له فضل عليا،  
مبقاش إلا الميتين كمان هيقيمونني، مش عايز أشوف  
خلقتك ثاني إنسي إسمي وإمحيه من ذاكرتك للأبد..

هالة: من ناحية أنساك فأنا فعلاً نسيك أما بخصوص  
إنك ماتشوفش خلقتي ثاني فالأسف فاضلنا مرة كمان  
وبعدها فعلاً هختفي للأبد

نادر: هو إنتي لزقة! مش عايز أنا المرة الأخيرة دي!

هالة: معلىش هي قريت جداً يمكن بعدها تعرف إن كان لازم نتقابل للمرة الأخيرة دي.

نادر(ساخراً): تصدقي إنك تستاهلي إيلي حصلك، أول مرة أشوف ميتهين بيعجزوا، مُضحكة الحكاية جداً.

هالة(باكياً): وأنا كان مين السبب في إيلي وصلته ده؟!

نادر: بقولك إيه فكك من جو الصعبانيات ده وإمشي يلاً علشان عايز أصحى من النوم.

\*\*\*\*\*



## الفصل الثامن

( غصبة الموتى )

(وانتهى الحلم وانتهى لقائي بهالة مُعلناً بداية يوم جديد وأنا بيغمرنى شعور فظيع بالانتصار ولقيتني بسأل نفسي هو إلهي عملته ده؟ هو أذا ليه عاملتها كأنها ألد أعدائي؟)

جت الإجابة على طول على لسانى: دي بتعاير ومصدقة نفسها إن لها أي فضل علياً مش كفاية إنى راضي بعلاقة غريبة زي دي، وكل أما أفكر أرتبط بأي واحدة أرفض علشان كنت بحبها، على العموم هي جت منها والرابط ده إتكسر وإرتحت منه للأبد.

(مابقيتش طابق نفسي ولا طابق الدنيا كلها المكتب، البيت كله محصل بعضه مفيش جديد مفيش تغيير نفس الناس نفس الورق نفس شرائط الكاسيت العتيقة نفس الاقلام نفس البني آدم إلهي عايش طول عمره في معاناة.)  
لبست هدومي وروحت الشغل وأول ما دخلت المكتب ولسه هشوف ورايا إيه لقيت الباب بيخبط وطبعاً إنتوا عارفين مين، مفيش غيره مدبولي أفندي كان داخل ووراه واحدة ست.

نادر: خير يا مدبولي؟

مدبولي: أنا أسف يا أستاذ نادر بس الست دي واقفة  
 بتعيط وعايضة تقابلك ضروري  
 نادر: إتفضللي ياست أقعدي  
 الست: يارب تعيش  
 وإنفجرت الست في العياط والنحيب وقالتلي:  
 الست: أبوس إيدك ساعدني  
 نادر: مين حضرتك، إتفضل إنت يامدبولي شوف شغلك  
 الست: أنا إسمي جلييلة وبشتغل مغسلة  
 نادر: خير يا ست جلييلة؟  
 جلييلة: مفيش غيرك إللي ينفع أحكيه ده حتى الشرطة  
 ما صدقونيش، أجيب مين يا ناس يصدقني، أنا عايضة أكفر  
 عن ذنوبي أبوس رجلك.  
 كلامها وإلحاحها كان غريب وخلاني أفكر لوهلة إنني  
 أسمعها هيحصل إيه يعني.  
 نادر: إتفضللي ياست جلييلة  
 جلييلة: زي ما قولتلك أنا بشتغل مغسلة أموات أو كنت  
 بشتغل لكني توبت والله العظيم

نادر: وطبعاً إنتي ماكوذتيش بتغسلي بس؟ إنتي كذتي  
بتعملي مصيبة مع غُسل الميتين وجاية تتوبي هنا  
عندي!

جلييلة: أنا بشتغل مغسلة من ٢٠ سنة منهم ٢٠ سنة  
عملت فيهم إللي ما يتعمل، كنت وأنا عيلة صغيرة بشوف  
أمي وهي بتغسل فورثت الشغلانة منها.

وفي مرة لقيت أمي بعد ما خلصت غُسل شالت  
الصابونة إللي كانت بتغسل بيها وخبتها، فبقولها إنتي  
خبيتي الصابونة ليه يامّا؟

بصت لي يا أستاذ نادر بصة عمري ما نسيتها طول  
حياتي وده خلاني ما أسألهاش أبداً عن أي حاجة بعد كدة  
مهما حصل ومها شوفت ومهما هي عملت بفضل ساكتة،  
تقدر تقول زي الخرسا، فضلت سنين على الحال ده لحد  
ما أمي قررت قديني خبايا ومصايب الشغلانة ولأول مرة  
تكشف السرا

-كنا بنغسل واحدة أنا وهي وبنات الست المتوفية  
الإثنين

ولقيت أمي بتقولهم أنا مية الغُسل دي تلزمني تبيعوها  
بكام؟

-ردوا البنات مية إيه إلهي نبيعها إنتي إتجننتي يا ولية  
إنتي؟

أم جليلة: عشر آلاف كويس؟

-لاحظ إن عشر آلاف في الوقت ده يجي مليون جنية  
دلوقتي!

-البنات من الصدمة ما نطقوش

أم جليلة: طب أنا هدفعلكوا عشرين ألف جنية، وبعدين  
هي مش هتأذي في حاجة أمكوا ماتت وشبعت موت  
طلعت أمي كيس أسود من شنطتها وخرجت الفلوس  
وإدتها لابنتين إلهي ما إترددوش لحظة وخذوا الفلوس.

-أمي شالت الطشت إلهي فيه مية الغُسل وطلبت منهم  
چراكن بلاستيك وفضت المية فيهم، البنات نسيوا أمهم  
الميتة وقعدوا يعدوا الفلوس وأنا هتجنن أمي هتعمل إيه  
بالچراكن ديه!!

رجعنا البيت ومعانا چراكن الميئة شايلها على قلبي  
طول السكة، أمي دخلت خبتهم في مكان (كانت أول مرة  
يردو توريهولي).

ليلتها يا أستاذ نادر الكل نام وأنا فضلت صاحية على  
سريري هتجنن من عمايل أمي، زمان تخبي الصابونة  
والنهاردة تشدري ميئة الغسل بعشرين ألف جذية ومش  
لاقية إجابة!!

قومت من على سريري بدل ما أتجنن ووقفت قدام  
چراكن الميئة (كنت بكلمهم زي المجذونة ويقول هتهيب  
بيكوا إيه؟)

فجأة قلبي إتقبض وأعصابي سابت ورجليا مابقيتش  
شايلاني وإنعزلت عن الدنيا كلها، وسمعت صوت جوا  
نافوخي لوحدة ست بتعيط وبتقولي: أمك أذتني وبناتي  
ساعدوها، إرمي الميئة وإرحميني أرجوكي.

جريت دخلت أوضتي وإستخبيت تحت البطانية زي  
العيال الصغيرة وجسمي كله بيترعش والصوت لسه  
سمعاه في وداني بيقول:

أمك أذنتني وبناتي ساعدوها، إرمي مئة الغُسل وإرحميني.

تصدق إن أنا من الرعب نمت؟

ثاني يوم لما صحبت خوفت أحكي لأمي أي حاجة بس هي قالتلي:

-أم جليلة: بت يا جليلة هتاخدي ٣ چراكن من بتوع إمبرح وتروحي على أول الشارع عند محل عمك أبو محرم البقال تديهمله وهيديكي كيسة سمرا على الله تفتحها تجيبها وتيجي طوّالي.

خذت چراكن وروحت عملت إللي قالتلي عليه فيما عدا حاجة واحدة بس ما قدرتش أمنع فضولي وفتحت الكيس الأسمر لقيت فيه فلوس ضعف إللي أمي إدتهم للبنتين.

روحت البيت أمي طلعت ٥٠ جنية وإدتهملي وقالتلي:

أم جليلة: أنا عارفة أنك فتحتي الكيس خدي دول شيرقي نفسك بيهم بس إنتي عارفة لو ما كنتيش فتحتي الشنطة ما كنتش هعلمك حاجة إنتي كدة بنت أمك بصحيح

أمك يا جديلة كبرت ومبقاش فيا حيل للتخطيط وإنني  
كل شوية أشوفلي عقريتين تلاتة، أينعم أنا مش بخاف  
بس تعبت وإنتي يابت لسه بصحتك وتقدرني تبقى أحسن  
مني.

جديلة: حاضر يامًا، عايزاني أعمل إيه؟

أم جديلة: هاخذك معايا دلوقتي، عندنا غُسل جديد،  
المطلوب منك تركزي في إلهي عمله.

دخلت أمي أوضتها، ورجعت ومعاها ورقة على شكل  
مثلث صغير متطبق مربوطة بخيط أسود ناشف وريحتها  
عاملة زي الخشب المحروق ريحة تخنق كدة، وإدتهالي  
وقالتلي:

أم جديلة: ركزي كويس في إلهي هقولهوك:

وإحنا بنقفل الكفن هتعملي إنك بتساعدينني وأنا  
هغطي عليك، وقبل لفة الكفن الأخيرة على الميتة  
هتغطي الحجاب ده في الكفن، فهمتي حاجة؟؟

هزيت دماغي يا أستاذ نادر إنني فاهمة كنت مرعوبة  
منها من نظراتها ومن طريقة كلامها وصوتها، وعرفت



وقتها أبويا طفش منها ليه ولو كنت قولتها مش فاهمة  
كان ممكن تسخطني قرد ولا حاجة.

شلت الحجاب في هدومي وروحنا للمكان إللي فيه  
الميتة إللي هنفسلها، ورب العزة الست الميتة كان شكلها  
مرعوب وكأنها بتتوسل ليّا إنني معملش المصيبة دي، لكن  
ما باليد حيلة مكنتش أقدر أخالف أوامر أمي، لو أقولك  
إنني حسيت إن الست الميتة بصدتلي بعذيتها طبعاً مش  
هتصدقني، أنا توّهت من الدنيا وقتها ولقيت الميتة قامت  
قعدت ومسكت جيبي وطلعت منه الحجاب وبمجرد ما  
مسكته ولعّ، جيت أصرخ حطته في بوقي وهو مولع!  
وصرخت فيّا: هتتحرق في نار جهنم يا جليلة.

فوقت على صوت أمي وهي بتقول للست إللي كانت  
واقفة معانا: والنبي ياختي هاتيلنا كيس قطن من عندكوا  
أصل القطن إللي معانا خلص.

خرجت الست تجيب القطن، قامت أمي مزعقة فيّا..  
أم جليلة: أنا غطيت عليك ييجي ٥ مرات علشان ترمي  
العمل وإنتي البعيدة ولا هنا!

جليلة: عمل إيه؟ أنا مش فاهمة حاجة؟

أم جليلة: الحجاب.. الحجاب ناوليهاولي يا زفتة.

خدتته مني أمي وبين طبقتين من الكفن عند بطن الميتة حطته ولقت عليه الكفن من جديد.

- رجعت الست ومعاها القطن أمسي قالتلها: خلاص يا حبيبتي أنا لقيت كيس القطن بتاعي.

الست إيلي أنا عرفت إنها أخذت المتوفية ماخدتش بالها من حاجة.

أمي قالتلها: تبيعي مية الغسل؟

الست رقعت بالصوت، وإتطردت أنا وأمي يومها من البيت شر طردة..

- (أنا كذت شغلت التسجيل وسجلت لجليلة معظم إيلي قالتة، الوش الأولاني من الشريط خلص.)

نادر: تشربي إيه ياسست جليلة معاش أنا أسف ما سألكيش تشربي إيه من أول ما قعدتني

جليلة: ولا حاجة أنا عايزة أزيح الهم إللي على قلبي

بس.

قومت فتحت الباب وناديت على مديولي وقولتله إعمل  
كوباية ليمون، وإستأذنت من جليلة إني هرجعلها على  
ماتكون شربت العصير

خرجت وقفت في بلكونتي المفضلة في المكتب  
وسرحت مع الناس إللي رايحة وإللي جاية، كل واحد ماشي  
بهمومه وحكاياته وأحلامه وطموحاته وأنا زي أي حد من  
دول من حقي أكبر وأوصل للمكان إللي أستاهله ولو بأي  
طريقة يمين بقي شمال مش فارقة، والفرصة جاتلي  
لحد عندي ولازم أستغلها لا تقولي قصص وتحقيقات  
ولا سفر ومرمطة في المحافطات، ولا ناس تتعامل معايا  
إني صحفي مبتدي، ولا ناس جهلة يؤذوني بكلامهم حتى  
ولو من غير قصد، دي فرصة وجاتلي من السما فرصة ما  
بتجيش في العمر غير مرة واحدة ولو ما إستغليتهاش  
أبقي ما أفرقش عن الجهلة دول في حاجة.

-دخلت من البلكونة دوغري على جليلة.

نادر: أنا قررت أساعدك ومن غير أي مقابل وحتكي  
وتتوبي كأنك ما عملتيش أي حاجة خالص وقلبك وضميرك  
يرتاحوا على الآخر ياستي.

جلىلة: بجد والذبي؟

نادر: طبعاً.. إنتي إخترتي الشخص الصح، بس أنا ليا  
شرط

جلىلة: أوامرني أمر

نادر: يعد ما تخلصي عايز أشوف كل حاجة على  
الطبيعة

جلىلة: إزاي بس، أنا عايزة أبعد عن الطريق ده خالص،  
وبعدين أنا بقالي مدة ما بغسلش والمصحف.

نادر(بخبث): وماله ترجعي ثاني علشانني.

جلىلة: يا أستاذ نادر في حاجة فايتاك أنا مغسلة نسوان  
يعني مستحيل تدخل معايا وأنا بغسل ده أهل الميتة كانوا  
موتوني وموتوك جنبها!

نادر(ضاحكاً): ياست الكل أنا عارف وقاهم إنك مغسلة  
نسوان زي ما بتقولي، بس واحدة زيك خيرة ٣٠ سنة منهم

٢٠ سنة في الشغل الأزرق أكيد لها معارف كثير رجالة  
وبيفسّلوا رجالة

جليلة: أه طبعاً أعرف مغسّلين رجالة وتربيّة كمان  
وحانوتية.

نادر: بس تاهت ولقيناها هتعرفيني على مغسّل راجل  
بيشتغل في البلا الأزرق إللي إنتي كنتي بتشتغلي فيه ده  
جليلة: أه.. فهمت إذا كان كدة ماشي

نادر: كملي بقى بأقبي الحكاية وأذا هقلب الشريط بتاع  
التسجيل علشان أسجل كل كلامك.

جليلة: لما رجعت مع أمي البيت خدتنى معاها أوضتها  
وقالتلي:

أم جليلة: بصي يا جليلة شغلانة المغسّلة دي شغلانة  
واحدة بتريح الناس مش الميتين بس لأ.. الميتين  
والعاشين كمان، بنغسل الميثة من دول ونعطرها ونلفها  
في توب أبيض في أبيض ونجهزها لنومتها الأخيرة، وفي  
نفس الوقت تخيلي لو سيدناها وسط أهلها!

شوفي برغم الحزن إللي بيبقوا فيه لكنهم أول ناس  
بيوصلوها لباب القربة، وإحنا بقى بناخد حسنتنا  
جليلة: بس أنا مش فاهمة موضوع الجراكن والصابونة  
يامّا.

أم جليلة: مع كل ميت في راحة لواحد حي، يعني فلان  
يموت فلانة تخلف، فلانة تموت فلان يتجوز  
جليلة: مش فاهمة برديو.

أم جليلة: يابنتي إقهمي إحنا بنساعد العايشين بأطـر  
الميتين، هيبقى معاكى فلوس كتير والكل هيطالبك،  
أنا بقالي في الشغلانة دي سنين، كملي من بعدي بس  
إتحملني لأن غضبة الميتين وحشة أوي.

جليلة: أنا خايفة يامّا بس هعمل بوصيتك

أم جليلة: أنا لسه ما وصيتكيش، وصيتي ليكي لما  
أموت محدش يحضر غُسلِي غيرك، والليفة والصابونة إللي  
هتغسليني بيهم إحرقهم والميّة بتاعة الغُسل إرميها في  
جذينة البيت، إوعي حد يسهيكى ويأخذها ومش هوصيكى

إوعي تضعفي لأي سبب وتحطي معايا عمل لو عرضوا  
عليكي مال قارون يا جليلة.

جليلة: يعني الميت بيدأذي يامّا؟

أم جليلة: خلاص يابت اسسكتي ما تزهديش أعصابي  
أكثر ماهي تعبانة

جليلة: طب ما بلاها يامّا الشغلانة دي خالص

أم جليلة: إنتي إتاخرتي أوي يابذتي في الطلب ده.

ومن اليوم ده إتعلّمت كل حاجة منها وبقيت التلميذ  
إللي غلب أستاذة عرفّنتني على ناس كتير

عرفّنتني يعني إيه عمل بميّة الغسل.

عرفّنتني يعني إيه سحر الأكفان.

عرفّنتني يعني إيه عمل على أسنان المشط إللي سرحنا  
به للميت.

وكل مرة كنت بزداد قوة وجبروت، لكن خليني أحكيك  
عن حاجة عمري بنساها أبدأ، فضلت عايشة في كوابيس  
أكثر من سنة بسببها ومش بس كوابيس دي حقايق كمان.

روحنا نغسل واحدة ميتة وكانت ست وحدانية عايشة  
 في أوضة فوق السطوح لوحدها وأهل الخير إلهي طلبونا  
 نغسلها، لا عندها عيال ولا حد يسأل عليها، كنت أنا وأمي  
 إلهي بنغسلها لوحدها لا في قرأيب ولا جيران ولا حد يقف  
 معانا على الغسل ، أمي قالتلي:

أم جلييلة: الست دي كنز يابت يا جلييلة هذاخذ كل حاجة  
 غسلناها بيها والمية كمان مش هنسيب حاجة.

بس أمي حطت في الكفن خُصلة شعر كانت معاها  
 وجيت أسألها عنها برّقت لي فسكت.

أم جلييلة: خُصلة الشعر دي بتاعة واحدة بطنها ناشفة  
 دور.

جلييلة: يعني إيه يا أمي بطنها ناشفة، خاسة يعني؟  
 أم جلييلة: خاسة إيه وهباب إيه؟ بطنها ناشفة يعني ما  
 بتخلفش، إحنا هنساعدنا إنها تخلف وزى ما إنتي شايفة  
 الميتة ملهاش حد وأهي إرتاحت وهتريح غيرها.



خلصنا وأنا خدت الحاجة وديتها البيت وطلعت على  
الجمعية الشرعية أعرفهم إننا خلصنا الغسل علشان  
المفروض إنهم هيدفنوها في مقابر الصدقة.

عدي اليوم وجه الليل وياريته ما كان جه، نفس الهمس  
ونفس العياط والبكاء والصوت إللي بيدنادي عليا، دمي  
نشف في عروقي وكملت لما سمعت صوت خطوات حد  
في الصلاة، بصيت وأنا في الأوضة على الصلاة.

قسماً بالله لقيت الست الميتة واقفة في الصلاة وعذيتها  
بينزله منها دموع من دم ووشها أزرق منفوخ، إتشليت في  
مكاني بحاول أصرخ مش عارفة صوتي مش راضي يطلع،  
دموعها كانت كتير لدرجة إن الدم بينزل في الأرض ووشها  
كان بيذرق أكثر كل شوية.

وإتكلمت بصوت جاي من قلب جهنم: إنتي أذيتيني  
ليديديدييه؟!!!!

في لمحة لقيتها قدامي في الأوضة وشها في وشي،  
وفتحت بوقها وصرخت ومع صرختها جسمي كله إتكهرب  
وصوت صرختها إمتزج بصوت صرخة تاذية جاية من برة،  
كانت أمي إللي بتصرخ، معرقش خرجت من الموقف إللي

أنا فيه ده إزاي، طلعت أجري على أوضة أمي لقيتها قاعدة على السرير ومبرقة عينيها وفاتحة بوقها على الآخر بتحاول تنفـس لكنها مش قادرة وكانت خلاص بتلفظ أنفاسها الأخيرة، فضلت أهز فيها ومش عارفة أعمل إيه، صوت صراخي لمّ الجيران إللي خدوها على أقرب مستشفى وإتلحقت قبل ما تموت.

كلام الدكاترة أن أمي جالها إختناق بدون سبب وأصيبت بإنهيار عصبي حاد زي مايكون كان قلبها حاسس لما قالتلي إنها مبقتش متحملة غضبة الموتى.

فضلت أمي يومين في المستشفى بس محصلش فيهم حاجة تانية عدوا بسلام، أنا قولت كدة خلاص مجرد كابوس وراح لحاله، لكن لما أمي رجعت البيت حصل نفس الموقف تاني، صوت بينادي عليّا جاي من الحمام الفرق إن المرادي مكنتش متكثفة ومشيت ورا مصدر الصوت ويأريتنى ماروحت.

الصوت من جوا الحمام بيقول: أذيتوني! إنتم شياطين إنتي وأمك، مش هسيب حقي.

إفتح الباب بالراحة لوحده، صوت الباب وهو بيتفتح  
 خلى قلبي شبه هيقف من الرعب، لمبة الحمام نورت  
 لوحدها ولقيت الست واقفة في الحمام قصار مني وبتغسل  
 أيدها في الحوض بنفس الصابونة إلهي بنستخدمها في  
 الغسل، هي هي الصابونة إلهي غسلاها بيها، وبعزم  
 ما فيها حدفتني بالصابونة في وشي، خبطة الصابونة  
 في خلقتي كان ألمها كأنها ضربتني بطوبة، حتى بص  
 نيا أستاذ نادر شوف الجرح إلهي في حواجبي، هو يمكن  
 مش باين دلوقتي، لكن وقتها كان صعب جداً، مع خبطة  
 الصابونة في دماغي أنا دوخت ووقعت في الأرض، وعلى  
 ما بدأت أفوق لقيتني واقعة جذب السرير في الأرض وأمي  
 بتحاول تفوقني وهي مخضوضة علياً موت.

أم جليدة: مالك يايت، إيه الدم إلهي عمال يشلب منك  
 ده؟

جليدة: معرفش ياماً في إيه؟

أم جليدة: أنا جبت البن علشان أكبسلك به الدم اتعدلي  
 كدة، ويلا قومي لازم نروح المستشفى يدولك مضار برشام  
 ولا حاجة.

خدتني وروحذا المستشفى فعلاً وخيبت ٧ غرن،  
أنا كنت في دنيا تاذية وأمي نازل عليها سـهم الله وما  
بتتكلـمـش دي حتى ما سألتنيش إيه حصلك.

لما بدأت أفوق شـوفت حاجة غريبة جداً يا أستاذ نادر  
أمي كبرت يجي ٢٠ سنة وشـها إتملى تجاعيد، عيـنـها  
جـحـظت لـبـرة، لونـها بـقى شـاحـب جـداً لـدرجـة إن أنا سألتها  
هو أنا غبت عن الوعي ٢٠ سنة ولا إيه يامـا؟

ومن يومها يا أستاذ نادر أمي فضلت قاعدة في أوضتها  
ما بتخرجش وبقيت أنا إلهي بروح أغسل وللـعـالم الناس  
بدعوا يقلوا في طلبنا علشان مش مقتنعين بيـا، كنت  
بدخلها كل يوم أقولها الناس هتـنـساـنا ولا كـأنـي بـقـولـها  
حاجة، على طول باصة في السقف وما بتـردش.

أما أنا فالكوابيس ما رحمتنيش، الست الميـتة  
بتطاردني ليل ونهار، أنام تظـهـرلي أصحى تظـهـرلي، أنزل  
السوق أشوفها واقفة ومخـبـية وشـها ورا شال، ده حتى  
المرات القليلة إلهي روجت غسـلت فيها لقيتها واقفة جنب  
الميـتة، وفي مرة حصل موقف عمري ما أنساها: طلبوني

أغسل ست كبيرة، دخلت عليها الأوضة لقيتهم مغطيينها كلها بكوفرتة، كشفت وشها لقيتها الست إالي بتطلع علي ومبرقة عنيا وقامت مصوثة في وشي، فضلت أصوت الستات إالي كانوا واقفين معايا إترعبوا وسابوني وجريوا بما فيهم بذات الست دي.

ما بقيتش أطيق أروح أي غُسل وكملت لما دخلت على ست مية وأختها كانت واقفة جذبي وإتكرر نفس الموضوع المية إتحولت للست إالي بتطاردني وقامت قعدت ومسكت في رقبتني وفضلت تخنق فيا لحد ما وقعت من طولسي، ولما فوقت لقيت أخت المية بتقولي إنتي مجذونة إنتي كنتي واقفة تخنقي أختي المية يا مخبولة!! يومها يا أستاذ نادر ما غسلتهاش وجريت على البيت ودخلت على أمي أحكيها وهي ما بتتردش عليا ولا بتنطق كأني بكلم صدم أو تمثال، كانت جثة بتتنفس قدامي.

فضلت على الحال ده معاها يا أستاذ نادر أكثر من سنة، يأكلها بالعافية وهي ممتنعة تماماً عن التعامل معايا أو حتى الكلام، وأنا بدأت أتعرّف وأنزل وأكمل إالي أمي بدأت، لحد ما في ليلة تانية عمري ما بنسأها، سمعتها بتعمل

صوت غريب أوي صوت بنقول عليه حشرة الموت جريت  
على أوضتها لقيت باب الأوضة بيتفتح قبل ما أوصله  
وخارج من الأوضة الست إلي بتطاردي بس المرة دي  
شكلها كان متغير عن كل مرة كانت مبتسمة وفرحانة  
ووشها أبيض زي البدر في ليلة تمامه، عدت من جنبي  
وأنا جريت على الأوضة أشوف أمي لقيتها ماتت!!!

كانت نائمة على ظهرها ووشها أزرق، عندها مبرقة  
جامد وبوقها مفتوح على الآخر وعضم خدودها بارز  
بشكل مخيف ورغاوي عمالة تنزل من بوقها وشعرها كله  
ناحل والمخدة محروقة والسريير كله نمل بيجري على  
جسم أمي.

وقفت زي التمثال مش عارفة أعمل أي حاجة، فين وفين  
على ما فوقت عمالة أصوت لحد ما الجيران إتكلّموا وكان  
مطلوب مني أصعب مهمة في حياتي إن أنا أغسلها!!

تاني يوم الصبح جت مغسلة تانية تطوعت علشان  
تساعد وصممت تقف معايا على غُسل أمي، بس قبلها  
كذت غيرت ملاية السريير وكيس المخدة ورشيت جثة أمي  
بيروسول ونضفتها من النمل.

لقديتها خرجت شذطة سودا مليانة فلوس كثير وقالتي:  
يا جليلة الحي أبقى من الميست يابنتي أمك خدمت الكل  
ولازم نخدمها.

معرفش يا أسداز نادر إيه إلهي حصل ساعتها نسيت  
وصية أمي ليّا وخدت الفلوس من الست ولقيتني بقول  
فعللاً أمي ريحت الأموت والأحياء ولازم أكمل إلهي بنعمله  
زي ما أمي طلبت.

لقيت المغسلة بتديني صورة لواحدة ومتشخبط على  
وشها بقلم ألوان فلوماستر وبتقولي سلّمي الأمانة يا  
جليلة، ماكنتش محتاجة شرح علشان أفهم إيه المطلوب  
مني أعمله.

نادر: إنتي حطيتي الصورة في الكفن؟!!! ياقادرة!

جليلة: أيوة ومن يومها بدأت أشق طريقي الخاص بيّا  
وقررت إني همشي بالمبدأ إلهي أمي علمتهولي إن الحي  
أبقى من الميست وإن الضرورات تبيح المحظورات وبقي  
إسم جليلة المغسلة الكل بيعمله مليون حساب وكسبت  
قد إلهي أمي كسبته مليون مرة.

-خلص الوش الثاني من الشريط وأستأذنت جليدة  
تريح شوية عقبال ما أجهز شريط ثاني.

جبت شريط جديد عشان أسجل باقي حكاية جليدة.  
باب المكتب خبط ودخل حد من زميلي: إنت مش  
مروح ولا إيه يا نادر؟

نادر: لا مش مروح، إنت حد عينك وصي عليا ولا حاجة؟  
زميلي: يا عم مش القصد، أنا قولت بس ..

نادر: لا ماتقولش بس، أنا قاعد شوية، روح شوف شغلك  
إنت ولا مصلحتك وحلّ عن أهلي .

خرج وقفل الباب، بصيت للست جليدة وقولت لها:  
نادر: معاش أصل في ناس كدة يا ست جليدة، لو سبتي  
لهم فرصة يصاحبوكي العشيم بيموتهم، وأنا ما أكرهش  
في حياتي قد العشيم، بيفتح أبواب لحاجات كتير الواحد  
في غنى عنها، وأديكي شايقة التطفل، ده كده ومن غير  
عشم بيذا، تخيلي بقى لو كان في بينا عشم أصلاً، كان  
هيعمل إيه؟



جليلة (كملت متجاهلة الرد على نادر): أنا نسيت حكاية  
أمي دي خالص يا أستاذ نادر وبقيت أشتغل لوحدي ورميت  
الماضي كله ورا ضهري بفقره وذله وقرقه، البعبع إللي  
كان مكتفني ومتحكم في حياتي خلاص ماتت وشبعت  
موت الخوف، إنتهى بموت أمي.

خدت إخوانتي إللي أصغر مني وعزلنا بعد ما لقينا أمي  
مخبية في الكذبة مليون جذية!!! إنت متخيل؟!!!  
مليون جذية وإحنا كان بيعدي علينا أيام بذا من غير  
عشا!

مبقاش فارق معايا حاجة، المهم الفلوس، كله بحسابه  
هنفذ أي طلب بس كله بحسابه.

عدي الزمن وجوزت إخوانتي وسافروا الإثنين الخليج مع  
اجوازهم وأنا حياتي بقت شغل وپس.

نسيت أحكيك على حاجة صحيح في واحدة إسمها  
نبوية بيقلوا عليها شيخة من إللي بتعمل أعمال وحجاب  
وخلافه وقفطني في الشارع وقالتي:

نبوية: ما تيجي يابت يا جليلة نشغل سوا

جـلـيـلـة: ما إحـذا بـنـشـتـغل سـوا وـكـل إلـهـي بـعـمـلـه بـدـيـهـولـك  
نـبـويـة: لا المـرادي المـوضـوع مـخـتـلف، هـذـروـح تـرـبـة،  
المـيـتـة لـسـه فـيـها طـازة نـرمـي عـلـى الجـثـة مـيـة الغـسـل وـذـمـشـي  
جـلـيـلـة: ما تـعـمـلـي دـه وأـنا مـالـي يـا أـخـتـي؟

نـبـويـة: بـصـراـحـة أنا أول مـرة أـعـمـل المـوضـوع دـه وأـذا  
قـلـقـانـة وعلـى فـكـرة المـوضـوع فـيـه مـصـلـحـة حـلـوة  
جـلـيـلـة: إـزاي يـعـنـي هـنـذـل التـرـبـة؟

نـبـويـة: هـقـولـك.. بـعـد ما تـغـسـلـي المـيـتـة تـروـحـي مـعـاهـم  
المـقـابـر وتـخـتـرـعـي أي حـاجـة تـخـلـيـكـي تـنـزـلـي التـرـبـة مـعـاهـا  
ولا أقـولـك شـو فـي مـيـتـة مـدـفـونـة فـي مـقـابـر الصـدـقـة لا لـيـها أـم  
ولا إـبـن ولا أب يـسـألـوا عـلـيـها لا عـيـل ولا تـيـل.

جـلـيـلـة: دـه إـنـتـي شـيـطـانـة، أنا هـروـح أـغـسـل وـاحـدـة لـسـه  
مـتـبـلـغـة بـها فـي دار مـسـكـنـيـن ومـلـهـاش حـد وهـتـنـدـفـن فـي  
مـقـابـر الجـمـعـيـة الشـرـعـيـة، والتـرـب دـي لا لـيـها حـارس ولا  
لـيـها حـاذوـتـي، النـاس بـتـوع الجـمـعـيـة هـمّا إلـهـي بـيـدـفـنـوا تـطـوع  
وبـعـد كـدة كل وـاحـد بـيـروـح لـحـال سـبـيـلـه.

نادر: وبعدين عملتي إيه؟

جديدة: غسّلت الست وخذت مئة الغُسل خبيثها، وعلى  
بالليل كنت مقابلة ذبوية وطلعتنا على الثُرب لقيتها حاطة  
في العربية بداعتها كشافات وفاس لزوم الشغل.

فتحذنا التربة وحفرنا ونزلنا، ذبوية كانت بتترعش  
حرفياً وقعدت في الأرض تقول كلام مش مفهوم وأنا  
بعمل إلهي بتطلبه مني، كنت بدلق مئة الغُسل على جسم  
الميتة، وفتحت بوقها بصعوبة وصبيت فيه مئة الغُسل  
بردو، بوقها كان مكليش حجر

فجأة إتغير وش الست الميتة لو ش أُمي، بعدها إتبديل  
للسست إلهي كانت بتطاردي، بعدها إتبديل لو شني إذا  
شخصياً!

ما حسيتش بنفسني غير وأنا برمي كل حاجة و خارجة  
أجري من التربة ودخلت العربية وقفلت على نفسي  
وقعدت في الدواسة أترعش زي العيال الصغيرة، ذبوية  
جت ورايا تزعق فياً وتقولني:

ذبوية: الله يخربيتك هتخلي إلهي ميعرفش يعرف،  
خليكي متلقحة هنا مكانك وأنا هجيب الحاجة وأجي.

غابت شـنوية ورجعت وركبت العربية ومشينا، إنت عارف يا أستاذ نادر أنا ماخوفتش من الميثة أنا خوفت من إللي قالتة!

نادر: بس إنتي ماقولتيش إنها إتكلمت  
جليلة: ودي هتفرق؟ أهى إتكلمت وخلص  
نادر: قالت إيه؟

جليلة: إخوانك هيدفعوا تمن إللي بتعملليه! إخوانك هيدفعوا....

نادر: وحصلهم حاجة؟

جليلة (إنفجرت باكياً): ماتوا يا أستاذ نادر الإثنين ماتوا..ماتوا..

نادر(ضاحكاً): بس إنتي عايشة أهو

جليلة: بقولك ماتوا وأنا السبب هو إنت معذركش قلب؟  
بتضحك؟!

نادر: المهم كملى..كملى.

جليلة: ده إللي فوقني يا أستاذ نادر، موت إخواني فوقني وخلاني أجيلك وقيل ما أجيلك روحك أبلغ عن

نفسى لأنى ما أستاهلش أي رحمة أو شفقة وعاملوني إني  
عبيطة، أنا من يوم ما نزلت القبر ده قررت معملش كدة  
تاني، وأفضل في الغسل وبس، شغلي إللي إتعودت عليه،  
والحياة مشيت على كدة سنين لحد ما إخواني البنات  
رجعوا مصر وقرروا يستقروا هنا وكل واحدة فيهم رجعت  
بجوزها وعيالها أصلهم كانوا متجوزين إثنين إخوان خدوا  
بيت واحد وعاشوا فيه وحصلت مصيبة والبيت ولع بيهم  
كلهم وراح إخواني وإجوازهم وعيالهم ده حتى معرفتش  
أغسل حد فيهم، وكل إللي جه في بالي كلام الميتة إن  
إخوانك هيدفعوا الـتمن.

نبوية إتقبض عليها وكانت فاكرة إن أنا ورا إللي  
حصلها ده وبعثتلي مرسال قالي: هتتمني الموت يا جلييلة  
ومش هتطوليه، إللي عرفته بعد كدة إنها فتحت التُرب  
على إخواني وعيالهم وعملت نفس عمايلها السودا معاهم.  
حسيت إنها رسالة ليّ، رسالة جاتلي زمان لما أمي  
ماتت ومفهمتهاش فقررت إنني أفهمها المرة دي وأفوق  
وأتوب وأرجع عن الطريق ده للأبد وقولت إنت الوحيد إللي  
هتصدقني وهتشيل عن قلبي الهم وضميري يرتاح

نادر (سأخراً): كان حد قالك إن أنا معايا صكوك الغفران؟

جليلة: يعني إيه صكوك الغفران دي؟

نادر (متهمكماً): ماتاخدش في بالك أنا بس بسأل هو

إنتي لما تحكي لي ضميرك هيرتاح بتاع إيه؟

جليلة: إنت لسه مفهمتش أنا عايزة منك إيه؟

نادر: فهميني يا أم العُريف

جليلة: إفضحني، إنت سجلت بصوتي كل المصايب

إللي أنا عملتها وإذا كانت الشرطة ماصدقتنيش، بعد ما

إنت تنشر ده غصب عنهم هيلتفتوا ليّا، وبعدين إللي دلّني

عليك قال لي إنك واحد فُضّحي كده كده.

نادر: يعني إيه ياست إنتي؟

جليلة: يعني إنت ماشي بمبدأ يارايح كتر من الفضايح

وممكن تفضّح أي حد مقابل إنك تنجح أكثر، صح ولا أنا

غلطانة؟

نادر (مبتسماً): والله جميل إنك عرفتني ده، بس تعرفني

إنتي جيتي لي في الوقت الصح لو كنتي جيتي من مدة

بسيطة كان مستحيل أنشر أي حاجة بإسمك لكني دلوقتي  
أوعدك هتتفضحي فضيحة تليق بإسمي (نادر فودة).

(قفلت التسجيل وقولت لها كدة ضميرك إرتاح شوية؟)

جليلة: لما دنشر كل إلهي قولتلهولك

نادر: ما أنا قولتلك إلهي أوله شرط أخره نور هتشرلك  
كل ده يس الأول لازم أقف على غُسل وأنزل تربة وأشوفكوا  
بتهيبوا إيه عن قُرب

جليلة: حاضر

نادر: تعرفي إن أنا لما أعمل ده وأحكيه هوقف أي حد  
عن إلهي بتعملية ده ويبطل ده تماماً، يعني هتاخدي ثواب  
كمان

جليلة: هظبطلك يا أسدّان نادر مقابلة مع مكاوي  
المغسل وهتصل بيبك، إديني رقمك.

(كتبت لجليلة رقمي على ورقة وإديتها لها وقولت لها  
كلميني ياست الكل في أي وقت هرد عليك).

(جليلة مشيت وأنا لميت حاجتي ورجعت على البيت  
وأنا حاسس بإنقصار كبير بسبب الطريق الجديد إلهي

بدأته ومكمل فيه، طريق أنا مقرر هدوس فيه على رقبة  
 أي حد يقف قدامي، ضيعت عمري في اللف هذا وهناك  
 والبحث عن التميز الأدبي والسبق الصحفي وكلام الناس  
 العميقة ده وفي الآخر مفيش في جيبتي جنية، ورئيس  
 تحرير مايسواش ٣ ملين يوديني وواحد غيره يجيبني، أنا  
 فوقت وبصنع تاريخ جديد مضيئ وقوي للصحفي الأول  
 بلا منازع نادر فودة، جه وقت مجدك الشخصي يا نادر)



## الفصل التاسع

### (تربية مشايخ)

(معلش عزيزي القارئ التليفون بيـرن ولازم أرد،  
عارفين مين؟ جليـلة حتى من غير ما أفتح المكالمـة.)

نادر: ألو

جليـلة: أيوة يا أستاذ نادر أنا جليـلة

نادر: منورة

جليـلة: أنا كلمت مكايي المغسـل وقالـي إنه كمان ٣  
ساعات هيروح يغسـل ميت ويدفنه وهيوريك كل إلهي عاوز  
تشوفه

نادر: يرافو عليكـي، قوليلي العنوان بسرعة.

كتبت العنوان ورقم تليفونه ويادوب غيـرت هـدومي  
ونزلت وبعد أقل من ساعة كنت وصلت للعنوان.

بالمـناسبة أنا مخدتش الكتاب معايا لأن بالبلدي رايح  
أتعلم بس مش رايح أفرد عضلاتي أو أسـتعرض قدراتي  
على حد.

وإتصلت بالرقم.

نادر: عم مـكايي معايا؟ أنا نادر إلهي الست جليـلة

كلمتك عني

مكاوي: الله يقطعك يا جليلة ويقطع مجايبك، إنت  
فين يا سي الأستاذ إنت

نادر: تحت البيت إلهي في العذوان بالضبط

مكاوي: طب إتلقح عندك وأنا هنالك

نادر: ما تتأخرش بس

مكاوي: لا هتأخر مش عاجبك غور

فضلت واقف في الشارع ساعة إلا ربع ومفيش قدامي  
إختيار غير إني أستنى أستاذ زفت ده إنه ينزل لحد ما  
لقيت واحد نازل شكله ميت أصلاً، نحيف جداً لابس جلابية  
مكوية ١٠ مرات وفوقها عباية ودقذه بيضا قصيرة، عينه  
خضرا وبارزة لبرة، بيبص حواليه زي إلهي عامل عملة.

نادر: عم مكاوي؟

مكاوي: عمي الدبب، إسمي الأستاذ مكاوي

نادر: طيب يا أستاذ مكاوي أنا أسف

مكاوي(ضاحكاً): بضحك معاك، المنطقة نورت ياباشا

تعالى معايا.

مشيت وراه خرجنا من الحارة الصغيرة للشوارع برا  
ووقف قدام عربية لاند كروزر عمري ما أحلم أركب في  
شدطتها إللي ورا!

مكاوي: قول ما شاء الله عينك هتفشخ العربية يا أخي!

نادر: هتفشخ؟! الملافظ بسعد يا أستاذ مكاوي

مكاوي: ياسيدي ربنا يرزقك باللي أحسن منها

نادر: وهي دي في أحسن منها؟ دي بكام مليون بقى؟

مكاوي: ياكش تولعي ياجليلة، أنتي بعتالي صحفي  
ولا مأمور ضرايب، إركب يالاً وخلصني.

ركبت العربية وروحنا لمنطقة قريبة شعبية بردو وفي  
نفس محيط المقابر، نزلنا ودخلنا بيت قديم طلعنا الدور  
الأول فيه.

مكاوي (يتنحنح): ياساتر، ردت عليه ست كبيرة كانت  
قاعدة إتفضل ياعم مكاوي إتفضل ياخويا.

شاورت لنا الست على أوضة مقفولة، فتح مكاوي الباب  
ودخلنا، كان فيها جثة متغطية على سرير قديم، وعلى  
ترابيزة خشب جنب السرير ليفة وصابونة ومسك ومشط

وقطن وباقي عدة الشغل، قلع مكاوي العباية وأنا كمان  
قلعت الجاكيث وشمرت القميص علشان أتعلم.

مكاوي: هو إنت عمرك غسّلت قبل كدة.

نادر: حضرتك أنا غسّلت وإتغسّلت

مكاوي: طب غسّلت وفهمناها، إيه إتغسّلت دي كمان؟

نادر: ما تركز في إلهي بتعمله الله يرضى عنك وبطل

هرى

مكاوي: أبطل هري؟ طب يلاً شيل كل الحاجة إلهي

على الترابيزة وحطها على السرير وبعد كدة شيل عمك

سعداوي وحطه على الترابيزة.

نادر: سعداوي مين.

مكاوي: الميت، أمال إنت فاكر نفسك جاي أكاديمية

الفنون، إنت جاي تغسل ميت! شيل الجثة وإخلص.

عملت إلهي قال عليه ونقلت الجثة على الترابيزة، الباب

خبط، لقيت الست إلهي قابلاها برا جايبة جردلين واحد

فيه مية سخنة وواحد فيه مية ساقعة.

مكاوي: تحب تتوضى ولا ننجز ونشقغل بطريقتي؟

نادر (ساخراً): إنت هتحوّر هو إلهي زيك بيركعها أصلاً؟  
مكاوي: خد مفتاح العربية، هتدزل تفتح الشنطة  
هتلاقي چرکن لونه أزرق هاته بسرعة.

نزلت جبته الچرکن، وطلب مني أحطه تحت الترابيزة،  
مكاوي عمل إلهي بيتعمل في الغسل العادي، معملش  
حاجة مختلفة غير إن الميّة إلهي كانت بتدزل من الغسل  
كان بيذل منها كتير في الچرکن، بعد ما خلصنا خرج  
من جيبه كيس بلاستيك أسود حط فيه الصابونة والليفة  
والمشط، وبعدها رجع الكيس في جيبه تاني وخرج  
تليفون صغير من جيبه غير إلهي كان معاه واتصل بحد  
وقاله: أيوة يابني أنا خلصت يلاً إتحرکوا.

الناس شالوا الجثة وخطوها في الخشبة ونزلوها  
عربية نقل الميتين، وركبت الست إلهي قابلاها في نفس  
العربية وأنا ركبت مع مكاوي عربيته، وب نفس التليفون  
عمل مكاوي مكالمة ثانية:

مكاوي: أيوة يابني فتحت التربة وكله تمام؟ إحنا  
جايين في الطريق ومعانا الأمانة.

نادر: هو الراجل ده مالوش أهل؟

مكاوي: لأ، الست دي مراته ومقطوعين من شجرة، أديك  
شمايف مفيش حد جه معانا يدقنه، هو البني آدم كده يا  
نادر بيه بييجي غريب ويمشي غريب

نادر (ساخراً): الله عليك وعلى حكك

مكاوي: الله عليك وعلى أبوك.

وصلنا المقابر، الناس نزلوا الخشبة ونزلت مع مكاوي  
جوا التربة علشان ندفن الميت، كان في شابين في  
إنتظارنا غالباً هم إلهي فتحوا التربة قبل مانيجي، محدش  
نزل التربة مع مكاوي غيري.

فجأة قطع فتحة في الكفن وطلع من جيبه المشط  
والصابونة والليفة، مرمغ الصابونة في التراب وصابها  
وكسر أسنان المشط سن سن، ودفن كل سن في حثة  
مختلفة في الرمل، ومسك الليفة وقطعها أجزاء كثيرة  
وبدا يدفن كل جزء في حثة مختلفة من الكفن والجزء  
إلهي قطعه في الكفن طلع من جيبه ورقة متطبقة ودفنها  
جواه.

طول ماهو بيعمل ده أنا عمال بسأله فهمني بتعمل  
 ده ليه؟ وهو ما بيردش عليا لحد ما زهقت وسكت وبطلت  
 أسأل ولحد ماهو خلص وخرجنا من التربة، كانت عربية  
 نقل الميتين مشيت ومفيش غير الست إللي بتعيط على  
 جوزها والشابدين إللي قابلونا في الأول، مشينا كلنا وراه  
 لحد العربية بتاعته، شاورلنا إني أركب أنا والست، لمحته  
 بيدي الشابدين فلوس، رجع ركب العربية وطلع من التابلوه  
 كيس فيه رزم فلوس إداهم للست وقالها: خيركم علينا  
 ياسست ولما يقربوا يخلصوا كلميني وزى ما إتفقنا كل  
 طلباتك مُجابهة.

الست مدت إيدها وشدت الفلوس زي المجنونة  
 وما نطقتش وقامت موطية بايسة إيد مكاوي!

وصلناها لبيتها وبعد كدة روحنا عند بيت مكاوي  
 لقيته بيديني عشرين ألف جنية وبيقولي: ده حقك!

نادر: حقي! هو أنا عملت إيه؟

مكاوي: كل ما تساعد وإننت ساكت حقك بيكبر، تتكلم  
 حقك يقل، وبعدين إنت جاي من طرف واحدة خيرها على  
 الكل!



نادر: بس أنا محتاج أفهم أنا مش عايز فلوس

مكاوي: ماهو لو فهمت مشش هتكمل لأن إلهي عرفته  
عذك إنك تربية مشايخ

نادر (مبتسماً): لا ده كان زمان يامكاوي بيه، أنا هكمل  
تحت أي بند وتحت أي ظرف

مكاوي: هفهمك بطريقتي مش بطريقتك، خلاص؟  
نادر: يعني إيه؟

مكاوي: هبعثك شغلانة لوحذك وهسببتك ترجع  
وتقولي هتكمل ولا تربية المشايخ هتغلب؟  
نادر: موافق

مكاوي: بص ياسيدي، هتروح ثاني، مكان ما كُنا  
موجودين، هتفتح الدُّربة، هتجيب حته من صباع الميت  
وكل سنان المشط إلهي أنا دفذتها، تلمها وتجيّبها وتكلمني  
وإنت هذاك وهقولك هتعمل إيه ثاني.

(مكانش في إيدي غير إن أنا أوافق أنا محتاج أثبت  
لنفسي إن أنا إتغيرت وحوار تربية المشايخ ده كان زمان

وجبر

وبالفعل نزلت وروحت على نفس المكان.

الشيء الغريب إنني لقيت الثُربة مفتوحة زي ما يكون  
مكاوي بعث حد يفتحها قبل ما أوصل، فجأة سمعت  
صوت طفل بيهمس وبيقولي:

نهايتك قربت..

نهايتك قربت..

إلتفت بسرعة ورايا لقيت طفل صغير مايكملش ٦  
سنين واقف في الضلعة ومش باين من ملامحه حاجة.)

نادر: إنت مين يا حبيبي؟

الطفل: أنا مرسول جهنم وجاي أقولك لو نزلت مش  
هتطلع ثاني، هتتحبس جـوا لحد ما تموت، إحذا عارفين  
إنك بتدور على المجد، وبس العـمـلـة إـلـلي هتعملها دي  
هتخلص عليك، إهرب وشوفلك حاجة ثانية قبل ما ورا  
المقابر يخلص عليك، ولا أقولك تعالى ورايا.

إتحرك بمنتهى السرعة ولقيتني بتشد وراه بدون  
إرادتي كان بيجري بسرعة رهيبة زي الطيف، وأنا زيّ حد  
ما لقيت نفسي قدام حيطـة سد زي ماتكون سور لمبنى

قديم من القاهرة زمان، وعلى الأرض كان في شاهد قبر  
مكتوب عليه «قبر الصحفي نادر فودة».

أنا إتجمدت مكاني وفقدت النطق من المنظر وده  
معناه إن كلام الطفل ده صح، ده قبرك يا نادرا

طلعت تليفوني وكلمت مكايي..

مكايي: هاه سبع ولا تربية مشايخ؟

نادر: إنت ماقولتليش ليه إن في عفريت عيل صغير  
هيطلع لي؟

مكايي: عفريت مين؟ إنت هتخرف، إنت خرفت وبدأت  
تهلوس شكلك، كل ده من الخوف على فكرة.

نادر: لا أنا مابخافش وشوفت أكثر من كدة ٢٠ مرة وأكثر.  
مكايي (مقاطعاً): بعيدين عيل إيه إللي طلع لك ده، قالك  
عايز إيه؟

نادر: قالي إسمه مرسول جهنم

مكايي: وطلب منك إيه بسلامته؟

نادر: طلب مني أمشي وراه وإلا هموت، ده وراني شاهد  
التربة بتاعتي!

مكاوي (ضاحكاً): إنت خسرت وتربية المشايخ كسبت  
يامعلم.

نادر: يعني إيه؟

مكاوي: إلهي طلع لك ده مش مرسول جهنم ولا حاجة  
زي ما قالك

نادر: أمال إيه؟

مكاوي: ده ملاك حضرتك، الملايكة لسه شايفين جواك  
خير وعلشان كده بيساعدوك تبعد عن سكتنا وإلهي طبعاً  
مش على هواهم.

نادر: بقولك شوفت ثربتتي، إنت بهيم!

مكاوي: تحب أوريك ١٠ ثرب عليهم إسمك دلوقتي؟  
والله ماحد بهيم غيرك.

نادر: بس أنا مش نادر القديم أنا أتغيرت وإتعرفت على  
أسوء خلق الله والدليل إنني بكلمك دلوقتي

مكاوي (ضاحكاً): لا يا حبيبي إنت دلوقتي بترقص على  
السلم لا عارف تبقى زيناً ولا عاوز ترجع لتربية المشايخ  
نادر: أنا هرجع التربية دلوقتي وهعمل إلهي أدت طلبته  
مني كله وهتشوف.

مكاوي: آسف، فرصتك خالصة، لا هتتعرف توصل للثربة  
ولا هتتعرف تعمل أي حاجة ونصيحة ليك ماتتصلش بيًا  
تاني، شوفلك حد غيري يعلمك الشغلانة لأنني مش فاتحها  
حضانة، وبعدين ياسيدي يا بختك إن لسه في مذك أمل  
والملايكة عايزة ترجعك للطريق الصح، بابك لسه موارب  
بلاش تقفله خالص.

نادر: إنت إللي بتقول الطريق الصح؟

مكاوي: طبعاً الطريق الصح، هو إنت فاكر إننا مش  
عارفين إن إللي بنعمله ده كله غلط ونهايتنا هتبقى سودا،  
روح بيتك يا بني وإحمد ربنا إن باب توبتك لسه مفتوح،  
الحق أدخل منه قبل ما يتقفل وما يتفتحش تاني، ويمكن  
نصيحتي ليك تشفع لي عنده

نادر: عند مين؟!

مكاوي: عند ربنا، إنت نسيته ولا إيه؟!



# الفصل العاشر

## (بيوت مسكونة)

من بداية اليوم وأنا قلبي مقبوض مع إنني محقق نجاح متميز بأخر تحقيق نشرته عن قصة بسكنت وإتصرف لي بسببه مكافأة محترمة، ولسه كمان لما أنشر تحقيق «جليلة ومكاوي» بس بردو مش مرتاح إوعوا حد منكوا يقولسي ده ضميرك (على فكرة أنا بضحك دلوقتي) إالي عذري حاجة تعالوا نسـمـيها مثلاً قلـسـق العـظـماء، ما هو يا جماعة الوصول للنجاح صعب لكن الحفاظ عليه أصعب بكثير، بس بردو أنا مش مـظـبـوط، حاسس زي مايكون في حاجة هتحصل وده إنذار ليّا إنني أخذ بالي.

قطع حبل أفكاري كعادته السخيفة مدبولي وهو داخل بمشروب الصباح، إلهي يطفحه!

مدبولي: صباح الخير يا أستاذ نادر

نادر: إيه إلهي إنت جايبه ده؟ فين الشاي؟

مدبولي: الشاي مش هيطير، إشرب بس كوباية الكركدية دي علشان يروقي أعصابك وشوية ومعملك أحلى كوباية شاي.



نادر: هو للدرجادي باين عليا إني تعبان يامدبولي؟!

مدبولي: إنت إلهي بتعمل كل ده في نفسك

نادر: هالاه.. وإيه كمان؟

مدبولي: إخلص من الكتاب ده يابني، أو هاتك وهخلصك

منه

نادر: إنت حذيت ولا إيه؟!

مدبولي: أحن للأيام السودا؟ الله لا يعودها.

نادر: طبعاً، ما إنت شايفتي إحلويت وده بشهادتك  
والفلوس هتجري في إيدي أكثر، فطبيعي إن عقلك يقولك  
ترجع مدبولي بذاع التلات ورقات.

مدبولي: حدالله بيني وبين أي حاجة تغضب ربنا تماماً

نادر: ما تغضبهوش تماماً أغضبه نص نص، إنت عارف

يامدبولي إنت بتفكرني بمين؟

مدبولي: بمين يا أستاذ نادر؟

نادر: بالواحدة إلهي بتفضل تلبس الحجاب وتقلعه،

في المناسبات تقلعه وتلبسه في رمضان، وتلبسه في

التراويح، وتقلعه ليلة العيد وتبص في المراية بعد رمضان

ما يخلص وتقول الحجاب شكله مكبرني وترجع تلبسه  
في العمرة وبعدها تقبول دي طاعة أنا مش قادرة عليها،  
تقلعه وتطلب من إلهي حواليتها يدعولها، ترجع تلبسه  
وتقلعه وتقلع كل إلهي معاه.

مدبولي: ماهو يا أستاذ نادر يا مثقف ده إسمه جهاز  
النفيس إحنا مش دورنا إننا نحكم على البني آدمين  
والواحدة إلهي إنت بتتكلم عندها دي أكيد بتكون نفسياً  
حالتها صعبة جداً ومش الحل إننا نجالدها، وبعدين أنا  
مش فاهم ده إيه علاقته بيّا!!

نادر: علاقته بيك وثيقة جداً وهفكرك يامدبولي قريب  
جداً هترجع زي الأول وتمارس كل إلهي كنت بتعمله بس  
متغلف بصيغة دينية المرة دي ماهو الموضوع ده بردو  
بيكسب والزباين العُبط كتير كل مافي الموضوع تضبط  
الشغل كدة، وافتح التلفزيون وهتلاقي من الذوعية دي  
كتير

دقن، جلابية مكوية، عود سواك في جيب الجلابية إلهي  
فوق، سبحة، إزازة مسك تستحمي بيها وإنت خارج وشوية  
جُمل من ذوعية...

- اللهم بارك

- جزاك الله خيراً

- الله يعزك

- وتعوج لسانك في نُطق الأسامي:

يعني تقول فاطمة بدل فطمة وعائشة بدل عيشة

وعبدُالله بدل عبدالله

وتحجّب الفناذات وتدي دروس في الفيلال، وتعمل خط

الفتاوي، وكل شوية تتجوزك عيلة من دور عيالك.

مدبولي (مقاطعاً): أعوذ بالله إنت بقيت شيطان، إنت

وصلت لمرحلة صعوبة والناس إلكي إنت بتتريق عليهم دول

ناس بتحاول تجتهد علشان تمشي على الطريق الصح،

وعلى حد علمي إن إنت تتلمذت على إيد واحد منهم ومش

كلهم كده زي ما إنت مقتنع!

نادر: الله يرحمه بقى زمانه مات

مدبولي: الله يرحمنا جميعاً، بجد إنت صعبان عليّا

وأقولك على حاجة؟ الموضوع مش موضوع كتاب، إلكي

إنت فيه ده حاجة أكبر وأخطر بكثير ربنا يكفينّا يابني

ويكفيك شرور وتقلبات الدنيا، بعد إنذك هروح أكمل  
شغلي، صديح نسيتني يا أستاذ نادر في أنسة جت  
النهارة بدري وسأبت لحضرتك رقم تليفونها ويتقوك  
كلمها ضروري عندها ليك قصة هتعجبك جداً

نادر: ما قالتش حاجة ثاني؟

مدبولي: ولا حرف، رقمها في الورقة دي إتفضل أهو.  
(- أخذت الرقم من مدبولي وشربت الكركدية ومكانش  
عندي حاجة أعملها النهاردة فقولت أتصل بصاحبة الرقم  
يمكن نغفل السنة بتحقيق محترم أحط على الكل به.)  
وأهو تليفوني بيرن برقم أمي كنسلاتها، إتصلت ثاني  
رجعت كنسلاتها إتصلت ثالث ورابع وخامس بصيت  
للتليفون وقولتله مش وقتك ولا وقت لطفني لما أخلص  
التحقيق الجديد هبقى أروح أعزي في البلد، أنا مش فاهم  
هو أنا خلفته ونسيته!

- طلبت الرقم رد علياً صوت كان مكتوم، بعيد زي  
مايكون صاحبه عندها برد ومبحوح كدة.

صاحبة الرقم: أستاذ نادر صح؟

نادر: أيوة مع حضرتك أؤمريني

صاحبة الرقم: أذا فرح بكلمك من الفيوم عندنا مشكلة كبيرة وعرفنا مؤخراً بتحل أي مشكلة مش بس كصحفي نادر(بذبرة زهو): إيه ده هو واصلكوا ده في الفيوم كمان...ده شئ عظيم وحقيقي.

فرح: طبعاً يا أستاذ نادر

نادر: هي البحة إلهي في صوت حضرتك دي دور برد ولا صوتك حلو كدة على طول؟!

فرح: تقدر تقول الإثنين بس طالعاً عاجبك خليه مبحوح كدة أحسن على طول.

نادر(ضاحكاً): لأ ده أنا أجي النهاردة أشوف الحكاية دي بنفسي.

فرح: تمام، هبعث لحضرتك العنوان في رسالة

نادر: عذري سؤال هي المشكلة دي خاصة ولا عامة

فرح: مش فاهمة، يعني إيه؟

نادر: يعني مشكلة تخصك إنتي ولا حد من طرفك ولا

حد معرفة سطحية ولا حد من قرابك

فرح: هتفرق؟!

نادر: أه طبعاً هتفرق كثير علشان إحنا ما إتفقناش

فرح: ما إتفقناش على إيه؟ وعلى العموم هي مشكلة تخص القرية عذنا كلها، والكل اتبهدلوا بسببها!

نادر: تمام يبقى تجمعيلي من أهل القرية إللي عذك ١٠ آلاف جذية يكونوا جاهزين أخدهم قبل ما أعمل أي حاجة

فرح: هو حضرتك بتأخذ فلوس؟

نادر: بسم الله كدة هستفتح بيكي، وهتكوني أول حد أخذ منه فلوس، أصل بيني وبينك الشغلانة لمّت وإللي زبي لازم يكون مميز وياخذ حقه

فرح: طب ممكن تقلل المبلغ شوية؟ البلد عذنا أهلها غلابة أوي

نادر: على فكرة أنا هاخذ في أول تحقيق هعمله بعدك الضعف، شوقتي أنا كارمك إزاي يا فرّوحة!

فرح: حاضر، ينفع تيجي النهاردة؟

نادر: لو المبلغ هيكون جاهز هاجي

فرح: ماتقلقش كل حاجة هتكون جاهزة

نادر: كل حاجة يعني إيه، أي حاجة هطلبها؟!

فرح: هذستاك يا أستاذ نادر.

- إنتهت المكالمة بس الأهم من ده كله حكاية إنني أخذ فلوس دي عبقرية دي جاتلي وقتي وأنا بكلمها. ده الواحد ممكن يعمل ثروة من المغفلين، ربنا يخليلنا الجهلة ويبارك لنا في مدينة البهائم.

- مشيت من الشغل من غير حتى ما أستاذن روح الشقة جيت شنطتي إللي فيها شرايط الكاسيت وجهاز التسجيل والكشاف والورق والأقلام وطبعاً مانسيتش أحط الكتاب، ومن ميدان الرماية ركبت العربية إللي رايحة الفيوم، ورجعت ركبت مواصلة قاذية للقريبة نفسها على ما وصلت كانت الساعة ٨ بالليل إتصلت على فرح وعرفتني هتقابلني فين.

وصلت المكان إللي إتفقنا عليه لقيت واحدة واقفة لابسة نقاب وندهت عليا.

فرح: أستاذ نادر صح؟

نادر: لولا صوتك المبحوح مكدتش عرفتك، هتقعد فين  
في الحدة المقطوعة إلهي إحنا فيها دي؟

فرح: معلىش أنا أسفة إني جيتك هنا أصل أي حد لو  
شافني واقفة مع واحد غريب إنت عارف بقى كلام الناس  
نادر: بس مشش لدرجة إنك تجيبيني في حدة مقطوعة  
كرة!

فرح: والله هي ما كادتش مقطوعة غير بسبب إلهي  
محكيهولك، هو إلهي خلى الناس كلها تبعد عن هنا  
نادر: شوقتي.

- قعدت أنا وفرح على دكة خشب قديمة، وخليني  
أوصفلكم المكان بالضبط..

المكان عبارة عن أرض مهجورة شجرها ميت، الريحه  
كانت غريبة مش عارف أوصفها كل إلهي أقدر أقوله إنه  
مكان ميت غرقان في معظم الضلمة.

شاورت لي فرح على بير مبني بحجر قديم وقالتي:  
فرح: الحكاية كلها في البير دخ،



نادر: إنتي صوتك مش غريب عليًا لو البحة دي مش موجودة حاسس إن الصوت هيكون مميز جداً

فرح: أعتبر دي معاكسة ولا إطرأ؟!

نادر(مبتسماً بخبث): إللي تحبيه أذا موافق عليه

فرح(مقاطعة): بس غريبة إنت ما سألتنيش علي الفلوس

نادر(متلعثمًا): طبعاً.. طبعاً كنت هسأل، هي فين؟

فرح: إتفضل، بس أرجوك شوفلنا حل في المصيبة إللي إحنا فيها دي

نادر: للدرجة دي مصيبة؟!

فرح: لما الموضوع يكون متعلق ببُق الميَّة إللي بنشربه يبقى أكيد مصيبة

نادر: البير ده طلع منه عقاريت ولا حاجة؟

فرح: لا عقاريت إيه إنت فهمتني غلط، أذا هحكلك...

البير ده منعرفش مين إللي بناه، ناس بيقلوا قدماء المصريين وناس بيقلوا محمد علي باشا وناس بيقلوا حد من الأولياء وناس مصممة إن الجن إللي بناه.

كنا على طول بنشرب منه ونروي منه وعمره مانقص،  
بس إللي إتعودنا عليه من زمان إن في أيام ١٣، ١٤، ١٥  
ممنوع نقرب منه، ويوم ١٥ بالليل نجيب دبيحة ونحطها  
قدام البير ويوم ١٦ الفجر نيجي تلاقى الدبيحة مش  
موجودة ومفيش نقطة دم واحدة ولا حتى عضمة فتعرف  
إن الدبيحة إتقبلت وإذنا هنرجع ناخد من البير خير،  
وفضلنا على الحال ده سنين من أيام جدي وجد جدي لحد  
الشهر إللي فات، واحد من شباب البلد جه يزوره زميله من  
القاهرة قام حاكيه على الموضوع كله، نسيت أقولك إن في  
عهد في البلد هنا إن حكاية البير دي محدش يعرفها أبداً  
علشان كدة لو قلبت الدنيا مش هتلاقى معلومة واحدة عن  
البير ده، أدخل على الذئ وأكتب بير مسـحور في الفيوم  
أتحدك لو لقيت حاجة.

نادر: ياسستي ولا هدخل ولا هطلع، إحكي إنتي بس  
وهصدقك.

فرح: المهم ياسيدي الشاب إللي كان من القاهرة ده  
كان إسمه زياد وصاحبه إللي كان من البلد كان إسمه وزيد،  
فضل زياد يسمع من وليد كل حاجة عن البير وألح عليه

إنه يروح يشوف البين، فخذوه وراحوا في الأيام العادية إلهي  
مسموح لنا فيها بالزيارة لكن زياد قاله أنا عايز أروح  
في الأيام المحظورة، وليد رفض تماماً والموضوع إنطور  
بينهم لخناقة إنتهت بإن زياد زعل وسافر القاهرة.

كل ده والموضوع كان عادي ومحدثش كان عارف  
حاجة أصلاً، لحد يوم ١٢ بالليل الشهر إلهي فات، سمعنا  
كلنا في البلد صرخة جاية من ناحية البين، رجالة البلد  
إتجمعوا ومابقوش عارفين يعملوا إيه، الصرخة إتكررت  
تاني ومحدثش عنده الشجاعة يقترح إنه يروح حتى يشوف  
في إيه، إنت بتتكلم في عادة بقالها سزين ومحدثش يقدر  
يغيرها، وفي عز ما الرجالة واقفين بيفكروا الصويت  
إشتغل بس المرادي كان جاي من جوا البيوت، طلع الرجالة  
يجروا كل واحد على بيته، وكانت الصدمة، كل بيت من  
بيوت الرجالة إلهي خرجت وإلهي كانوا فوق العشرين بيت  
حصل فيه مصيبة.

يعني مثلاً.. أول بيت منهم الست إلهي فيه، باب البيت  
خبط فتحت لقت جوزها داخل، وهو بيمشي جوا البيت  
بتبص على رجليه لقتها مليانه شعر وصوابع رجليه

زي حوافر الحيوانات قالست صرخت من الهلع بتقول  
 إن جوزها إلتفت لها وفضل يطوّل..يطوّل..يطوّل لحد ما  
 راسه وصلت للسقف، ووقعت من طولها فاقدة الوعي من  
 المنظر.

- (البيت الثاني) ..

الأطفال إللي فيه سمعوا خبط على الشباك فتحو الشباك  
 لقوا رؤس متقطعة ومرصوصة على الشباك، الرؤس دي  
 كانت لأبوهـم وأمهـم، العيال فضلت تصوت وبيقولوا بعدها  
 إن الرؤس دي كانت حية وبتوصلهم بغضب.

- (البيت الثالث) ..

كانت عروسة جديدة، وجوزها خرج مع إللي خرجوا،  
 الباب خبط عليها لقت حمااتها بتقولها: جوزك هيبت  
 برا إنزلي علشان تباتي معايا تحت، نزلت وراها بس ما  
 دخلتش الشقة، بتقول إنها لقت حمااتها خرجت للشارع،  
 فنادت عليها علشان تشوفها رايحة فين، ماردتش عليها  
 إتلفتت لها بس وشاورتلها تمشي وراها، لسه هدتحرك  
 وراها سمعت صوت بينادي عليها بإسمها إتلفتت لقت

حماتها واقفة على باب الدار ويتزعقلها ويتقولها: إنتي  
رايحة فين متأخر وجوزك برا؟

البدت يا أستاذان نادر لسانها إتشل وإتلفقت تدور على  
إللي كاذت ماشية وراها فص ملح وداب!!

(البيت الرابع)..

الباب خبط فتحت الزوجة لقت واحد غريب بيقولها  
جوزك طب ساكت والرجالة شايلينه وجايبينه ورايا،  
فضي أوضة علشان يتغسل فيها، الست فضلت تصوت  
هي وعيالها على جوزها إللي المفروض إنه مات، ووقفت  
لوحدها على باب الدار تسألني وصول جثمان جوزها  
ومفيش حاجة جت، سمعت ضحك عالي من جوا دخلت  
تجري لقت جوزها ميت ومحطوط في الأرض عريان  
ولادها جايبين جرادل ميانسة دم وبيصبوا عليه، من  
الصدمة فقدت النطق وإبنها يصلها وقالها: أحنا أولى  
بغسل أبونا!

(البيت الخامس)..

الزوجة بتحكي إنها كانت بتقلب على السرير لقيت  
جوزها صاحي ومفتح عينيه وعيذه كانت كلها سودا

وفتح بوقه على الآخر وصرخ في وشها وقالها: نامي  
ياولية، نطت من على السرير طلعت تجري في الصلاة  
لقت الباب بيفتح وجوزها داخل من برا.  
(البيت السادس)..

كان بيت راجل عايش هو وأمه العجوزة لوحدهم وخرج  
مع إلهي خرجوا، لما رجع لقي أمه المُسنّة مش قاعدة في  
الصلاة مكان ما سابها وخصوصاً إن حركتها صعبة، نده  
عليها وسمع صوتها من جوا بتقوله: أذا جياك يابني، بص  
لقاها جاية بتمشي على إديها ورجليها ورأسها مقلوبة  
لفوق وجاية جري عليه ويتقوله (بصوت مخيف): البير  
المحظور إتنّس!.. إتنّس!.. إتنّس!!!  
(البيت السابع)..

ساكن فيه راجل أرمل وعایش لوحده، لما رجع مع إلهي  
رجعوا ودخل أوضته لقي مرآته إلهي ماتت قاعدة قدام  
التسريحة بتسرح شعرها وبصت له من خلال المرآة بصة  
هربت الدم من عروقه وبتقوله: وحشتني!  
الراجل ميقاش عارف يعمل إيه، رجع بضره علشان  
يخرج من الأوضة خبط في جسم إتلفت لقاها مرآته الميتة

وبتقوله: هو في حد يخاف من نصه الثاني؟ وحششتني  
يا حبيبتي!

ومدت أيديها وحضنته، بيحكي ويقول إنه حس بروحه  
بتسحب منه وكل إلهي فاكره إنها قالته:

الغريب دنس البير المحظور

الغريب دنس البير المحظور

الغريب دنس البير المحظور

(البيت الثامن) ..

بيت من البيوت إلهي كل أهل البلد بيحبوا يسألوا عن  
أهله لأنه لزوج وزوجة مات إبنهم الوحيد وهو عنده ٦  
سنين في خادثة، بيحكي صاحب البيت وبيقول روحت  
لقيت مراتي نائمة فإتطمنت إن الصوت مكانش جاي  
من بيتي وقولت أخرج علشان أتطمئن على باقي أهل البلد،  
وأول ما وصلت عند باب البيت سمعت صوت بيذاذي عليًا  
أنا عارفه كويس، صوت إبنني كريم الله يرحمه، إتجمدت في  
مكاني كان كل ما يقول بابا كان جسمي يتنفض، لحد ما  
لقيته جاي يمشي بالراحة في الطرقة وكان ماشي بيتطوح  
وفي إيداه سكة كبيرة من المطبخ غرقانة دم وبيقولي:

أنا وصلت ماما للسمما وجاي علشان أوصلك إنت كمان، لما  
بصيت في عذيه كانت كلها لونها أبيض مُخيفة، وسمعت  
صوت حشـرجة جاي من أوضتي أنا ومراتي، وقعت من  
طولي.

وفوقت ملقيتش أي حاجة من الكلام ده حصل ولا إبني  
رجع ولا مراتي إتديحت ولا أي حاجة.

(البيت التاسع) ..

بيحكي صاحبه إنه لما سمع الصوت جري هو والرجالة،  
وكل واحد راح يجري على بيته، بيقول لما وصلت لقيت  
الباب متوارب، أول لما دخلت الباب إتبرزع ورايا والذار  
مسكت في كل حدة في البيت، نار كتيرة وكبيرة لدرجة إن  
أنا مكانش عندي فرصة ألحق أطفئ أي حاجة، كل حاجة  
ولعت مع بعضها الستائر والكراسي والكتب بالعفش كله،  
ومن وسط الذار سمعت صوت ولادي بيصرخوا.

من غير ما أفكر دخلت جوا الذار وحصل حاجة غريبة  
أنا ما حسيتش بأي حرارة بالعكس أنا حسيت بتلج  
وساقعة رهيبة مابقيتش فاهم إزاي النار دي كلها حواليا  
وطالع منها تلج كدة، يمكن إلهي يسمع يقول دي أرحم من



النار لكن لا السقعة طبقت على صدري، وجمدت أطرافي،  
ووقعت على الأرض، وأخر حاجة فأكرها إنني شئفت في  
الأرض عيالي وأمهم كانوا ييزحفوا ناحيتي وأول ما وصلوا  
عندي قالوا: الغريب دنس البير، وبعدها غبت عن الوعي،  
وأخر حاجة شئفتها كانوا ييقطعوا صوابهم بأسنانهم  
وبياكلوها ووشوشهم بقت عبارة عن كُتل دم بس.

(البیت العاشر) ..

صاحبه لما رجع لقي مراته وعياله واقفين برا  
وبيعطوا، ولما سألهم في إيه، قالوله: إنت بعد ما خرجت،  
سمعنا صوت خبط ورزع جاي من الحمام روحنا فتحنا  
الباب نبص في إيه لقينا الحمام مليات تعابين فوق بعض  
وبمجرد ما فتحنا الباب زحفوا بسرعة جداً كأنهم ييجروا  
ورائنا، وكنا كل أما نروح نستخبى في أوضة نلاقيها  
مليانة تعابين، فبين وبين على ما قدرنا نوصل لباب البيت  
وخرجنا نجري برا.

بس بعد ما كانوا محاطين أوكرة باب البيت ومحدث  
يقدر يمد إيداه يفتح، فبين وبين لما سابوها وعرفنا نخرج.

لما الراجل يا أسـقـاذ نادر دخل البيت ملقـاش التعابين  
 لكنه لقي مـذات من الجلود إلـلي التعابين بتخلعها من  
 جسمها في وقت تغيير الجلد، من بشاعة المنظر خـد ولاده  
 ومـراته وراح بسـات ليلتها عـذـه الجيران، طبعاً منظر صعب  
 جداً.

(البـيت الحادي عشر) ..

صاحبه بيـقـول دخلت البيت كان عادي جداً مفـيهـوش  
 حاجة غريبة وبـذتي ومـراتي كانوا كويسـيين فسألـتهم  
 سمعـتوا الصوت؟

قالوا: سمعوه وخافوا يخرجوا يشوفوا في إيه لأنه كان  
 رهيب.

وعـدي الوقت وبالليل قام صاحب البيت على صوت  
 دق ثابت ومـنتظم خـرج لقي مـراته بتدق لحمـة في الهون  
 النحاس بتاع زمان دهـعلشان تعمل كفتة فسألها ليه الدق  
 ده بالليل يا ولية؟ فكان ردها علشان اللحمـة تبقي طازة،  
 سمع صوت خروشة في المطبخ دخل لقي بنته بتمسح  
 أرضية المطبخ بردو إستغـرب من التوقيت!

بذته كانت عندها سرحانة وشاردة تماماً وخلصت إلهي  
بتعمله وخرجت في هدوء، طلع هو كمان قعد معاهم  
شوية لحد ما مراته خلصت بس لاحظ إن طول ما مراته  
بتدق اللحمه في صوت ققط مزعج جداً جاي من برا  
البيت، فقالها هفتح أمشيهم، فجأة عندها إتقلبت وقالتله:  
الغريب دئس البير، والبير بلعه!!!

شوية ودخلت مراته وبذته يناموا وصوت الققط زاد  
أوي وبقى لا يطاق، فتح صاحب البيت الباب علشان يهش  
الققط ويمشيهم إتفاجئ إن إلهي واقفين قدام باب بيته  
أكثر من عشر ققط وإلهي ما إستنوش، دول دخلوا بسرعة  
من بين رجليه جري على المطبخ، دخل وراهم لقاهم  
بيشدوا كيس من الزبالة عاوزين يخرجوه، كان قاهم إنهم  
جعانين، فشال الكيس يشوف لو فيه أكل يرميه للققط  
برا، الكيس إتقطع ووقع منه ٣ رؤس ققط وجلد مسلوخ!!!  
الراجل إتصدم ورماه في الأرض، الققط شالوا الرؤس  
والجلد بسنانهم وطلعوا يجرؤا به برا، وإتبقى بعضهم  
واقفين ينونوا ببشاعة قدام باب التلاجة، فهم المطلوب

وفتح باب الفريزر لقي مراته عاملة ٣ أكياس لحم مفروم من القطط! مفيش إحتمال ثاني.

شـالهم وذلهم على الأرض، القطط خدتهم وخرجت بهم في هدوء وبطلوا يعملوا أي صوت! وإختفوا.

بعدها بيقول إنه فضل صاحبي طول الليل مش بس من الخوف من إللي مراته وبذته عملوه لأ علشان هم كمان طول الليل كانوا بيزوموا وبيذونوا وبيطلعوا أصوات مُخيفة أكثر من صوت القطط نفسها!

-ثاني يوم مراته وبذته لما صحبوا مكانوش فاكرين أي حاجة مسن إللي حصل! ولا كأن الليلة إللي فاتت كان فيها مجزرة حرفياً في البيت!

وإفتكر صاحبنا إن الموضوع إنتهى، لكن كان كل ليلة بعد ما مراته وبذته أول ما يتاموا يرجعوا يعملوا نفس الصوت المُخيف من جديد!

لحد ما قرر يسحب البيت خالص ومشي من البلد كلها!

## (أما البيت رقم ١٢)

كان عايش فيه شاب ومعاه أبوه كبير في السن وبيعاني  
من الزهايمر، أول ما الشاب رَوَّح البيت قلب الدنيا على  
والده ملقاهوش فاترعب لا يكون خرج!!

لكنه إكتشف أن أبوه مستخبي ورا كرسي الصالون،  
تعجب الشاب وسند أبوه وقعده على الكرسي وسأله ليه  
مستخبي يا بابا؟

الأب: البعبع يابني

الشاب: بعبع إيه ياوالدي؟!

الأب: البعبع كان هنا وكان عاوز ياكلني يابني.

الشاب: ياوالدي بيته يالك مش أنا قولتك قبل كده إنت  
بيته يالك حاجات كتير

الأب: والله يابني البعبع كان هنا

الشاب: طب شكله إيه؟

الأب: كان عفريت كبير وله قرون كبيرة وعينه تخوف.

الشاب: إشمعنى فاكردى، ما إنت بتدسى كل حاجة!

الأب: لأأنا فأكبر وحتى قالى: الغريب دنس البير ودفع  
التمن والبلد كلها هتدفع التمن!

بيقول الشاب يا أستاذ نادر إنه أخذ والده ذيّمه وهو  
مصمم إن كان فى بيع فى البيت.

وبمجرد ما الشاب نام..صحى على حر شديد فتح،  
عينيه وقام يفتح الشباك علشان يدخل نسمة هوا، مجرد  
ما الشباك إتفتح لقي مسح واقف فى وشه، مبدئياً الشباك  
ده فى الدور التانى ومفيش حاجة يقدر يقف عليها

ثانياً بقى: إنه شاف نفس الشئ بنفس المواصفات إالى  
أبوه قاله عليها، ده كمان عاد له نفس الجملة إالى قالها  
لأبوه:

الغريب دنس البير ودفع التمن والبلد كلها هتدفع  
التمن!

طلع الشاب يجري على والده صحاه وقاله يا والدى  
كلامك صح، أنا شوفت البعيع أنا كمان وقالى نفس الكلام  
إلى قاله ولك.

الأب: بعيسع إيه يا حبيبي؟ إنت شـكـكـك كذت بتحلم  
بكابوس وحش، أنا هقوم أصحسي والدتك تعملك كوباية  
شاي بلبن وتجهزلك هدومك علشان ما تتأخرش على  
المدرسة.

الشاب: مدرسة! يا والدي أنا عندي ٣٥ سنة! وأمي ماتت  
من زمان!

الأب: ماتت؟! الله يرحمها.. طيب نام شووية علشان ما  
تتأخرش على معاد السحور!!

الشاب: حاضر يا والدي هنام، بس خليني أنام هنا  
جنبك علشان أذا خايف

الأب: طبعاً يا حبيبي وهصحيك نصلي العيد سوا ما  
تقلقش هاخذك معايا إنت وأمك لما ترجع من العمرة.

(البيت الثالث عشر) ..

صاحبه كان الشيخ علام إمام الجامع ويقول إنه رَوَّح  
لـقـى مراته وعياله نايمين والبيت هادي وساكت، فاقطمن  
وأكل لُقمة وقعد في الصلاة يتفرج على التلفزيون وعينه  
غفلت وهو مشغل التلفزيون، صـحـي على صوت مخيف  
بيقوله:

إصحى يا شيخ علّام، الغريب دنّس البير

إصحى يا شيخ علّام، الغريب دنّس البير

بيقول فتّحت عنيا على الصوت وبصيت حواليا ملاقيتش  
حاجة وقال ده أكيد كابوس، قام يطفّي التلفزيون علشان  
يدخل يكمل نوم في الأوضة شاف حاجة غريبة لاحظ إن  
الفيلم إللي شغال في التلفزيون فيه حاجة غريبة المكان  
إللي في الشاشة ده المنطقة بتاعة البير بتاع البلد، الشيخ  
قام قعد مكانه! وقال: إيه ده!!

الصورة كانت بتعرض البير والجو كان المغربية وظهر  
شاب من ضهره ماشي ناحية البير وعمال يبص حواليه  
يمين وشمال كأذه حرامي.

بيقول الشيخ علّام إنه شاف وشه لكنه معرفوش،  
وقضل الشاب ده ماشي ناحية البير وأول ما وصله وطى  
يبص عليه من جوا، وطلّع تليفونه علشان يتصور والبير  
ورا منه (صورة سيلفي).



وهو بيتصور وشه إترعب وجسمه إتنفض كأذه شاف  
في الموبايل بتاعه حاجة مش ظاهرة في إللي بيتعرض  
في التلفزيون.

الشاب إتجمد مكانه ورمى التليفون بعيد ناحية الزرع،  
وقام طلع على طرف البير بهدوء، وقام ناطط جوا البير  
والصورة إتشوشت ورجعت للقناة إللي كان الشيخ علام  
مشغلها!

الراجل بعدها يكام يوم راح عذر البير قلب الدنيا لحد ما  
لقي الموبايل فتحه، وشاف الصورة إللي الشاب صورها،  
كانت صعبة أوي.

الشاب متصور ووراه وحش أسود عيذه جمرتين من  
ذان وكان في المكان إللي شافه بيترمي فيه وواقف ورا  
الشاب وطاير في الهواء!

من بعدها الشيخ علام قال لأهل البلد إن الشاب كدة نال  
عقابه وإنه هيشوف طريقة يخلي البير يسامحنا ونرجع  
زي ما كنا، ومن يومها وهو بيحاول، لحد ما الست العجوزة  
جدة الراجل صاحب البيت رقم ١٤ حكّت حاجة غريبة أوي.

بتقول إن البير ده له حكاية قديمة والكل نسيها أو تناساها! ومحدث فاكرا أصلها وبدايتها.

نادر: حكاية إيه؟!

بتقول إن البير زمان كانوا بيرموا فيه الشباب والبنات الملبوسين ويخرجوا مده والمس إلهي عليهم مختفي نهائي، وكان ده بيحصل بس في أيام ١٣ ، ١٤ ، ١٥ وإن أي حد كان عليه جن بمجرد ما ينزلوه في البير يخرج منه سليم متعافي وكانوا بيرموا الملبوسين في التلات أيام دول بس وكان إسمهم أيام النور... كلامهم متناقض ما تفهمش بيروحوا في الأيام دي ولا ما بيروحوش يا أستاذ نادر

تقدر تقول 3 أيام للعلاج وباقي الشهر للشرب والموضوع مكتمين عليه والبلد حالها هادي، ومحدث عنده المعلومات دي.

لحد ما في مرة نزل ١٣ شباب ومرجعوش ثاني والبلد إتقلبت والكل إعتبر إن البير غدر بيهم، وخان العهد القديم مع أهل البلد!

والناس والأهالي مُخها إتلحس وبقت بتعامل البير إنه  
بني آدم وتروح ترمي فيه زباله، والأغرب إن البير نفسه  
إستجاب ولفظ الشباب برا لكنهم كانوا كلهم ميّتين، الدنيا  
قامت ومقعدتش والناس حلقوا إنهم يهدوا البير ويردموه،  
مجرد ما فكروا في الفكرة دي الخراب حلّ على البير  
والبيوت إتملت خوف ورعب وحزن بدون سبب!

لحد ما خرج في يوم شاب كان صاحب واحد من إلهي  
ماتوا في البير، وقال إن صاحبه في مرة قبل ما ينزل هو  
وصحابه قاله أنا هنزل وهاخد واحدة غريبة عن البلد معايا  
تحت! فضل يقنعه إن ده حرام ومش عارفين البير ممكن  
إنتقامه يكون إيه!! إرجع عن إلهي في دماغك!

لكذه صمم ونزل فعلاً وخرج من غيرها وقاله وهو  
غاضب البير خطفها مني! أنا هنتقم منه شر إنتقام! أنا  
محدث ياخد مني حاجة تخصني.

وقاله إنه هيجمع شباب وهينزلوا يدوروا عليها  
وهيدنسوا مية البير بمية قاري عليها ساحر طلاس...

حاول يُثنيـه عن الفكرة بس رفض وطلب منه ما يحكىش  
لحد أي حاجة لحد ما يرجع هو والشباب من البير، ونزلوا  
في نفس أيام النور وبعدها حصل إلهي حصل!

أهل البلد لما عرفوا إلهي حصل راحوا لحد من المشايخ  
الكبار طلب منهم خُلوـة أسبوع ويرجعوا له قالهم:

خلاص البير غضب إنسـوا تماماً إنكم تـنزلوا أي حد إلا  
لو وصل لمرحلة صعبة من الشر والأذى ومحدث عارف  
يسيطر عليه ووقتها يا إما البير هيعالجه أو هيقضي  
عليه ومش هتشوفوه أو هيلفظه ربما حي وغالباً ميت،  
ووارد البير يقضب لو حد راح من باب الفضول.

غير كدة الثلاث أيام بتوع النور دول لازم محدش يقرب  
من البير تماماً إلا لو هتعملوا حكاية إنكم فاقدين الأمل في  
حد خلاص.

- الثلاث أيام إتـحولـوا من أيام النور للأيام المحظورة  
والكل بقى بعيد عن البير فيهم تماماً!!!

وده معناه إن الشباب إلهي راح من باب الفضول تسبب  
في غضبه جديدة للبير نشر بسببها الفرع في البلد كلها

في بيوت العشـرين راجل إـلـي خرجوا يشوفوا أيـه سبب  
الصرخات في الليلة دي!

ومن وقتها يا أستاذ نادر والبيوت زي ما قولتك في كرب  
شديد، والبير نشف وأعلن غضبه من جديد، وأنا واثقة فيك  
إنك هتعرف تحل المشكلة دي وتقولنا الحل إيه!!

(البيت الخامس عشر) ..

نادر (مقاطعاً): خلاص كفاية إـلـي سمعته أنا عاوز  
أقابل إـلـي راح البير مش قولتي تقريباً اسمه زياد؟  
فرح: للأسف إختفى

نادر: أmaal عرفتوا إزاي إنه راح؟

فرح: هو راح وإعترف وحكى إـلـي حصل وبعدها  
إختفى تماماً وبعدين طلع هو إـلـي الشيخ علام شافه في  
التلفزيون.

نادر: أنا برىو مش فاهم فين المشكلة هي الفاس دي  
بعد إـلـي حصل في بيوتها ده جـرالـها حاجة ثاني؟ ولا  
الموضوع خلاص عند كدة؟

فرح: ما شافوش يوم عدل من وقتها مع إنهم ملهمش  
 ذنب ومعملوش حاجة، بس مجرد ما يبعدوا عن بيوتهم  
 الدنيا بتهدى والمعاذاة بتقل كثير.  
 نادر: خلاص محلولة يسـيبوا البيوت، فين المشكلة  
 بقي؟

فرح: المشكلة إن البير جف تماماً  
 نادر: خلاص إشربوا من أي حاجة تانية  
 فرح: هو إيه إالي نشرب من حاجة تانية هو إنت طالب  
 10 آلاف جنية علشان تقول إشربوا من حاجة تانية!!  
 نادر: لا حضرتك إنتي قاهمة غلط أنا مش شغال في  
 وزارة الري!

فرح: أمال قارفني وقارف الناس كلها إذك حلأل العقد  
 ليه؟ لما إنت مجرد صحفي ما تبقاش تتفرد ثاني على  
 الناس وتتذك على الخلق.

نادر (متهمكماً): أوعدك المرة إالي جاية وأنا جاي هجيب  
 العصا السحرية وأقف قدام البير وأقوله «أبرا كدابرا» وأقوله  
 رجّع الميّة يا بير يا وحش من ثاني وإلا هزعلك  
 فرح: ما تطلع الكتاب وتشوف حل فيه

نادر: كتاب!! إنتي عرفتني مدين إن أنا معايا كتاب.

فرح(بإرتباك): ماهو.. ماهو.. ماهو أكيد بيدبقى معاك كتاب زي شمس المعارف وكدة بتستعينوا به ما كلكم شبه بعض.

نادر: بقولك إيه أنا من الأول مش مرتاحلك وشاكك فيكي، إنتي مين إلهي زقك عليا؟

فرح: أنا لازم أمشي دلوقتي علشان إتأخرت، بعد إذنك وهكلمك ثاني.

نادر(ماسكاً بذراعها): لا مفيش مشي، تروحي فين؟ هو دخول الحمام زي الخروج منه يا حلوة؟!

~ وبحركة مُباغثة شدّ نادر النقاب من على وش فرح وصرخ بإنزعاج شديد!

إنتي!!!

إنتي!!!

نادر: إيه ده!! إنتي إيه إلهي جابك هنا؟!

فرح: جاية علشان أفوّك وألحقك زي ما لحقتك كثير قبل كدة، هي يعني أول مرة!

نادر: أنا مش فاهم حاجة يعني كل الموضوع ده كله  
إشتغالة؟!

فرح: معرفش، أنا جاية في مهمة محددة وواضح إني  
فشلت فيها يا نادر.

نادر: إنطقي يا مروة إيه إلهي جابك هذا، وعرفتي  
موضوع الكتاب مدين بدل ما أكلم خالتي صفية وأطربق  
الذنيا على دماغك، إنطقي يا مروة!!

مروة: لا متتعيش نفسك وتكلمها أو تكلم أي حد مش  
مستاهلة.

نادر: يعني إيه؟

مروة: بص حواليك كويس يا نادر وإنت تفهم.



# الفصل الحادي عشر

(العصاة والبئر)

- بصيت حواليا لقيت خالتي صفية خارجة من وسط الغاب قولت لها: إنتي بتهبيي إيه هنا! إنتي كمان؟

ومن الناحية الثانية ظهرت أُمي وزاد تعجبي أكثر! ومن ناحية ثالثة ظهر الحاج مختار وإنضم للمشهد ووراه عُلّا واقفة بتبصلي بتحدي قولت لهم: إيه إلهي جابكوا هذا، إنتي إلهي جبتيهم يا مروة؟ ولا إنتي يا عُلّا هانم؟!

ومن خلف مروة ظهر كرسي متحرك قاعد عليه الشيخ لطفي وشكله تعبّان جداً، مكانتش دي صدمتي، صدمتي الحقيقية كانت في إلهي بتزق الكرسي بصعوبة، عارفين مين؟

أمّنية أختي إلهي لو هلة حسيت إنها أُمي من شعرها الأبيض وتجاعيد وشبها ولولا إني لسه شايف أُمي كنت مستحيل أصدق إن دي أختي أمّنية وسمعت صوت من ورايا بيقول: عرفت مين الروح الثالثة يا نادر؟

لسه برديو مش فارق معاك؟!

لسه مش فارق معاك إن أختك كبرت وعجزت لدرجة إنك مش عارف تفرّق بينها وبين أمك؟

دلوقتي عُلا وأمزية وأذا، إنت السبب في إللي حصلنا  
إحذا القلاية.

نادر: أسكتي يا هالة.. بقولك أسكتي.. اخرسي

نادر(صارخاً): إنتوا عاوزين مني إيه؟ أنا مليس ذنب في  
إللي حصلك يا أمزية، ولا إذتي يا ست عُلا، إنتي بتبصي  
كدة ليه يا أمي؟

إيه يا حاج مختار دلوقتي بقيت أخرس ما بتنطقش؟!  
إيه يا شيخ لطفي لسه فيك نفس؟ تكودش فاكروني  
ملبوس ولا حاجة وجاي ثقرا عليًا وتعمل الشويدين  
بتوعك؟

الشيخ لطفي: ياريتني كذت أقدر مكذتش إتاخرت،  
أنا جيتلك أكثر من مرة في رؤيا ليك، وبقيت أذاي عليك  
بصوتي وأحذرك وأقولك إرجع لكن إنت إللي في دماغك  
مصمم تعمله، أنا جيت علشان أقولك فوق يا نادر إرجع  
نادر إللي أنا ربيته وعلمته يابني.

اللهم يا حنان يا منان يا واسع الغفران...

جري نادر على الشيخ لطقي وخبط الكرسي إلهي قاعد عليه وقعه به وبعده عنه.

زعق الحاج مختار وجري قعده على الكرسي ورجع نادر وقف وسطهم كلهم وعنيه بتلف عليهم واحد واحد زي المجنون.

ويقول: عملتوا إلهي إنتوا عاوزينه، ومفيش حاجة هتدغير، أنا مش عاوز أعرفكوا تاني في حياتي، مش عاوز أقابل حد فيكم ولو صدفة، من النهاردة أنا يتيم الأب والأم ومليش إخوات مليش معارف مليش قرايب، وبحذركم أي حد ويكررها أي حد هيحاول يتواصل معايا هيندم ندم عمره يا عصاية.

وفي وسط المواجهة إلهي كانت بيذني وبينهم سمعت صوت بعيد مش مألوف أوي بالنسبة لي طالع من وسط الغاب في الضلمة يقول:

- يا من جرت بيننا وبينكم العهود

- أقسمت عليكم بربي وربكم الواحد المعبود

- أن تحضروا إلينا من الأرض السفلية ومن باطن  
الأخدود

- لتلبوا النداء وتطيعوا أمرنا بكرمكم المعهود

- إنه عبداً ضلّ وأبى التقويم

- كُنّا نعهدُ صالحاً لربه خالص التسليم

- سيطر عليه شياطين الإنس يتسليط من الشيطان

الرجيم

- فلتحضروا الآن ولتكونوا دعماً لنا أيها الأعوان

- أيقظوه ولما حدث له انظروه

- وعن الغمة السوداء اكشفوه

- وعم مسار الشيطان أزيحوه

- إحضر يا حباب أو من ينوب عنك

- إحضر يا عزازيل أو من ينوب عنك

- إحضر يا زوبعة أو من ينوب عنك

- إحضر يا مقلاص أو من ينوب عنك

- إحضر يا دهار أو من ينوب عنك

- إحضري يابنت شمهورش أو من يذوب عنكي
- إحضري يابنت زحالف أو من يذوب عنكي
- إحضري يابنت الأحمر أو من يذوب عنكي.

فضل صوت الشخص المجهول يتردد وأنا مش شايفه، ولكني شايف في ركن بعيد الدليل العجوز وهو يبص يمنتني الغضب وبيقولي: إهرب دلوقتي قبل ما يقتلوك. رجع الصوت يكرر الطلاسـم لكنه كان بيعلى ويشدد قوة، وفي نفس الوقت بدأت أحس بضعف غريب والدنيا بدأت تضلم في وشي، ودوخة شديدة بتهم عليا، مديت إيدي بسرعة جوا الشنطة علشان أطلع الكتاب لقيت أمزية بتكلم بصوت مجهود تعبان وبيقولي: بتدور على ده يا نادر؟

جريت زي المجنون عليها علشان أخذ الكتاب منها هجم عليا عم مختار وظهر مدبولي إلهي معرفش جه إمتي هو كمان وكثفني معاه وشالوني الإثنين، ولقيتهم رايعين بيّا على البير وسمعت الراحل العجوز بيقولي: هيرموك

دلوقتي في البير يا مسكين حتى أقرب الناس ليك قررروا  
يموتوك.

فضلت أقاوم بشراسة لكنهم كانوا أشد وأقوى مني  
الإتذنين مع بعض، وبعزم ما فيهم وصلوا الإتذنين بيًا للبير  
وبظرة سريعة مني شوقت الآتي:

أمي بتصرخ وبتقول: سيديا إبنني  
أمنية وقعت على الأرض ومذهارة من العياط  
مروة وخالتي صديقة حاضنين بعض وبيعيطوا هم  
الإتذنين وبيصرخوا

الشيخ لطفي رافع صباعه وبيبيكي وبيقول: إنا لله وإنا  
إليه راجعون.. إنا لله....

عُلا واقفة مُتبلدة المشاعر مقدرش أقول فرحانة ولا  
زعلانة ولا فاهمها.

والراجل العجوز مديني ضهره وماشي بعيد سايب  
المكان.

وشخص في وسط الغاب واقف لسه بيكرر الطلاسـم  
 ظاهر جسمه لكن وشه مش باين من الضلمة.  
 وإترميت في البير وسامع صدى صوت أمي وهي  
 بتصرخ وبتقول: إبنــــــــــــــــــــــــــــــــــــــــي.



# الفصل الثاني عشر

(الآثم)

مقدرش أقول إن أنا فقدت الوعي أول ما وقعت في  
البيت، بس أنا إلهي متأكد منه إنني غبت عن الوعي بمجرد  
ما سابوني أقع.

عايزين تعرفوا حاجة كمان؟ أنا بدأت أشوف رؤية  
غريبة جداً بمجرد سقوطي في الهواء، رؤيا فسرت وشرحت  
كل حاجة كانت غامضة عليّا وهتوضحلكم كل إلهي حصل  
من الألف للياء.

كنت بتفرج على كل حاجة كأني بشوف أحداث فيلم أنا  
البطل فيه وفي نفس الوقت أنا المتفرج الوحيد عليه.

شوفتني في مكتبي وشوفت مديولي برا المكتب بيحاول  
يلزق جواب مفتوح علشان مايبانش إنه فتحه، وخبط على  
باب المكتب ودخل حطلي كوباية عصير البرتقال وبدأ  
وصلة رغيه المعدادة وإلهي إنتهت بإنه سلمني الجواب،  
فتحت الجواب بشخصية نادر إلهي بشوفها وبشخصيتي  
أنا قدرت أقرأ إلهي مكتوب في الجواب كان جواب مختلف  
تماماً عن أي جواب جالي قبل كدة، كان مكتوب فيه جملة

واحدة بس(أنا مُعلق بين الحياة والموت أرجوك أنقذني عن طريق الإسقاط النجمي).

شـوفت نادر عمال يقوم ويقعد في المكتب وهيـتجنن من الحيرة، إتبدل المشهد ولقيت نادر في البيت في أوضة نومه قاعد على كرسي في حالة إسترخاء تام لا منه نايم ولا منه صاحي، فضل الوضع ده مدة طويلة مش عارف قد إيه لحد ما فجأة بدأ نادر يتنفض كأذه بيتكهرب، وركزوا معايا كويس في إلهي هقولـهولكم دلوقتي..

أبطال المشهد (أنا متفرج وراوي، نادر بطل المشهد).

ظهر بطل ثالث، البطل ده هو طيف خرج من جسم نادر وبدأ يحوم في الأوضة، يعني يا جماعة إحنا بقينا 3 نادر

(واحد على كرسي سسطيحة نايم تماماً والثاني طيفه إلهي بيتجول في الأوضة والثالث أنا المتفرج).

نادر الطيف كان بيطير في الأوضة ومسنتمتع بحالة الحرية إلهي بقى فيها، حاولت أكلمـه لكنني أيقنت إنني مجرد مُشاهد للفيلم إلهي قدامي والمتفرج عمره ما بيكلم

بطل الفيلم والفيلم شغال، فإكتفيت إنني أكمل مشاهد  
وخصوصاً إن باب الأوضة إتفتح ودخلت هالة!

شافها طيف نادر وهي كمان شافته وبدؤا يتكلموا مع  
بعض..

نادر: إنتي شايفاني؟

هالة: ما أنا إللي خليتك تبقى كدة علشان أعرف أتواصل  
معاك أسهل

نادر: يعني إيه؟

هالة: أنا صاحبة الجواب يا نادر

نادر: معقول!! ولية بعتالي جواب ما إنتي لما بتحبي  
تشوفيني بتعرفني توصلني لي

هالة: للأسف، مبقاش ينفع زي الأول وبعدين خلني بالك  
أنا قدامي مدة بسيطة ولازم أمشي فمش عايزين نضيع  
وقتنا في كلام فاضي ملوش لازمة، أنا جياالك علشان أقولك  
إن في فرصة أرجع ثاني للدنيا بنى أدمة من لحم ودم.

نادر: بجد إزاي؟! قولي لي.

هالة: الموضوع كله في إيدك إنت

نادر: قوليلي أي حاجة أقدر أعملها ومش هتأخر يا هالة.

هالة: أي حاجة يا نادر؟

نادر: هالة أنا بحبك وبرغم إن علاقتنا دي غريبة ومش عارف نهايتها هتكون إيه، لكني مكمل وإنتي جاية دلوقتي تقوليلي إن ينفع ترجعي للدينا، وأنا بقولك أؤمريني وأنا هننقد

هالة: كل المطلوب منك يا نادر إنك فعلاً تنفذ لكن بشرط

نادر: موافق من غير ما أعرف

هالة: الشرط إنك ماتفكرش ولا تجادل في أي حاجة هطلبها منك أو هتشوقها

نادر: حاضر

هالة: هتلاقي وراك على الأرض إبريق أقلع هدومك كلها وصُنب على نفسك من السائل الموجود في الإبريق ده.

نَفَذَ طَيفُ نَادِرِ الطَّلَبِ الْأَوَّلِ وَصَبَ عَلَى جِسْمِهِ الْعَارِي  
 مِنَ الْإِبْرِيْقِ سَائِلَ أُسُودَ أَشْبِهِ بِالزَّيْتِ، كَانَ كُلُّ مَا يَصْبُ عَلَى  
 نَفْسِهِ كَانَ جِسْمُ نَادِرِ النَّائِمِ يَصَابُ بِتَشْنِجَاتٍ عَنِيْفَةٍ وَلَمَّا  
 يَوْقِفُ صَبَ السَّائِلُ يَطْلُعُ دُخَانٌ مِنْ جِسْمِ نَادِرِ النَّائِمِ كَأَنَّهُ  
 يَبْتَهِقُ، فَضَلَّ طَيفُ نَادِرٍ يَكْرُرُ نَفْسَ الْأَمْرِ لِحَدِّ مَا السَّائِلُ  
 خَلَصَ، بِصَ لِهَالَةٍ إِلَيَّ إِبْتَسَمَتْ بِبِرَاءَةٍ وَقَالَتْ لَهُ:

هَالَةٌ: إِتَّبِعِ الدَّلِيلَ يَا نَادِرَ

إِتَّبِعِ الدَّلِيلَ وَإِقْبَلِ التَّغْيِيرَ

نَادِرَ: يَعْنِي إِلَيْهِ؟

هَالَةٌ: هُنْتُ قَابِلُ تَانِي يَا نَادِرَ قَرِيبَ، أَنَا هَمْشِي بِسَ مَا  
 تَنْسَاشُ تَتَّبِعِ الدَّلِيلَ وَتَقْبَلِ التَّغْيِيرَ

إِخْتَفَتْ هَالَةٌ وَهَمَّ طَيفُ نَادِرٍ بِالْعُودَةِ لِجِسْمِ نَادِرِ النَّائِمِ  
 لَكِنْ إِسْتَوْقَفَهُ مَشْهُدٌ لَفَتْ نَظْرِي أَنَا كَمَا نَ كَمَا شَاهِدٌ، شَوْفَتْ  
 حَاجَةً بِتَحْفَرِ جَسَا الْحَيْطَةِ وَعَاوِزَةٌ تَخْصُرُجُ، وَلَمَّا رَكِزَتْ  
 شَوْفَتْ ضَوَافِرَ صَغِيرَةٍ، قَلْبِي إِتَّقَبِضَ جَدًّا وَأَنَا بِتَخْدِيلِ شَكْلِ  
 الْوَحْشِ أَوْ الْجَنِّ إِلَيَّ هِيْخْرَجُ مِنَ الْحَيْطَةِ.

كذت أنا وطيف نادر في حالة تجمد الثواني بتعدي  
علينا ساعات في إنتظار خروج الوحش من الحديقة لحد  
ما خرج.

بدون طريقة الوحش لم يكن سوى فان أيوة زي ما  
يقولكم كدة فار أسود داكن جداً، وإبتسمت من سخافة  
الموقف وتابعت الفار بعينيا إللي قُرب من طيف نادر  
وإستغربت إنه شايفه، حاول طيف نادر إنه يداعب الفار  
بشكل طفولي لكن لاحظت إن الفار عمال يتحرك لمكان  
ويرجع لطيف نادر ثاني أكتر من خمس مرات وكأنه  
يقوله تعالى ورايا، الرسالة وصلت لطيف نادر وبالفعل  
خرج ورا الفار من باب أوضته وأنا وراهم.

برا أوضة نادر مكادش البيت، كان منطقة نائية مُقفرة  
جداً بيتوسطها بير، هو نفس البير إللي إترميت فيه.

طبعاً طيف نادر كان بيتعرف على البير لأول مرة يعني  
مشافوش قبل كدة زي ما أنا شوفته، يعني أقدر أقول إن  
إللي بشوفه دلوقتي ده عبارة عن فلاش باك لحاجة حصلت  
قبل ما أعرف أي حاجة عن البير ده، بس الغريب إنها لو

فلاش باك إزاي أنا مش فاكـر حاجة من الكلام ده، توهتوا مني صح؟

تعالوا معايا واحدة واحدة كـدة، البير أنا أعرفه، لكن الطيف مايعرفوش فده دليل إنه لسه مجاش البير وإللي حصل ده حاجة قديمة بس في نفس الوقت الحاجة القديمة دي أنا مش فاكـرها خالص.

على العموم أصبروا وكل حاجة هتوضح أكثر.

الفار جري بسرعة ونط في البير، طبعا طيف نادر بدون تفكير جري وراه علشان يلحقه ووطى يبص في البير لقي في وشه ربح شديدة خارجة من البير وقعته على ضهرة في الأرض، ومن البير خرج كيان أسود مخيف غير متناسق بيصدر صوت مرعب خارج من البير وشايل جسد نادر إللي إحنا سايبينه نايم على الكرسي في الأوضة. إنحنى الكيان المخيف ووضع جسد نادر النائم على الأرض، ولقيته ركع، مكانش بيركع لنابر ده كان بيركع لحد واقف الناحية الثانية من البير دقت نظري في الضلـمة علشان أعرف هو بيركع لمين فكانت الصدمة الكبرى



كساب!!!!

آخر شخص كنت أتوقع إنني أشوفه، أصابني حالة من  
اللبطة الشديدة، أما طيف نادر فلو قولتلكوا إنه جاله  
إنه يار عصبي مش هكون ببالغ، كان بيجري زي المجنون  
هنا وهناك يطلع فوق الأرض ينزل يدبب زي الأطفال  
ويصرخ..إذت..إذت..إذت!!!

إبتسامة كساب كانت كفيلة إنها تدب الرعب في طيف  
نادر وفيًا أنا كمان كمشاهد وفي الجثة المرمية في الأرض  
لو صحيت.

شكيت لو هلة أن كساب شافني لكني بعدها أتأكدت أنه  
كان بيبص لطيف نادر وهو واقف جنبي.  
أطلق كساب ضحكات زلزلت المكان حرقياً.

قد إيه برغم إنه في الآخر بشر إلا إنه له سطوة مُرعبة  
ويطش هائل!

طيف نادر: أنا مش فاهم حاجة إذت بتهيب إيه هنا؟  
كساب(سناخراً): أصبر عليًا يا صديقي العزيز لما  
أخترق وتحترق

طيف نادر: تخترق إيه ومين إلهي يحترق؟!

- بنظرة وبإشارة من كساب إنطلق الكيان الأسود المرعب على جسد نادر النائم وتحول هذا الكيان المخيف إلى غبار أسود فضل يتكمش لحد ما رجع لصورة الفار من جديد.

هجم الفار على وش نادر النائم وبإيديه الصغيرة فتح بوق نادر ودخل جواه.

رجعت الرعشة من جديد لجسد نادر وصاحبها المرة دي نوبة ترجيع لسائل أسود بيخرج من بوق نادر(نفس السائل إلهي طيف نادر صبه على نفسه).

كان طيف نادر واقف بيرتجف من المنظر وأنا كنت بتمنى أفوق من الكابوس ده وعمال أسأل إيه دخل كساب بجواب هالة؟!

أنا هتجنن إيه العلاقة بينهم؟ ماهو لو إلهي في بالي صبح وكساب سخر هالة وخلاها طعم يجيبني به يبقى

الموت عندي أهون مليون مرة من إنني أكتشف تواطؤها  
مع عدوي اللدود.

قطع كسّاب دوامة تفكيري وهو يقول لطيف زادر:  
كسّاب: فضيقتك ممكن بقى ذتكلم تحب نبدأ منين؟  
أقولك أنا محكيك وهرّحك.

أنا المرادي يا زادر جايك مخصوص علشان أطبع عنك  
أقذر ذكريات في ذهن كل حبايبك، أمك، أختك، مختار  
الأهبل، لطفي الموميا، حرمانا المصون مروة، وأي حد ثاني  
كان شايف فيك لا مؤاخذه قدوة هخليه يلعن اليوم إلهي  
شافك خلقتك فيه، وماتسألنيش إزاي إنت هتشوف كل ده  
بعذك هتفوق هتلاقى أزل نسخة منك في طريقة تعاملك  
معاهم، لا وإيه إنت هتكون مقتنع تماماً إنك كدة صح وإن  
كل إلهي حواليك شوية حوّش وحشرات علاجهم الدهس  
حتى حوارنا مع بعض ده مش هتفتكر منه ولا حرف.

طيف زادر(مصدوماً): مستحيل أبقى كدة!!

كسّاب(ضاحكاً): لأ هتبقى كدة ونص، إنت هتصحى يا صديقي تلاقي نفسك نسخة بالكربون مني وأوعدك أنني هكون معاك لحظة بلحظة بس في صورة راجل عجوز طيّب من الناس الهيلة إلهي بتاكل عقلهم بحواديت قبل النوم بتاعتك وهيكون إسمه الدليل.

إكتفيت ولا تاخذ ثاني؟ بص ياسيدي إلهي ظهرك دي مش هالة بتاعتك، بس أوعدك حبيبة القلب هتظهر بجد وهخليك تخسرها زي ما هتخسر كل دايرة معارفك المتخلفة، وسواء إفتكرت حوارنا ده أو ما إفتكرتوش أحب أقولك أنا علّمت عليك وبالقوي، وأسطورة إن الخير لازم يندصر على الشر إلهي بتضحكوا على الفقرا بيها أنا دمرتهالك، ولو عذرك الشـجاعة بعد ماتفتكر كل حاجة إطلع وإحكي للناس.

ونزل كتب وإكسب منها وقول للناس نادر إبن المعلم فودة إتهزم يا رجالة.

- ثم انفجر كسّاب ضاحكاً ضحكات جنونية هستيرية.

طيف نادر: عمرها ما كانت دي النهاية دي حيا لله جولة  
ماكملتش وإنت نهيتها بدري علشان عارف إن النهاية  
دايماً مش هي صدالحك

كسّاب (بعضدية): طب كفاية شعارات بقي وبطل وش  
وسويبتي علشان أطفحك طعم الهزيمة دلوقتي بمزاج.  
- توجه كسّاب نحو جسد نادر الذائم وقام بجرح كف  
يده وعصرها بالقرب من فم نادر المُستلقي على الأرض،  
رجعت التشنجات من جديد لنادر، والمرادي طيف نادر  
كمان فضل يتهز ويترعش ويختفي ويعود للظهور بصفة  
متكررة.

كسّاب:

- توحدت أرواحنا
- توحدت دمائنا
- سيطر دمي الفاسد على دمك الماسخ
- بإسم الوقاد الأب الذي خشعت له قبائل الجن
- بإسم أبي الذي رضح لسطوته أهل الأرض

- بدعم خُدّامي المخلصين

- وبدعم الجن المقربين

- أقسم على هذا الجسد وهذا العقل أن يُصبح مكروهاً  
ويُمسي منبوذاً

- إنه بحق راسخ وأبانوخ وعزازيل وملك الأباطيل، إنكم  
تعلمون أن ذلك الملعون قد أذاني في نفسي وفي أبي  
فأجيبوا دعوتي وحققوا مُذيتي.

- توحدت أرواحنا

- توحدت دماءنا

- سيطر دمي الفاسد على دمك الماسخ

- بإسم الوقاد الأب الذي خشعت له قبائل الجن

- بإسم أبي الذي رضخ لسطوته أهل الأرض

- بدعم خُدّامي المخلصين

- وبدعم الجن المقربين

- أقسم على هذا الجسد وهذا العقل أن يُصبح مكروهاً  
ويُمسي منبوذاً

- إنه بحق راسخ وأبانوخ وعزازيل وملك الأباطيل، إنكم تعلمون أن ذلك الملعون قد أذاني في نفسي وفي أبي فأجيبوا دعوتي وحققوا مُنيّتي.

فضل كساب يقوم قد الكلام ده عشر مرات ويعصر دمه أكثر في فم نادر

بدأت الصورة تتشوش وضباب يملئ المشهد وآخر حاجة شـوفتها طيف نادر وهو بيتوحد مع جسده الذائم، أما أنا كمُشاهد فحسيت إن الصورة بتختفي تدريجياً من قدامي والدنيا بتضلم.





## الفصل الثالث عشر

### (توبة مُتَأَخِّرَة)

صداع شديد وألم رهيب في كل حدة في جسمي، فتحت  
عنيا بصعوبة لقيتني في قاع البير جسمي مديان كدمات،  
وأدركت وقتها إن نادر المتفرج إختفى وطيف نادر إختفى  
هو كمان، وإن إللي باقي هو أنا نادر فودة الصحفي  
بجريدة عمق الحدث باب ما وراء الطبيعة، الصحفي  
البائس المهزوم المذكّس الرأس.

كنت عاوز أصرخ لكني مش قادر، نفسي أزعل وأقول  
إلحقوني صوتي مش طالع، شوفت من فوق من عند قوة  
البير حوالي خمس أشخاص مش قادر أتبين ملامحهم  
بيبصوا عليا وحبل متعلق وواحد بيذل عليه وبيقولهم  
يا رب يكون لسه عايش الإرتفاع يا جماعة عالي أوي، هو  
إزاي وقع في البير كدة ولا حد زقه ولا إيه؟

دي آخر حاجة فاكرها لأنني فقدت الوعي ثاني بس  
المرادي كان نفسي ما أصحاش ثاني وأموت لأنني مش  
عارف هواجه الناس إللي أذيتهم إزاي بعد ما أفوق.

يارب.. يارب.. كلمة بقالني كتير ما قولتهاش، واضح  
إنني إنتهكت كل المحرمات في فترة سيطرة كساب عليا،  
يارب إجعلها دي نهايتي علشان إللي زيي ما يستاهلش في

الحياة فرصة تاذية..أنا ما أستاهلش أي شفقة أو تعاطف  
من أي حد..أنا عاوز أموت..عاوز أموت.

صوت أجهزة الرعاية المركزة بيتسلل لوداني من بعيد  
وحرب دايرة بيدي وبين عدو مجهول، أنا بعافر علشان  
أفتح عنيا وأفوق وعدوي بيمنسح ده بكل قوته وبيقولي  
استلم يا نادر

إنتصرت في الحرب دي وقدرت أفتح عنيا لقيتني على  
السريير في غرفة العناية المركزة في مستشفى، وواقف  
قدام السريير أمي الباكية، أمزية، الحاج مختار، علا ومعاهم  
مروة وخالتي صفية.

بمجرد ما فتحت عنيا بدأوا يتسرسبوا واحد ورا التاني  
وكلهم بيقولوا لأمي: حمد لله على سلامته يا حاجة، أمي  
دموعها مفارقتش خدّها.

نادر(متحدثاً بصعوبة): مكنتش أنا صدقيني يا أمي..  
صدقيني..أنا معملتش أي حاجة من ده يا ماما..أبوس إيدك  
بلاش سكوتك ده.

- إلترمت أمي الصمت وإكتفت ببكائها

نادر: إنتوا نفسكوا كلكوا كنتم بتقولولي إنت مش نادر،  
صح.

يعني إنتوا كنتوا واثقين إن إلسي بتعاملوا معاه ده  
واحد تاني غيري، طلع كلامكوا صح أنا كان متسيطر عليّا  
من شيطان بيني وبينه تار قديم مابيسقطش بالتقادم  
وكنت نأسيه ومش فاكّر أي حاجة عده.

والدة نادر: ويفيد بإيه ده يابني؟!

إرتاح دلوقتي ولما تصحى ربك يعدّلها ويكون الشيخ  
لطفني فاق من الغيبوبة إلسي إنت سببتها! ربنا يسامحنا  
كلنا.

نادر: ماتسـيبـينـيش يا أمي أنا مش باقي ليّا في الدنيا  
غيرك، حتّى أختي أنا قضيت على حياتها، وأديكي بتقولولي  
الشيخ لطفني كمان، بالله عليكـي خليكـي جذبي، أمي  
ماتبـصلـيش كده، حرام عليكوا.

(- إنهار نادر وفضل يصرخ: بلاش كلكم تسيبوني هو  
عاوز كدة، ماتبقوش إنتوا وهو عليّا، لو عاوزني أنتحر  
قولولي...)

- دخل الدكتور بسرعة وأنا في حالة الهياج دي وحقن  
المحلول إيلي متعلق بمادة مكثتش محتاج وقت علشان  
أعرف إنها مخدر لأنني توهمت وغبت عن الوعي في لحظات...  
رجعت البير ولمحتها من بعيد، لمحتها قاعدة لبسها  
متقطع وجسمها مليان جروح، حاولت أقرب منها علشان  
أقولها سامحيني يا هالة، وبلاش تسبيني إنتي كمان، كنت  
كل أما أقرب منها كانت بتبعد وتبصلي بمنتهى الحزن  
وما بتكلمش وكأنها بتنفذ وعدها الأخير ليا إن ده لقائنا  
الأخير... هالة... أنا... اسمعيني... أنا... هالة... هالة...

(أول حاجة عملتها لما فوقت تاني طلبت إني أشوف  
مروة، جاتلي المستشفى..)

نادر: أنا عندي سؤال واحد

مروة: إتفضل يا نادر، المهم تكون نادر إيلي أعرفه

نادر: إنتي جبتي مزين كل الحكاية بتاعة البير؟ تخريف  
صحيح؟

مروة: ماشي ياسيدي مقبولة منك علشان تعبان، أنا لا  
ألقت ولا خرفت ولا غيره

نادر: أُمال إيه!

مروة: قصة البير دي حقيقية بالكامل

نادر: وروحتي تشوفها علشان تخليني أنزل البير،  
على العموم هو فعلاً له دور في إني فوقت من إلهي كان  
مستحوذ عليًا وإلهي طلع (جوز حضرتك المختفي) بس  
يردو مش فاهم عرفتها إزاي؟!

فتحت مروة شسظتها وطلعت جواب لنادر وقالتله:  
إتفضل ده جواب بالحكاية كلها كان المفروض إنه جايلك  
علشان تروح تحقق فيه وكله عن قصة البير بالكامل!  
نادر: ووقع في إيدك إزاي؟!

مروة: مش هتزعق؟

نادر: لأ أنا تعبان أصلاً وبتكلم بالعافية يا مروة.

مروة: عم مدبولي الساعي إلهي عندك بيفتح الجوابات  
إلهي بتجيلك على طول وبيقراها من باب الفضول، هو  
بيقول إنه تاب من كل حاجة إلا إنه يقرأ الجوابات إلهي  
بتجيلك... مش عارف يبطل دي.

ولما أُمذية أخذك جمعت كل الناس إلي بي تعاملوا معاك  
هو طلع الجواب ده وحكى لنا على كل حاجة فيه وهو إلي  
إقترح السيناريو يمشي إزاي من أول إنني أعمل نفسي  
فرح صاحبة الجواب لحد ما نقنعك تنزل البير بالذوق أو  
نشيك ونرميك في البير بالعافية!

، أُمذية جمعت الكل علشان تلحقك يا نادر

نادر: الله..الله ده إنتوا عصابة بقي!!!!

مروة(ضاحكة): بس عصابة حلوة كان كل هدفها  
تلحقك من الطريق الأسود إلي إنت دخلته، طب تصدق  
بالله يا نادر؟

نادر: لا إله إلا الله

مروة: أنا قولتلهم إن كسّاب ورا كل إلي كنت فيه  
وكلهم قالوا لا كسّاب أذاه مباشر عن كدة، قولتلهم طبعاً  
لا كسّاب عمره ما هيضر نادر ضرر مباشر أبداً، كسّاب  
ونادر عاملين زي القط والفان محدش فيهم هيفرح بموت  
التاني، لكنهم بيستمتعوا إنهم يعلموا على بعض، وكلامي  
طلع صح.

نادر: إيه الحكمة دي كلها يامروة؟!

مروة: مش حكمة ولا حاجة أنا عشت معاه وعاشرتة  
وحافظاه وحافظاك إنت كمان يانادر.

وعلى فكرة إلهي أكدي إن كسّاب ورا إلهي حصل إنهم  
بيقولوا إن كل ما سيرته كانت تيجي قدامك تقول إنك  
متعرفش حد بالإسم ده!

وده معناه إنه كان بيلعب ماتش معاك بس ماتش كان  
سخن من أول دقيقة، كان نفسي النتيجة تكون لصالحك،  
بس معلى الدنيا غالب ومغلوب مرة فايز ومرة خسران،  
والمرادي إذا كنت إنت خسرت ف الجايات كتير تلعب  
وترجع نادر إلهي تعرفه وتكسب وتردهاله يا نادر.

نادر: ومين قالك يامروة إنني خسرت؟ بالعكس أنا  
كسبت كتير أوي..

مروة: إزاي

نادر: أنا فوقت من الغرور إلهي كان بدأ يسيطر عليّا  
أنا عرفت غلاوتكم عندي وإنني من غيركم ولا حاجة،  
ومهما كبرت ما أكبرش عليكم.



أنا عرفت أن في حرفياً ناس ممكن تضحي بنفسها  
عشانني

أنا عرفت إن النجاح جميل بس مش لدرجة أنه ينسيني  
أنا مين ومستأول عن مين وعرفت إن طريق ربنا هو الطريق  
الوحيد الصح.

وكفاية إنني عرفت قيمتي عنديكم كلكم.

سامحينني للمرة المليون يا مروة، أنا عمري ما هنسي  
الضرر إللي أنا سببتهولك لما خدتك معايا بيت الملعون  
الوقاد واحد دلوقتي بسبب لك كل المشاكل دي!

مروة (ضاحكة): إنت لسه فاك، خلاص بقى أنا بقيت  
حرم الملعون الإبن على سن ورمح، وفي حكم المطلقة  
عادي، ركز بس في صحتك وقرب من أممية يا نادر أي نعم  
صحتها رجعتها ورجعت صغيرة، بس نفسياً الشرخ إللي  
إنت إتسببت فيه محدش يعالجه غيرك

نادر: عندي حق يا مروة.

مروة: وعُلا دي غلبانة لو مش ناوي تتجوزها سيبها  
ماتعلقهاش بيك، دي بنت حساسة جداً وواضح إنك  
بهذلتها جامد معاك!

نادر: أنا عمري مافكرت فيها غير كزميلة، القرف إالي  
حصلي هو إالي خلاني أتلاعب بمشاعرها، أنا مش طايق  
نفسي بجد!

مروة: هي ملهاش ذنب، صارحها بده يا نادر  
وأخيراً هالة... إحنا كلنا خلاص عرفنا حكايتها من  
الشيخ لطفي دي الوحيدة إالي مش عارفة أقولك إيه عنها،  
بس من الواضح إنها إتجرحت جرح كبير أوي وإنك برديو  
السبب فيه يا نادر بكل أسف

نادر: ماهي علاقة غريبة هي شـبـح وأنا بشر وأنا فعلاً  
دبحتها بسكينة تلمة

مروة: إنك إرتضيت بالعلاقة دي من الأول يا نادر  
ماتجيش دلوقتي تقولي إنها علاقة غلط وغريبة.

نادر (مُبتسماً): وكأن أنا أول مرة، أشوفك يامروة أنا  
فرحان بالتغيير إالي حصلك ده، وختيتني فخور إن ليّا

بذت خالة وأخت بالعقل والحكمة دي وكلامها كله صح  
وأقدر أرجعها زي ما يرجع لأمنية بالضبط في كل  
مشاكلي.

مروة: إحنا بذكبر يا نادر وكل يوم بيصر علينا بنتعلم  
فيه خبرات جديدة وبندضج وبنتغير، أنا هسيبك ترتاح  
علشان أروح أطمئن على ماما، بصراحة أهل البلد هنا  
كرمهم مفيش منه وفاق الوصف، دول فاتحين لنا بيوتهم  
من وقت ما جينا ولا الفنادق...

نادر: أه والله كتر ألف خيرهم إحنا طوّلنا عليهم وإحنا  
عددنا كتير بردو.

مروة: ولازم تردلهم يا نادر الجميل!

نادر: أكيد طبعاً، هاتي الجواب، وأول حاجة هعملها إن  
شاء الله أول ما أخف إنني أفك اللغز وأساعدهم بكل طريقة  
أقدر عليها....

خرجت مروة وسابتنني محمل بتأنيب ضمير أكثر  
وحزن أعمق، هتسألوني الناس فين؟ هقولكم:

- عُلا إستقالات من الجورنال وإختفت تماماً وبعثتلي رسالة نصها:

إنها مش عايزة تشوفني في حياتها صدفة أو حتى بالغلط، وحسبي الله ونعم الوكيل.

- الشيخ لطفي في غيبوبة تامة، بي فصلني عنه سريرين في غرفة العناية المركزة.

- عم مختار سافر من نص ساعة البلد من غير حتى ما يودعني، بس أكيد هيرجع على الأقل علشان يتطمئن على الشيخ لطفي.

- أمي وأمنية موجودين بيدخلوا يتطمنوا عليا، كل شوية ولا زالت أمنية صامدة تماماً برغم إنها رجعت لشكلها الطبيعي هي وعُلا.

- عم مدبولي إختفى وإختفى معاه الكتاب! السؤال إللي إنتوا بتفكروا فيه أنا بردو بفكر فيه، هل خد الكتاب علشان يخلص منه ولا رجعت ريما لعادتها القديمة؟

وهيرجع مدبولي بتاع زمان.

أذا حاسس إن كلها يومين ثلاثة أو حتى أسبوع وهرجع  
مكتبي وألاقيه في خلقتي بيقولي جملته الشهيرة «  
ما تكتب عني بقى هاهاهاهاه» على إعتبار إنني مش كاتب  
عنه يجي أربع خمس مرات لحد دلوقتي.

-أما عن عدوي اللدود كساب فأذا لحد دلوقتي مش فاكـر  
غير وإللي حكيته لكم إللي معزديش أي دليل ملموس إنه  
أصلاً حصل يعني ممكن أكون واهم ودورت على شـماعة  
أعلق عليها كل ذنوبي الأخيرة.

مش هدخل في الدوامة دي علشان مش ناقص دوامات!



## الفصل الرابع عشر

### (أوراق أخيرة)

الثلاثاء صباح اليوم التالي، الغرفة ١١ بالمستشفى العام بالفيوم

نادر جالساً على سريريه وأمامه أوراق وأقلام وشريط كاسيت وجهاز تسجيل صغير ويقوم بالتسجيل على أول شريط مكتوب عليه بخط عريض (الخسارة الكبرى). وبدأ التسجيل قائلاً:

- أدرك أن معركتي القادمة مع نفسي
- أدرك أن عليّ أن أرمم كل ما قُمت بتدميره
- أدرك أن عليّ أن أعالج كل من قمت بإذاثه
- أدرك أن عليّ أن أعذر لكل من أسأت إليه
- أدرك أن عليّ إصلاح ما تم تخريبه.

وفي مقدمة تحقيقي أتوجه إليكم بسؤال هام: هل كل من أوجعناهم (حتى وإن كُنّا تحت أشد الظروف والضغوط) هل يمكننا أن نعود إليهم ونقول لهم بمنتهى البساطة سامحونا... فيسامحونا؟!!!



أنا لا أعتقد ذلك وأرى أني قد أحدثت شرخاً كبيراً  
أصبح من الصعب أن يُرمم مهما كانت الظروف ومهما  
كانت الأسباب.

كان معكم رفيقكم نادر فودة الصحفي بجريدة عمق  
الحدث باب ما وراء الطبيعة.

دخلت الممرضة علياً بأجمل بوكية ورد شـوفته في  
حياتي، قلبي قال لي إنه من عُلا.

أخذه منها وفضلت ترغي وأنا بدور على الكارت مش  
مركز معاه، ملخص كلامها إنها من المتابعين ليّ بشغف  
وتقريباً عندها كل أعداد الجورنال من أول ما أنا إشتغلت  
فيه، لاحظت الممرضة إنني بدور على الكارت وبصتلي  
بـخُبت وقالتلي: تدفع كام وتأخذه؟

إبتسمت إبتسامة مُصطنعة: إيلي تطلبه ياسـتي.

خرجت الممرضة من جيبها كارت وإدتهولي أخذه  
منها بلهفة زي الطفل وقرّيت المكتوب فيه..

(حمد لله على السلامة يا نادر وندتقي في جولات  
أخرى...كسّاب).

رمى بوكية الورد في وش الممرضة بدون وعي،  
وزعقت، خافت مذني وطلعت تجري، ودخلت على صوتي  
أمذية أختي بمجرد ما شوفتها بكيت زي الطفل وإترميت  
في حضنها وإترجيتها تسامحني.

الحقيقة كعادة أمنية هي أحسن وأكرم بكتير، في  
لحظة هي نسيت كل حاجة ولاحظت إني ماسك الكارت  
ومكالبش عليه بإيدي، خدته بالراحة من إيدي، بصت فيه  
وقطعته ورمته في صندوق الزباله.

نادر: كساب هو إلهي خلاني أعمل كل ده فيكم، هو إلهي  
سيطر عليًا أنا عمري ما أعذيك يا حبيبتي لو آخر يوم في  
عمري، سامحيني أرجوكي.

أمذية (باكية): مصدقك ياخويا ومسامحك وحتى لو  
مكنتش رجعت لنادر القديم برديو مسامحك

نادر: الملعون إتشكل لي بمليون شكل، مرة راجل  
عجوز، مرة هالة، مرة وحش ومرة بشكله الحقيقي، بس  
المرة الوحيدة إلهي مش قادر أفهم تفسيرها لما جه وإنزوا  
موجودين عند البير ووقف يقول طلاسـم وهو مستخبي

وسط الغاب ومش ظاهر منه غير صورة غير مكتمله، كان  
غرضه إيه؟

أمنية: تقصد مين؟

نادر: كسّاب، أنا مش عارف هو منين عمل كل ده وجه  
في الآخر يساعداكم في إنقاذي ولا هو فعلاً عاوز أعيش  
علشان يكمل عليّا!

أمنية: يا نادر مين قالك إن إللي كان واقف وسط الغاب  
كسّاب؟

نادر: طبعاً هو مفيش غيره

أمنية: يا حبيبي ده واحد ثاني مش فاكدة إسمه إيه

نادر: واحد ثاني مين؟!

أمنية: أصبر بس هفتكر إسمه... أصبر

نادر: إسمه إيه يا أمنية؟

أمنية: ما إنت مش مديني فرصة أفكر... أصبر

نادر: أديني سكّت أهو فكري بقي.

بعد مدة بسيطة صرخت أمنية وقالت لنادر: إفتكرت  
إسمه على ما أتذكر عادل كرم فخر الدين

نادر: مين؟

أمنية: لا إسـتـنى، إفتـكـرت إسمـه عادل كرم الدين...أول مرة أسمع يا نادر الاسم ده، هو مين ده يا نادر

يا نادر.. إنت سكت ليـه؟

يا نادر...يا نادر...نادر

نادر: هاه يا أمنية... بتقولي حاجة!

أمنية: مين عادل ده؟

نادر: ما تاخديش في بالك يا حبيبتي، اسـنـديـني يا أمنية  
عاوز أخرج برا الرعاية، عاوز أطلع أقف في أي حـتـة محتـاج  
أشـم هوـا نـضـيف بـعد ما الهوا إتمنع عني طول سنة فانت...

مشت

الفهرس

٧	(مقدمة)
١٣	الفصل الأول (عودة مديولي الساعي)
٢٣	الفصل الثاني (لا زلت ألسة)
٤١	الفصل الثالث (طوق نجاة)
٥٥	الفصل الرابع (لا يغفل الحديد إلا الحديد)
٦٣	الفصل الخامس (لقاء عابر)
٧٥	الفصل السادس (ليالي الأرواح الضالة)
١٢٣	الفصل السابع (حوارات عبثية)
١٤٥	الفصل الثامن (عضبة الموتى)
١٧٧	الفصل التاسع (تربية مشايخ)
١٩١	الفصل العاشر (بيوت مسكولة)
٢٢٥	الفصل الحادي عشر (العصابة والبلتر)
٢٣٣	الفصل الثاني عشر (الأبـم)
٢٤٩	الفصل الثالث عشر (توبة مُنأخرة)
٢٦٣	الفصل الرابع عشر (أوراق أخيرة)